



7

6-c

34

6

10

G

10

Ex Bibliotheca
Majori Coll. Rom.
Societ. Jesu

61.6.26

61 61
10 10
25 25

7-6-c 34

L

279


1870

1871



ex legato *[signature]* *[signature]*

ROMA
1628



REVERENDISSIMO
IN CHRISTO PATRI AC DOMINO

D. PHILIPPO

Biblioth. DE CAVEREL, *Sec.*

CELEBERRIMI COENOBII

S. VEDASTI IN NOBILIACO

APUD ATTREBATES ABBATI

Religiosissimo, ac Sapientissimo,

MONASTERIORVM EXEMPTORVM

ORD. S. BENEDICTI IN BELGIO,

Coll. VISITATORI, *Rom.*

BONORVM OMNIVM MÆCENATI.

Soc.

Sec.



AUCTORVM qui
ex ord. Præd. in
Belgio floruerunt
nomina ac monu-
menta, hætenus

cum illorum cineribus pene se-
pulta iam vero primum è tene-
bris eruta, nominis tui auctori-
tate, R.^{mc} PRÆSVL, lucem cla-

ã 2

ram



EPISTOLA,

ram aspicere gestiunt, tuoque fauore antiquæ peregrinationis suę loca reuifere. A patria gentisque suæ memoriâ exularunt, donec ego ad publicum Belgij conspectum illa reuocandi audaciam sumpsi. Hanc mihi fecit, partim S. Petri Damiani iusta expostulatio, partim iucunda Amplitudinis tuę recordatio. Tu enim cum bonus sis & optimus, hoc præsertim virtutis tuę stemma esse voluisti, vt quæ pietatem habent, iure sibi Patrocinium tuum vendicent. Quin etiam, quia vt possis, larga Manu dedit Deus, pias piorum causas ad tuâ protectionem veluti aduocas & inuitas, dum apud te iura pietatis valere, publica Symboli tui inscriptione fatearis. Tuus vero
ille

EPISTOLA.

ille Petrus Damiani, ex ord. scilicet tuo, vita sanctissimus, scriptis clarissimus, purpurata dignitate illustrissimus, qui & ipse trium sui instituti sanctorum præclara gesta conscripsit; in vita S. Romualdi, nobiscum de nimia erga Patres nostros nunc cum Christo regnantes ingratitude, & impia de eorum gestis oblivione ac taciturnitate, acriter expostulat. *Aduersum te* (inquit) *munde immunde conquerimur; qui habes intolerabilem stultorum sapientiam, turbam tibi facundam; Deo mutam; habes inquam, qui in prætorijs iudicum secularium, negotiorum lites; & caussarum iurgia continuis valeant declamationibus perorare; non habes qui possit in sancta Ecclesia vel unius sanctorum virtutes,
ā 3
claraq;*

EPISTOLA:

claraque gesta describere. Hac ego querela admonitus, ad paucula quæ tum occurrebant Dominicanorum Belgarum monumenta recensenda, animum & studiū adieci: & licet Prouinciarum urbiumque archiua, diuersas Belgij bibliothecas, pluresque Belgicarum rerum scriptores lustrare ac perlegere non potuerim, audax tamen fui, & vt hæc quæ quidem perquirere & nancisci potui, prodirent, permisi. Age ergo R.^{mc} PRÆSVL, Petri Damiani, tuique ipsius memor, hanc quanquam exiguam sanctorum tabellam, solo pietatis iure nomini tuo inscriptam, patrocinio dignare: & vt in fronte, benignitatis tuæ clypeum præferat, indulge. Perferantur quæso tuo
 fauore

EPISTOLA:

fauore per Belgicam suam, hæc
ord. Præd. tuę Amplitudinis ob-
seruantissimi, cimelia, quę tibi
pius quisque lector se debere
gaudebit; vt & sancti ipsi quo-
rum sunt monumenta ac nomi-
na; qui vicissim tibi sanctorum
mansiones adituro, grati & gra-
tulabundi occurrent. Diu in-
terim pijs, bonis, Patriæ,

VIVE ET VALE.

*Tua Reuerendiss. Amplitud.
obseruantissimus,*

F. HYACINTHVS CHOQVETIVS.

LECTO-



LECTORI.

P*Auca Te precari necessum est, Benigne Lector, Primum ut si non mecum sentis, satius esse vitas ac monumenta sanctorum prout primitus scripta fuerunt debere edi, quam stilum mutare, Condonez quod prater desiderium tuum hic à me ita factum sit. Res enim quas hic damus obscure hætenus fuerunt, quibus proinde concilianda fuit, & quærenda fides, atque auctoritas. Licet enim in Belgio euenerint, ignoratione tamen aut obliuione, fama exciderunt, aut fortè caruerunt. Quod mirum non est, etenim August. lib. 22. de Ciuit. Dei cap. 8. dicit multa in ipsa urbe Carthagine*

AD LECTOREM.

Carthagine euenisse, quæ Carthago nesciret. Quamobrem cum non dubitem plura de hoc ipso argumento cognitionem nostram & manus effugisse, Te rursum precor, ut si quid tibi occurrerit quo hæc monumenta vel auctiora vel illustriora reddi possint, monere digneris.

Postremò miraberis proculdubio illos de quibus hoc libellus est sermo, sanctos aut beatos à nobis appellari, cum sanctorum aut beatorum numero ascripti non sint, vetueritq; Alexander III. ne ullus, etiamsi post eius mortem per eum miracula fierent, absque Pontificis consensu Beatus diceretur. Verum id quæso concede, quia plerosque ex illis reperio in aliorum libris aut monumentis eo titulo honoratos: ut Henricum à Calstris, utramque
Mar-

AD LECTOREM.

Margaretam, & Dodonem in fastis sanctorum Eriberti Rosueidi Societatis IESV, Nicolaum Harlemensem, & Brigidam, in Leandro, Michaeli Pio, & alijs. Joannem Agni in vetustis tapetibus. Deinde frequentius utimur particula beata memoria. Ac tandem ij de quorum miraculis constat, videntur tacito Pontificis consensu, eo nomine gaudere, dum tamen publicè non colantur.

INDEX



INDEX CAPITVM.

CAPVT PRIMVM.

Ordinem Prædicatorum fuisse in Belgio præ-
nuntiatum.

Cap. 2. *Celebris Dominicanorum in Belgiū ad-
uentus.*

Cap. 3. *Communis per orbem forma viuendi
Dominicanorum, initio instituti Ordinis.*

Cap. 4. *Summorum Pontificum de ordine Præ-
dicatorum encomia.*

Cap. 5. *Plures maxima sanctitatis PP. Domi-
nicanos ex alijs orbis partibus Belgium lustrasse &
fructum in eo fecisse.*

Cap. 6. *De venerabili ac Beata memoria pa-
tre Zeghero Insulensi.*

Cap. 7. *Communia de Conuentu Gandensi.*

Cap. 8. *De B. Ioanne Agni Gandensi.*

Cap. 9. *De B. Balduino Gandensi.*

Cap. 10. *De Beato Ægidio à sancto Audomaro.*

Cap. 11. *De Beato Odone Gandensi.*

Cap. 12. *De B. memoria Guinando Traiectino.*

Cap. 13. *De B. Henrico à Calstris Louaniensi.*

Cap. 14. *De B. Thoma Cantipratano.*

Cap. 15. *De V. Patre Seruatio Louaniensi.*

Cap. 16. *De B. Conrado Louaniensi.*

Cap. 17.

Cap. 17. De B. Nicolao, & Venerabili Rayne-
rio Brugensibus.

Cap. 18. De B. Ioanne Sterlino Vallencenensi.

Cap. 19. De Venerabili Antonio Timmermā-
no Martyre Antuerp. & alijs tribus eiusdem mona-
sterij pijs Patribus.

Cap. 20. De B. memoria Ioanne, Andree, &
Nicolao Harlamensibus.

Cap. 21. De venerabili P. Cornelio Petro Zir-
keo ab hereticis trucidato.

Cap. 22. De B. Margareta Iprensi.

Cap. 23. De B. Alano de Rupe Zuolla sepulto.

Cap. 24. De beata memoria Margareta de Ge-
vines Bruxellensi.

Cap. 25. De B. Brigida Hollanda.

Cap. 26. De Beata memoria Dodone Frisio.

Cap. 27. Memorabilia quadam Ordinem
Predicatorum in Belgio spectantia.

§. 1. B. Iordanus post mortem apparuit B. Lut-
gardi in Brabantia.

§. 2. Miracula virtute Rosarij & sacrarum re-
liquiarum in Belgio edita.

§. 3. Inquisitio memorabilis facta in Hereticos in
Belgio per Robertum quendam Dominicanum.

§. 4. Decanus in Flandria ad ord. Pred. celesti
revelatione adductus.

§. 5. Dua Henrici, 7. Augusti sorores Vallencen-
nis ordinem Pred. professa.

FACULTAS

R. P. PROVINCIALIS.

EGO FRATER PETRVS VOSTYNIVS
S. Theologiæ Magister, Ordinis
Prædicatorum per Belgium Pro-
uincialis, concedo facultatem, vt libel-
lus de Sanctis Belgij Ord. Prædicato-
rum, quorum monumenta recensuit
R. P. F. HYACINTHVS CHOQVETIVS
S. Theologiæ Magister, eiusdemq; in
Conuentu nostro Duacensi Professor
ac Regens Primarius, typis excuda-
tur & in lucem prodeat. Datum Gan-
daui 1617. Octobris 17.

F. PETRVS VOSTYNIVS
qui supra.

A P.

APPROBATIO

CENSORIS.

HOc laboriosum Syntagma Eximij M.
N. HYACINTHI CHOQUETII,
in Conuentu Fratrum Predicatorum Duacensi S. Theologie Professoris, & Regentis
Primarij; quois personarum utriusque sexus ex eodem ordine, sanctitate in Belgio
quondam illustrium; quæ haberi potuerunt miracula aliaque monumenta ac memorias, in lucem profert; ad id plerumque
usus non suis, sed authorum quos allegat,
verbis: non una ex causa pietati prouehenda utile esse futurum, & impressionem mereri censuimus. Duaci, 15. Nō-
uembris 1617.

BARTHOLOMÆVS PETRVS
S. Theologiæ Doctor, & in
Vniu. Duac. Prof.

SVMMA

S V M M A

PRIVILEGII.



LBERTI ET ISABELLÆ
Serenissimorum Belgij Prin-
cipum Priuilegio cautum
est, ne quis Typographus
aut Bibliopola alius ab eo, cui Frater
HYACINTHVS CHOQVETIVS,
Ordinis Prædicatorum, S. Theologiæ
Doctör, &c. id commisit, imprimat
librum, cui titulus est, SANCTI BEL-
GII ORDIN. PRÆDicatorvm,
alibive impressum in hisce Belgij Pro-
uincijs venalem inuehat, sub pœnis
in dicto priuilegio latiùs comprehen-
sis. Bruxellę, 11. Octobris 1617.

Signat

I. LE COMTE.





CAPVT PRIMVM.

Ordinem Prædicatorum fuisse in Belgio prænunciatum.



ORDINIS Prædicatorum eximiam sanctitatem, raram in Euangelij prædicatione industriam, insigne in totius orbis conuersione studium, denique pro Ecclesiæ veræq; fidei defensione labores maximos ac indefessos, non solum dignatus est misericors Deus celeberrimis vbique miraculis illustrare; verum etiam pluribus antequam is à beato Patriarcha Dominico institutus esset annis, in varijs terrarum populis, voluit multis oraculis, magnisque prodigijs præmonstrare. Præcurrebant etenim plura vaticinia, atque admiranda portenta, quæ Dominicani instituti nondum extantis gloriam mundo publicarunt. Quidam in Gallijs, nonnulli in Germania, alij in Italiâ, diuersisque Europæ locis, futurum in Ecclesiâ sanctissimum ordinem, cuius præcipuum munus esset æternæ salutis documenta alijs tradere, diligenterque Euangelium Christi an-

nunciare, & qui à singulari prædicandi instituto Prædicatorum nomen mereretur, clarissimè prædixerunt.

Ioannes vulgo Theutonicus è castro Vualdefufano diæcesis Magdeburgensis, cum puer esset decennis, inanes lusus & pueriles nugas, sua ætate grandior, exosus, inter cœtaneos nūquam non de Deo verba faciebat, sapiusq; è loco superiore ac spiritu planè diuino apertè prædicebat nouum & ab omni virtutum gloria celeberrimum ordinē breui instituendū, cuius professores forèt re ac nomine verè euāgelici Prædicatores; seq; ex illis vnum, & omniū supremū Præpositum (quē nunc generalem Magistrum appellant) futurum. cui Dominus postea cooperatus est, & sermonem ipso euētu, ac multiplici sequentium signorum testimonio, confirmauit.

Prodit Gerardus Lemouicensis, episcopū quendam Arausicanum prouinciæ Arelatensis, ex ordine Præmonstratēsi, virum sanctitatis opinione celebrem, & prædicandi zelo ac facundia egregium, frequentissimis auditoribus, hæc aliquando è sacris rostris pronunciaffe, Ego pro meo munere ac viribus Euāgelicam Christi doctrinā hætenus vobis proposui & explicaui; singulari verò bonitate missurus est ad vos Deus, & in vniuersum orbem, admirabilis prorsus instituti viros, qui noua flāma, animarūq; zelo diuinitus accen-

si, ma

fi, magno sapientiæ radio, & veræ pietatis exemplo, omnibus prælucebunt; corruptos mores acriter arguent, impietatem profligabunt, & assiduo ardenteque sacrarum concionum exercitio, quam eorum ministerio in mortalium cordibus inferuerit Deus virtutem, diligenter excolent.

Ioachimus monasterij Florentis Abbas, annos forté decē ante primam Dominicanæ religionis originem, non vno loco suorum operum futuri Prædicatorū ordinis apertissimè meminit; atq; beatum tantę religionis parentem Dominicum, cum ea ipsa veste atra & candida quā à sanctissima virgine Deipara, non sine miraculo acceptam, suis sectatoribus gestandam tradidit; in Calabria descripsit: necnon sui monasterij alumnis seriò præcepit, vt futuri ordinis viros eo quem adumbrarat habitu vestitos, omni humanitate exciperent, meminissentque illos esse quos Apostolorum instar, ad propagandum auxilium salutis humanæ, per terrarum orbem factores fidei Christus destinasset. Plura alia extitere præfagia, quibus homines diaboli tyrannide oppressi, de futura Prædicatorum religione cælitus monebantur; quę percensere foret importunū. Cùm enim hoc opusculo nobis dumtaxat propositum sit, illustria paucorum monumenta, è plurimis illius instituti viris qui Belgicas prouincias ad rectam

viuendi normam, morum innocentia & doctrinae integritate perduxerunt, ob lectoris oculos ponere: omiſſis ijs quę alibi futuri ordinis Dominicani ſplendorem portenderūt, duo hoc capite commemoranda ſunt, quę, quam ſalutaris Belgio foret Prædicatorum religio, clariffima fuere cœlo teſtimonia.

In Brabantia, nobili Belgarum prouincia, celebris eſt memoria Venerabilis Dominae Marię rara vitę probitate & miraculorum gloria illuſtris; quę quod Oigniacum commodam pœnitentię, & ſanctioris vitę propoſito ſedem, delegerat, vulgò Oigniacenſis dicitur, quanquam Niuellis nata. Eius geſta Iacobus S. R. E. Cardinalis Vitriacus accuratè deſcripſit, & ex eo Surius. Is verò rerum ab eâ præclarè geſtarum luculentus teſtis, & viuenti admodum familiaris, refert, eam cum perditos orbis mores extinctamq; pietatem frequenter deploraret, Deumque vt afflictae Eccleſiæ opem ſeriò adferret, ardentè deprecaretur: cœleſti reuelatione monita aliquando fuiſſe, tot ac tantis Eccleſiæ malis, quę meritò deſiebat, deſtinatū eſſe diuinitus remedium ſalutare. Proinde paucos poſt annos venturi eſſent Catholicę fidei pugiles ſtrenui, viri puritatis amatores, pietate inſignes, doctrina eximij, & euangelij prædicandi munere (à quo Prædicatorum nomine poſtea donati ſunt) incomparabiles.

Illa

Illā verò hoc nuncio recreata, aliorum quoque animos promissi cœlitus auxiliij certissima spe sæpius erigebat, & secuturam illam fœlicem etatem apertè vaticinabatur, ita refert Gerardus Lemouicensis lib. 1. de vitis fratrum cap. 2.

Illustrius est quod sub initia eiusdem instituti, Brugis opido peramæno, & celebri Flā-driæ emporio, accidisse constante famâ à maioribus ad seros nepotes transmissum est; In suburbano, pago Assenbrocano, angelorum modulationes ad eum locum sæpius auditas, vbi postea fuit Virginale Dominicanarum; refert Ioannes Gramaye in Flandria Franca, & suadet perpetua illius monasterij appellatio, quod nunc quoque ab angelico concentu Vallis Angelorum vulgò dicitur.

At verò nulla alia causa esse potuit cur ad eum locum descenderint cœlitum chori, & mortalium auribus animisq; insonuerint angelicæ illæ voces, quàm quod locum illum totius virtutis scholam, religionis sacrarium, Theatrum pietatis futurum, suo cantu testarentur beati spiritus; qui proculdubio prædicebant tunc, futura eo loco sacrarum virginum lamenta, suspiria, flagella, ieiunia, cæteraq; religiosi instituti exercitamenta. Præcinebant epithalamium plurium Christi sponfarum, quæ ex illo deserto vitæ austerio-

6 ORDO PRÆD. IN BELG. PRÆVNOC.

ris, & à sæculi vanitatibus sequestri solitudine, virtutum delitijs affluentes, ad æternos sponsi virginum amplexus sæliciter erant commigraturæ, atque suis apud Deum meritis Belgio maximopere profuturæ.

Magna sane esse debuit, ac patriæ salutaris ordinis Prædicatorum sanctitas, quam adeò luculenta testimonia, & cælestia oracula prædixerunt. Faxit misericordiarum Pater Deus, à quo sancta desideria, recta consilia, & iusta sunt opera, sine quo nulla virtus esse potest; ut qui sua benignitate maxima gratiæ dona, in ordinem Prædicatorum olim ad Belgij salutem largiter effudit, dignetur quoque nunc pro patribus sanctis, filios sanctos submittere, Elisæos, pro illis quos Eliæ instar, ac sælicius ardente caritatis flamma igneos, in beatam æternitatem induxit: ut Patrum spiritu duplicato, patriæ tot bellis hæctenus afflictæ, varijsque erroribus agitatæ, meritis & exemplis opitulentur, & ea quæ secundum Deum est scientia instruant & adiuvent.

CAPVT

CAPVT SECVNDVM.

*Celebris Dominicanorum in Belgium
aduentus .*

ROSTQVAM inclaruerunt quæ iam cōmemorauimus de futuro Prædicatorum ordine testimonia; toti Belgicæ stuporem & admirationem attulêre, &, vt opinari fas est, in omnibus genitus est ardor, religiosum illud vitæ institutum, illosque viros conspiciendi, quorum sanctitatem cælestia monita præcurrebant. Sed, ô Deus, qui tunc tuæ benignitatis ac potentiæ miracula per famulos tuos Prædicatores, in alios Christiani nominis populos largiter effundebas; quàm creuit flamma illa Belgarum, maximè principum virorum feminarumq; , quando ex Italia eiusq; ac totius orbis capite Roma, Hispanijs, Germania, & vicina Galliarum principe Lutetia, fama nunciauit plures Dominicanorum meritis à morte ad vitam excitatos; pluribus lumē, gressum, integrāq; sanitatem, concessa aut restituta; ita vt prisca Apostolorum tēpora cū nouo sanctorum virorū ordine rediisse viderētur! Enim verò licet primos per annos institutę Prædicatorū religionis, alias tantū Europæ gētes noua illa virtutis &

sapientiæ sydera suo lumine complerent; excitarunt nihilosecius Belgicam insolitis miraculorum radijs, quæ fulguris instar ex rumore hîc emicabant: Quo factum est vt Belgæ eandem lucem sperare, & magnis desiderijs exoptare, cœperint.

Inter primos, sub annum 1218. Dominicanos Lutetia Parisiorum Flandiæ Comes Gandavum euocat, urbem opulentam ac viribus potentem.

Erat ea tempestate misera mœstaque Flandria, ac veluti suo Principe viduata; etenim Ferdinandus Sanchij Lusitaniæ regis filius, Ioannæ Comiti matrimonio iunctus, ante biennium à Philippo Galliarum rege, prælio ad pagum Bouinas commissio captus, etiam tunc, ac multò post in Lupara Lutetiæ seruabatur; quo tempore ob eius absentiam, plura patriæ infausta acciderunt. Nulla tamē Catholicorum maximeq; piorum Principum animos aduersa expugnare potuerunt, quin Deum, à cuius nutu pendent imperia & omnium iura regnorum, semper in mente, summoque cultu habuerint: quòd qui illis calamitatibus, eos ad immortalis vitæ coronam exercebat, ac paternè castigabat, idem cùm ei placitum foret, nosset benigniore manu nouercantem fortunam depellere, & placido atque sereno vultu res Flandriæ sedare & prosperare.

Ioanna

Ioanna suam in Deum religionem multis utriusque sexus exstructis monasterijs, amplius etiam relictis opibus, comprobavit. illa ergo pro sua pietate ordinis Prædicatorum viros in Flandriam aduocat, novos apud numen intercessores, qui magnis meritis patriæ succurrerent, & pro Ferdinandi reditu Deum exorarent.

Is quoque Lutetiæ detentus, & cominus raram noui instituti sanctitatem cōspicatus, atque verisimiliter permissio cum illius viris colloquio, expertus; ut in Belgium suamque imprimis Flandriam irent, exorauit. Quare Gandavum Dominicani vocati & missi intendunt, rectaque Insulas Flandriæ urbem adueniunt. ibi humanissime à primoribus suscepti, pauperis sagi vestitu, aspectu modestiæ ac pietatis pleno, verbisque humanum nihil sed diuina sonantibus, conceptam de sua sanctitate opinionem & admirationem apud omnes auxerunt. Insulenses nunquam non ad pietatem faciles, tanto virtutis exemplo accensi, eò progressi sunt, ut pro religione cum ipsis Principibus veluti certasse videantur.

Perpetua apud nos traditio est, eiusque meminit Antonius noster Senensis in chronico folio 35. Dominicanos Gandavum properantes, ab Insulensibus detētos, atque ex pietate coactos ibi subsistere, & domici-

10 CELEBRIS DOMINICANORVM
lium figere . hoc ipsum nosse Stephanus
Sampayus in stemmate ord. Præd. pag. 227.
sic scribit: *In eodem ferè tempore (videlicet cir-
ca annum 1221) Belgicis efflagitantibus, missi
sunt aliqui Apostolici viri in illam prouinciam,
qui per Insulas transeuntes, deuotione plebis ibidem
detenti, verbum vite disseminare, atque conuen-
tum extruere cæperunt, proindeque necesse fuit a-
lios de nouo fratres in Belgicam destinare; qui
Gandauensem, Louaniensémque conuentus, volun-
tarijs populi expensis & non minori letitia in-
choarunt.*

Porro insigne est Insulis Canonikorvm ad
S. Petri Apostolorum Principis ædem, colle-
giũ; in quo omni ætate floruerunt viri pietate
præstabiles, eruditione conspicui, atque in
rebus agendis prudentia industriaq; summi.
Ij præcipuè autores fuerunt vt fratres Gan-
davum, quò destinati erant, ire prohiberen-
tur. Fratrum siquidem sanctitatem, Vene-
rabiles illi ac sapientissimi viri, singulari af-
fectu colebant; eumque splendida fundi
donatione testati sunt. Etenim locum cœ-
nobio ædificando aptissimum, amplum, &
intercurrente flumine semper irriguum ac
fœcundum, in ipso vrbis Pomerio vtrò de-
dere; in quo ad S. Iacobi Maioris inuocatio-
nem domus est extructa; in eaq; quanquam
non semel maior ædificiorum pars conflag-
rarit,

gratit, nostri præstitere vsque ad annum 1579, quo ob bellorum tumultus in ipsam urbem commigrarunt.

Nec verò sua spe Gandavenſes ſunt frustrati; alij ſiquidem ex eodem ordine Pariſijs illuc deſtinati, ſœliciter aduenerunt, & non inferiori humanitate ac publicæ lætitiæ teſtimonio, imprimis Ioannæ Senatusq; applauſu ſuſcepti, domum ædificarunt. Vnde poſtmodum ad alia Flandriæ opida manauit Dominicana Religio; cuius rei ſingula non perſcribimus.

Gandavo Antuerpiam excurrimus, ac ſœlicem quoque eam in urbem Prædicatorum aduentum paucis indicamus. Priſcam eius Religionem, affectum quo Dominicanos eſt proſecuta, opinionemq; quâ illorum ſanctitatem eſt admirata, loquuntur litteræ quas ſubnectimus. Igitur eius ciues pari cum Flandris pietatis flamma arſerunt, & noui inſtituti viros ad ſe mitti non minori religione exoptarunt. Verùm, recondito numinis conſilio, noſtrorum ad eos aduentus poſterior fuit, & ſpes diu dilata. Quare cùm ſæpius vt Antuerpiam Prædicatores mitterentur fruſtrà tentaffent; Tandem occasione Comitiorum Prouinciæ Theutonicæ, quæ Argentorati anno 1243. celebrata fuère, communi nomine litteras ad Patres in Capitulo (vt aiunt) Prouinciali con-

12 CELEBRIS DOMINICANORVM
congregatos conscripserunt in hæc verba.

*Religiosis viris & discretis, Honorando Patri
Prouinciali fratrum Prædicatorum Theutoniæ, &
fratribus Diffinitoribus Capituli Prouincialis apud
Argentınam, Scabini & communitas Antuer-
piensis, Cameracensis Diœcesis salutem & sinceram
in Domino charitatem. Quamuis mundanis pul-
ueribus obfuscati comparatione felicitatis spiritua-
lis multarum ciuitatum, quibus in populo & alijs
temporalibus termini nostri superabundant; nostram
necessitatem vobis inuitamur exponere. Cum itaque
secundum præsentem statum, ministerium vestrum
sanctæ Dei Ecclesiæ comprobetur pernecessarium;
& nos hucusque consolatione vestrâ (quod cum do-
lore præferre possumus) caruerimus, nisi in quantum
beati fratres vestri domus Louaniensis, vel alij re-
motiores, nos duxerint visitare: omni deuotionis
affectu vestram piè pulsantes exoramus charitatem,
quatenus nobis & nostris compatiamini, & Colle-
gium fratrum vestrorum Antuerpiam destinari
faciatis. Hos enim ipsos affectu sincero & dilectio-
ne stabili pertractare compromittimus: firmam te-
nentes fiduciam quod cum Dominus benedixerit
domui Egyptij, propter introitum Ioseph, & domui
Laban propter Iacob; benedictionis diuinæ munus
ad introitum eorundem consequemur. Datum in
inuentione S. Stephani, anno 1243.*

Scripserunt quoque in eandem senten-
tiam, atque eodem planè affectu Serenissi-
mus Brabantix dux, & Cameracensis Epi-
scopus.

Scopus. Agedum lector, hîc subsiste, & mira-
re raram eorum virtutem, quos beatos ap-
pellant hę litterę; quorum aduentus, fœli-
cissimus patrię futurus certò sperabatur,
qui Antuerpię totiқue Brabantię tales fore
credebantur, quales olim, Iosephus Ægy-
pto, domui Labanicę Iacobus: nimirum
nubes, quę diuini solis radio sereniore in
cœlestem imbrem ac Belgio longè salutarē,
oluerentur.


Lucebant in Germania ea ætate ex ordi-
ne Prædicatorum plura virtutum sydera, in-
ter quę maioribus sanctimonię flammis
micabant beati Alberti duo; prior, ille qui
pietatis atque eruditionis incomparabili
gloria Magni nomen obtinuit: Posterior
Blanchenbergensis, alijs Franckenbergensis
iuxta Marpurgum in Hassia, alterum sanè
iunioris vitę specimen. Beatus Robertus
Baxo, & B. Ioannes Theutonicus, B. Gualte-
rus, omnes editis miraculis, toti orbi admi-
rabiles. ij Argentoratum cum alijs conue-
nerant, & pro Antuerpiensium voto fratres
obmiserunt, qui apud Antuerpienses virtu-
um vineam sedulò excolerent. Quid porrò
Antuerpienses nouis illis Apostolis aduen-
ientibus? Communem Ducis, Senatus, po-
uliқue applausum, & testes lætitię lachry-
as, oratione satis explicare nō possumus.
uisque ex litteris suspicari faciliè potest.
Prædi-

Prædicatores ab ijs tanto gaudio acceptos fuisse, quanta omnium gratulatione Ægypti Columen Iosephus salutat^{us} est.

Ea fuit olim, Antuerpia auorum tuorum pietas, quæ te omnibonorum genere locupletem effecit, diuitias peperit, palatia extruxit, atque frequenti exterarum nationum numero tua mœnia compleuit. In manu Domini diuitiæ & gloria; has sincero in Deum cultu, maiores tui tibi compararunt, docti scilicet quæsito per veram pietatem Dei regno, cætera florentis Reipublicæ commoda adjici. Adiecit profecto Deus, & maiorum tuorum virtute fœlix experta es, quam illi à Deo gratiam gloriamque exoptarunt. Perge, auitam Religionem fove, auge; & disce, tibi olim omnia bona cum illa obuenisse; omnium siquidem bonorum mater est: inquire primum regnum Dei, & iustitiam eius, & cætera tibi adjicienda, ipsi crede.

CAPVT TERTIVM.

Communis per orbem forma viuendi Dominicanorum, initio instituti ordinis.

 GITVR cōmuni patriæ voto Prædicatores ex Galliâ Germaniaque euocatos, in Belgium stylo induximus; operæpretium nunc est, corû studia, viuēdi rationem, & quotidiana virtutum exercitamenta, oratione persequi. Nec sanè dubitari potest, quin nascentem primum religionem illam, cuius vnica cura esset corruptissimum orbem à vitijs in viam salutis reuocare, multiplici gratia cumularit Deus; & affuerit sacer spiritus, ijs quos de mundo elegerat vt fructum afferrent in æternitatem permanfurum.

Et verò prima illius instituti auatrix Dei-para, singulari studio ac materna curâ fratres vbiuis dirigebat, commonebat, solabatur, & frequenti colloquio recreabat. Id illam manifestè testatam cuidam Cisterciensi monacho, & in Saxonia sanctę opinionis fœminę, tradit Venerabilis Thomas Cantiprat. lib. 2. de apibus cap. 10. p. 16. & sequente. eius verba hîc reponimus. *Quidam Cisterciensis ordinis*

ordinis monachus, vite tam sanctæ, visionem mirabilem vidit, ut ei non credere flagitiosissimum & impium putaretur. Raptus enim in spiritu, patronam ipsius Cisterciensis ordinis vidit, Christi Iesu benignissimam genitricem. Cui Beata Virgo, Ut sincerè inquit diligas eos, & pro eis intensius ores; tua charitati meos fratres & filios recomendo. Cumq; ille latus annueret, fratres ordinis sui hos confidens; beata Virgo inquit: Habeo & alios fratres, quos meo patrocinio fouendos & custodiendos amplector. & hæc dicens; reuelato pallio fratres ordinis Prædicatorum sub eo contutatos ostendit; & adiecit: Hi sunt (inquit) qui specialiter insistant negotio, ne dilecti filij mei sanguis inutiliter sit effusus. Hæc ibi. Tum sequente parte. Similiter cum quadam in Saxonia (ut nobis frater Walterus de Treueri, ordinis Prædicatorum retulit) sanctissima opinionis reclusa, Prædicatorum nomine excitata, videre fratres, in principio ordinis, vehementius affectasset; & tandem duos iuvenes fratres data occasione vidisset: attonitâ mentis acie, dixit ad Dominum: Quid est Domine, quod prædicatio verbi tui, per tam infantiles & imperitos homines usurpatur? cui mox ad hæc verba beata Christi mater apparens, reuelato pallio (ut prius dictum est) ei fratres ordinis ostendit, dicens: Ne despicias quoscumque tales; ego sum quæ rego eos & protego, & eorum pedes dirigo in viam pacis.

Quid porrò ea Virtutis magistra, tutrice, matre? vigeat profectò regularis vitæ in animis

nimis amor, in actionibus obseruantia, in
 onscientia puritas, in vultu modestia, in
 onuersatione sine affectata grauitate matu-
 tas, in omnibus sine fictione humilitas. erāt
 iunijs attriti, in laboribus (quos pro anima-
 um salute ingentes patiebantur) hilares;
 orde Deum & proximum amantes, carne
 integri; mundo mortui; spectaculum facti
 Deo, angelis & hominibus. Huius rei testem
 pello ac produco sanctum Antoninum,
 lorentinorum quondam Antistitem, nunc
 itelarem. Is communem toto orbe viuendi
 ormulam, à Dominicanis obseruatam sub
 itia institutæ religionis, his verbis descri-
 it 3. parte hist. titulo 23. cap. 10. *Temporibus*
imitiuis tantus erat feruor in ordine quod nullus
fficiat enarrare. siquidem spiritus vitæ erat in rō-
s, cuius virtute animalia ibant & reuertebantur,
ouebantur & eleuabantur secundum voluntatem
ritus dirigentis. Videres utique per ordinem, fer-
rem mirabilem, alios protentis suspirijs post quo-
lianas & puras confessiones; amaris singultibus,
tis clamoribus, sua & aliorum peccata lugentes.
ios in orationibus noctem ducentes cum die, centes
s & ducentenis genus flexionibus laborantes. Videres
clesiam nunquam vel rarò sine orantibus esse:
ide cum plerique à portarijs quærebantur, in Ec-
lesia facilius quàm alibi, poterant inueniri orantes:
inique quidam valde religiosus frater retulit quod
& à paucum tempus, centum fratrum confessiones

generales audiuerat, quorum inuenit septuaginta integritatem mentis & corporis seruasse, non sine magna orationis instantia, & religionis custodia, quibus ipsa castitas maxime custoditur. Ceterum plures illo sancto feruore succensi non prius ab oratione surgebant, nisi aliquam specialem gratiam à Domino impetrassent. Vnde unus dixit, quod non poterat de nocte quiescere, nisi prius se lachrymis irrigasset. Retulit alter magnæ authoritatis, se uidisse dum statet in oratione ante altare, Bononia, alterum feruentem spiritu, toto corpore eleuari à terra. Eodem tempore, quasi festiuium quoddam fratres Completorium expectabant, recommendantes se inuicem cum multo cordis affectu; pulsatoque signo, de quibuscunque locis ad chorum festinantius properabant. Vbi completo officio, & totius mundi Regina, nostrique ordinis aduocata, deuotissime salutata, se disciplinis duris subiiciebant: Post verò, quasi pro peregrinatione quadam, altaria omnia visitabant, humiliter procumbentes, & tanta producentes ab intimis flumina lachrymarum, ut si esses à foris, crederes plangi funus quoddam quod positum esset in medio. quod plerique secularium explorantes, viderunt & audierunt; & quàm plurimum adificati sunt, & ex hoc aliqui ordinem intrarunt. His peractis, non statim currebant ad quinternos reuoluendos; sed in Ecclesia, vel in Capitulo, vel Claustrì angulis latitantes, contra suos actus examinatione stri-

ne strictissima percurrerant, & ex hoc disciplina-
 bant se fortiter, aliqui virgis, aliqui nodosis cor-
 rigis, ut sonus eminus redderetur. Post matuti-
 nas pauci currebant ad libros, pauciores reuerte-
 bantur ad lectos, paucissimi qui non confiteren-
 tur antequam celebrarent. Cum autem claresce-
 ret, pulsabatur signum ad missarum celebratio-
 nem; tunc ad unum fratrem multi currebant
 gratia ministrandi, & inter eos sancta verteba-
 tur contentio, quis prior sacerdotem de tam sa-
 cro ministerio inuitasset, (id est, quis prior
 rogasset sacerdotem ut se ministro vteretur
 ad sacrificandum) De deuotione erga Beatam
 Virginem quis dicere posset? dictis autem eius
 matutinis, deuotè à stantibus ad altare eius de-
 uotius recurrebant, ne illud tantillum spatium
 ab oratione vacaret. Post Matutinas autem &
 Completorium, altare Beate Virginis quando-
 que ordine triplici ambientes, in gyro, se & or-
 dinem, ipsi deuotione mirabili commendabant.
 In cellis etiam, habebant eius & filij crucifixi
 imaginem ante oculos suos; ut lugentes & o-
 rantes & decumbentes ipsas respicerent, & ab
 ipsis respicerentur oculo pietatis. In seruitijs au-
 tem mutuis se praueniens, in infirmaria,
 in hospitio, in mensa, in lotionem pedum; bea-
 um se reputabat qui poterat alium in eiusmodi
 nteire. O quoties fratres exuebant cappas, tu-
 icas, scapulare, & exhibebant fratribus pere-
 grinis & incognitis prius! tanta erat in seruiendo

deuotio & hilaritas faciei, ut non hominibus, sed Deo & angelis seruire viderentur. Aliquis in hoc tantam sensit dulcedinem, ut præ cordis letitia ipsas deoscularetur scutellas. In obseruatione etiam silentij mirabiliter erant fratres deuoti. Fuit etiam aliquis, qui abstinentiam in non bibendo aliquando per octo dies protraxit: alius qui cum ei offerebatur scutella, saporem eius aquam superfundens frigidam, diluebat; & bibebat. alius tota quadragesima stetit, non bibens nisi semel in die, nec loquens nisi interrogatus. Multi rarò pitantijs utebantur, multi, ne in speciali incurrerent notam; modò ab isto, modò ab illo abstinebant; omni die de sibi oblati aliquid detrahentes. In prædicando autem verbum Dei, ad quod ordo à principio deputatus est; Deus super eum tantum effuderat feruorem, ita quod multi non cum tuta conscientia comedere audebant vlla die, nisi vni vel pluribus prædicassent: in quibus Spiritus sanctus supplebat ex interiore vnctione, quod eis deerat ex scientia acquisita. Nam multi multos conuerterunt ad pœnitentiam solùm cum textu septem horarum Canoniarum: quas, cum euangelio Beati Matthæi, Beatus Dominicus frequenter fratribus imponebat. In quodam Capitulo generali Parisijs, cum incumberet aliquos mittere ad Prouinciã terræ sanctæ: dixit Magister Iordanus fratribus in ipso Capitulo, quod si parati essent bono animo illuc ire, quod significarent ei. Vix verbum implenerat, & ecce vix fuit aliquis in tanta multitudo quin faceret veniam (id est, quin se prosterneret) statim

cum

*cum fletu & lachrymis petens mitti ad illam terram
 Saluatoris sanguine consecratam. Frater autem Pe-
 trus Remensis, tunc Prior Prouincialis in Francia,
 hac videns surrexit, & facta venia, cum alijs, locutus
 est magistro in hunc modum: Bone Magister, aut
 carissimos istos fratres meos mihi dimittatis, aut
 mittatis me cum ipsis; quia ego paratus sum cum
 eis ire ad mortem. Mandauit Dominus Papa Inno-
 centius Priori Prouinciali Francie, quod aliquos fra-
 tres mitteret ad Tartaros, propter quædam quæ spe-
 rabat de fructu viæ illius: Recitatum est mandatum
 istud in Capitulo Prouinciali; & ecce tot & tanti
 fratres se obtulerunt, quod fletus mirabilis illud Ca-
 pitulum occupauit; nimirum alijs cum lachrymis
 petentibus huiusmodi obedientiam, alijs flentibus
 pro tam caris & tam dilectis fratribus se ingerenti-
 bus ad labores inestimabiles, & mortes frequentes.
 Flebant alijs præ gaudio quod habebant licentiam;
 flebant alijs præ dolore, quia licentiam obtinere non
 poterant. Frater Humbertus magister ordinis circa
 principium officij sui, mandauit fratribus ubique,
 quod si qui voluntarij essent ad transfretandum
 ad Barbaros, propter nomen Domini dilatan-
 dum; suum circa hoc animum intimarent ei-
 dem. Quis dignè valeat enarrare, quot & quanti
 fratres, & quam de remotis nationibus, ad hoc non
 solum gratis se obtulerunt, sed per asperersionem san-
 guinis & beatam mortem filij Dei, adiuxerunt eun-
 dem ut ipsos mitteret, sciens eos paratos ad mortem,
 propter fidem & gloriam Saluatoris, in Gentilibus
 tolerandam.*

Hæc B. Anton. Quibus meritò addi possunt quæ verisimiliter de Belgicis refert Cantipr. ex ijs enim facile quisq; metiri potest quotidiana nostrorum illius ætatis exercitamenta laboresq; maximos, & quæ propter insignem illorū tolerantia eximiāq; caritatē sibi apud Deū merita cōparauerunt. is ergo auctor lib. 2. apum c. 10. p. 9. sic loquitur: *Igitur quales defectus fratribus in summis necessitatibus cōtigerunt, frequenter audiui. Quid autem & mihi experiri volenti, cū fratribus cōtigerit in terra natiuitatis meæ simpliciter enarrabo. Veni in villam ignotam mihi longo itinere fatigatus in tantū, ut præ debilitate nimia corde me deficere mox putarem. Ingressi fratres domū presbyteri, nec saltem frustū panis nigerrimi, quo familia vescabatur potuerunt obtinere. Inde digressi latè per villā nihil prorsus nisi in fine villæ à quadā paupercula fragmē panis fursurei habuerunt, donū satis magnum, imò mihi maximū donatiuum. Resedimus ergo sub dumo, panē comedimus, & licet palcarū ariste quæ erant in pane, palatū comedentiū stimularent, nunquā tamen in vita mea sum̃ tā suavi deliciarū edulio delectatus. Consideraui ergo, nec sine graui dolore cordis, quid illi beati viri in multis locis & in multis articulis grauioribus sustinebant, qui hoc vna die non poteram sustinere. taceā ergo de talibus quæ illis frequenter occurrunt. En labores attende nūc quæ de fratrum meritis habet eodē li. c. 53. p. 4. Frater (inquit) ord. Præd. cui hoc accidit quod subiungo, narrauit mihi nunquā se per annos aliquid dormiuisse. iacebat autem in infirmaria spiritu vix*

herente; mirè tamē erat deditus seruitio matris Dei. Dictis autē à fratribus matutinis nocte quadā vsque ad laudes, Domina nostra cū ingenti lumine fratri infirmo apparuit, dicēs: ego mater Christi patrona ordinis tui premunire te veni, quia in similitudinē habitus tui diabolus vt malus frater adueniet, sed contra illū, verbis huiusmodi te signabis. Benedicat me Deus Pater qui cūcta creauit ex nihilo, benedicat me Deus Filius, qui hominē perditū ex sanguine proprio reparauit. Benedicat me Deus Spiritus sanctus cuius me saluet pie cōsolationis infusio, nec diu senties protracta debilitatis incōmodū, sed conuenientibus fratribus in unū facies quod inspirabitur tibi, & integrā recipies sanitatē. His dictis pietatis mater repente disparuit. Frater autē qui per plures annos vix ad dormiēdum oculos clauserat, spatio psalmorū qui in matutinarum laudibus dicebantur protinus obdormiuit, excitatus autem in Cantico Benedictus, vidit diabolū in specie fratris & habitu venientē, qui paulatim crescens domus fastigium attingebat. Nec mora verborū memor quæ à pietatis matre didicerat, consignauit se, & mox dehiscēte terra hosti antiquo patuit ruina magna. Paucis post diebus quò hæc gesta sunt euolutis, de predicatione fratres undiq; cōuenerunt, quibus lotis & rasus dictus frater debilis secundū verba patronæ ordinis inspiratus dixit: O Deus omnipotens piorū laborum misericors retributor seruorum tuorum sudores quā gratis oculis intueris, respice nunc ad me indignum famulū tuum, & me participem digneris efficere eorū quæ in istis sudoribus & laboribus famuli tui meruerunt. Hæc dicens sordes lotura fratrum

in uno alveolo congerens suo capiti superfudit, & sanitatem non solum capitis, verum etiam totius corporis cum omni integritate recepit. Hunc postea & laborum multorum patientissimū vidimus, & in prædicationibus continuis expeditum.

Porro ô ter felicem, ô ter beatam ætatem illam! ô sanctos fratres! ô Deum horum omnium largitorem! Tu verò, Belgium, felicitatem istam tuo continebas sinu; & quæ præcurrerāt oracula, in viua sanctitatis imagine legebas & intelligebas. Supra opinionem, supra spem vidisti viros mundi contemptores, tuæ salutis studiosissimos, ad Deum pro te intercessores, qui vindicem iudicis iram, & iam iam fulgura missuram manum à te auerterunt. Age nunc, salutis tuæ tantos opitulatores memoria recale sempiterna, & Christo coniunctiores habe tu quoque gratiores; ut vicissim quo possunt te favore dignentur, & inter turbidas quibus nūc fluctuas malorum procellas, è cælo benigniora sydera affulgeant.

CAPVT QVARTVM.

Summorum Pontificum de ordine Prædicatorum encomia.

AM vbiuis terrarum in sanctissimo ordine viuendi rationem, diligentemque in Euangelij prædicatione operâ sæpius admirati summi Ecclesiæ Pontifices, varijs eam encomijs extulerunt: quorum nonnulla hic obiter reponimus, vt quæ superiore capite dicta sunt ab ijs etiam lucem accipiant. Primò igitur Honorius 3. à quo Dominicana Religio anno salutis 1216. confirmata, bulla *Nos attendentes*, Prædicatores vocat *pugiles fidei, & vera mundi lumina*. Gregorius nonus bulla, *Quoniam*, de eisdem sic ait: *Veri & fideles Christi ministri, qui non quæ sua, sed quæ Christi sunt, querunt*. Ioannes vigesimus secundus bulla *Magistrum*, eos appellat *homines in virtute Domino militantes, & crucifigentes cum vitijs & concupiscentijs carnem suã*. Innocentius quartus, bulla *Pater. Pater luminum* (inquit) *fratres Prædicatores in lucẽ gentiũ tribuit*. & pluribus, bulla data Lugduni, quæ sic incipit, *Humiles habitu & affectu fratres de ordine Prædicatorum, celestis amoris patriæ sic se indissolubili vinculo adstrinxerunt; vt hoc solũ pro de-*

licijs habeant, quod per sanctitatis opera, grati oculis diuina maiestatis occurrant. De huiusmodi quidem vinculi virtute procedit ut ipsi circa ea in quibus diuini gloria nominis & honor contineatur Ecclesie ac robur Ecclesiastica libertatis, ita prompto & indefesso ducantur spiritu, quod eis nulla formido possit obsistere, quin liberè facienda subeant quæ de Apostolica Sedis circumspecta prodeunt voluntate. Nos itaque gloriantes in Domino quod ipse viris talibus suam munivit Ecclesiam, qui mori pro Christo diligunt, & pati pro iustitia delectantur. & bulla Nimis, ait, abnegantes salubriter semetipsos, elegerunt in altissima paupertate Christo pauperi ad placitum famulari, tanquam nihil habentes, & omnia possidentes.

Ad idem hæc habet Alexander 4. bulla cuius initium est, *Exultante spiritu, Frequenter aduertimus, quod status Ecclesie generalis, per vestra predicationis & doctrine salutaris instantiam, diuina gratia suffragante, multipliciter illustratur.*

Clementis sexti illustre testimonium est bulla quæ incipit. *In ordine fratrum Predicatorum quasi solis radius, in hac lachrymarum valle, lux eruditionis elucet. & rursus alibi: In suis labijs æterna sapientia gratia diffusa est. Denique Bonifacius nonus bulla Etsi pro, ita loquitur. Fratres ordinis Predicatorum, multiplicibus splendoribus radiantes, quorum sonus predicationis per diuersa mundi climata noscitur exiuisse, hi sunt, quos*
Deus

Deus numero multiplicauit & meritis.

Plura alia eiufdē notæ elogia omittimus; atque hæc quidē pauca ideo produximus, vt ex ijs metiatur lector quàm fuerit salutaris toti orbi, ac proinde Belgicæ, Dominicana Religio, cuius sanctitatem illustria tot Pontificum encomia celebrarunt. Quisquis virtutem colis, singula expēde, mirare; & Deum totius boni perennē fontē lauda, qui in sanctis suis est mirabilis, & benedictus in sæcula.

CAPVT QVINTVM.

Plures maximæ sanctitatis PP. Dominicanos ex alijs orbis partibus Belgium lustrasse, & fructum in eo fecisse.

BENEFICII memor calamus gratitudinis tesseram hac in tabella nomina sanctorū pingit, qui alio orbe nati, Belgicā corporis præsentia, & celestidoctrina atque exēplo olim sunt dignati. Debitā illi, in hac scena, gloriæ palmam iure à nobis exigunt; nos eorū æternitati iure illā appendimus, & flāmantēs hacc pietatis stellas è cælo diuinę clemētię, infimas Germaniæ oras sua luce collustrasse, patrię nobisq; gratulamur. Quēadmodū enim Abrahamo fauit Deus hospites angelos; ita
in

in Germaniam inferiorem præter vernaculos Dominicanæ religionis alumnos, plures viri Angelorum imitatores, vitaq; illis similimi, ex alijs terris cælitus missi sunt; qui insignem doctrinæ faciem Belgio prætulerunt, & rara vitæ sanctimonia ad virtutem excitarunt. Fama tenet, ter maximum Albertum quondam Ratisbonensem Episcopum, Antuerpiam venisse anno 1271. ibique sui ordinis ædem sacrasse; Louanium verò anno 1276. vbi in anteriore templo altaria quædam tantum dedicauit. Ex vetere quoque fama fertur Angelicus & communis orbis Doctor S. Thomas Alberti Magni maximus auditor vnà cum magistro suo Louanium venisse, eoq; solènia sacra peragente diaconi ministerio functus: hodieq; conspicitur pluteus in Odæo Prædicatorum quo fertur vsus Euangelio decantando. Piè insuper arbitrantur nonnulli eum Louanij in sui ordin. cœnobio docuisse: quod sanè Belgio non parum gloriæ, & nobis plurimum iucunditatis adferret: Pleraq; tamen horum incerta sunt. Fuit quidem beato Thomæ cum Aleide Brabantix ducissa summa necessitudo, eumq; illa sapius de arduis rebus consuluit; quarum vna, periculosum Iudæorum commercium regimenq;: de quo extat S. Tho. ad Aleidem Rescriptum, quod inter eiusdem Doctoris opuscula 21. locum obtinet. Eius autem necessitudinis

cessitudinis caussa B. Thom. in Belgium venisse, sola coniectura est: eum tamen Brabantiam vdisse, constat ex prima visitatione Capituli Canonorum Thenensium, quæ ipso præsentē & teste facta, ac proprii nominis eius subscriptione conclusa & cōfirmata fuit, feria 6. ante omnium Sanctorum, anno salutis 1243. qui erat Beato Thomæ vndevigesimus.

Porro Alberto Louanium ad altaria sacrandā venienti, comes esse non potuit, si à Iusto Lipsio in suo Louanio, alijsque scriptoribus, Alberti aduentus verè rejicitur in annum 76. supra 1200. Desierat siquidem esse Angelicus Doctor biennio ante. Et sanè quisquis error irrepsit, in temporum supputatione, constat beatum Albertum Ratisbonensi Ecclesiæ præfectum fuisse ab Urbano quarto anno 1265. beato Thoma agente 47. Nec verisimile est Albertum in Belgium descendisse priusquam quietis studio, & supremi iudicii horrore, grauem animarum curam opesq; deseruit, tribus à suscepta infula annis; at verò id temporis superabat S. Thomas quadagesimum secundum; quæ ætate non existimo eum extra Italiam iuisse, cum præsertim circa ea tempora Vrbeueti Theologiam professus sit, vbi diuinum illud de admirabili Eucharistiæ sacramento officium edidit; ac Neapoli postea docuerit, atq; inde

inde Lugdunū à Gregorio decimo vocatus,
in itinere viæ & vitæ cursum cōsummauerit.

Fuit igitur in Brabantia B. Thomas iunior,
non tamen cum Alberto episcopo: euange-
lium etiam Louanij aliquando solēniter de-
cantasse, antiquitati damus, & Louanio gra-
tulamur. Ibi verò lectorē egisse, nec probatus
quispiam scriptor meminit, nec à maioribus
traditū, nec ex vitæ eius serie colligi potest.
etenim Coloniam studiorum causa concessit
annum agens 18. vix autem Colonia sub Al-
berto studij finem fecerat discipulus, quando
Lutetiam missus est destinatam sapientiæ
eius Angelicæ & summæ gloriæ sedem: qua
in vrbe plurium annorum moras traxit. Inde
Romam, Vrbeuetum, ac tandem Neapolim
lustrauit, ijsque locis diu hæsit docuitque.
Vnde nullum contrariæ opinionis argu-
mentum suadet S. Thomam postquam Pari-
sijs docere cœpit, Louanij docuisse. Cū
præterea nullum sit eiusce apud Louaniēses
aut vllibi vestigium. Non semel tamen in
Belgio fuisse, seu dum primū Parisijs (du-
ctore Beato Ioanne Theutonico, quarto Ge-
nerali ord. Præd. Magistro, antea Bossinensi
in Hungaria Episcopo) Coloniam studiorū
ergo petijt; seu dū prouectior Lutetiā redijt,
planè opinor, & tantū pietatis & eruditionis
solē, Belgicum orbē suo lumine collustrasse,
gaudeo.

Præter

Præter hunc solem nouum tibi iubar é
 Dominicanorum polo illuxit, Patria; nouus
 tibi fuit hospes angelus, ille nimirum quem
 beatus Euangelista conspexit volantem per
 medium cæli, & quaquaversum portantem
 euangelium eternû, totiq; mundo inclaman-
 tem, *Timete Deum, & date illi honorem, quia
 venit hora iudicij eius.* Is nomine Vincencius,
 patria Valétinus, auito stemmate Ferrerius,
 religione Dominicanus, sanctitate clarissi-
 mus, à Christo in orbem missus quo supremi
 ac tremendi iudicij diem imminere populis
 nunciaret. Hic per medium cæli volans, ma-
 ximamq; Europæ partem Dei monitu per-
 currens, quâquam eius præsentiam certatim
 expeterent Hispaniarum, Galliarû, Angliæ,
 & vicinioris Africæ reges, in Belgiû tamen
 venit, diuersasq; eius vrbes salutaribus moni-
 tis imbuit, per compita ob ingentem vbiuis
 populi frequentiam, conciones habuit, mul-
 ta ac grandia miracula patrauit: siquidem il-
 lud supra hominum admirationē scribitur,
 eum singulis diebus statam horam miraculis
 edendis, sanandisq; qui morbo afflicti essent
 sibi destinauisse. Attende Belgium, & benefi-
 cium agnosce: viginti duorum annorû spa-
 tio diuersissimos orbis populos pedibus lu-
 strauit, aut sanè fracta ætate vili asello vectus
 pertransiuit, iudicis iram diemq; nūciaturus;
 nico Hispano idiomate semper cōcionatus
 ab

ab omnibus omninò intelligebatur. Iudeorū 25, millia, Africanorum octo, ad Christi fidem conuertit, perditorum præterea fidelium, & varijs sceleribus obnoxiorum centum millia ad meliorem vitam reduxit. Tuné è tanto numero nullos tibi ascribes? fuerintne in solo Belgio irriti tanti viri labores, cassa merita, vigiliæ precesque sine fructu; & admirabilis illa miraculorum patratorum potestas extincta penitus; vel sopita? Ad hæc profectò partes à patre misericordiarum missus fuit, vt eas cælesti variarum gratiarum imbre perfunderet; sparsamq; abs se verbi diuini sementem, sæcundis virtutum radijs animaret, & ad cælestis gloriæ messē perduceret. Vidi ego Salmanticæ in celeberrimo Prædicatorum cœnobio, galerum stramineū quo utebatur, ab eo relictum; eoque donario iure optimo gloriantur pijssimi illi sapientissimiq; patres: at non inferiore munere ab sanctissimo hoc viro donatum Belgium, nimirum proprio thorace, quem Audomarpoli in æde nostri ordinis, coram venerati sumus.

Quid porrò recenseam sanctorum non nomina solum sed agmina, & insigni pietate illustres Prædicatorum turmas, quas ex alijs ac vltimis terrarum oris excepit Belgium? Plura etenim hîc generalia totius Religionis comitia habita sunt; quæ magnum olim patriæ

atriæ splendorem attulerunt. Primus Dominicanos ex toto orbe in Belgium, & celeberrimam urbem Vallencenas, venire iussit anno 1259. B. Humbertus de Romanis, quondam à Beato Dominico sui ordinis Generalis Magister, vir eximia pietate, quem ob rarissimas dotes, atque singularem corporis præstantiam, ad summum Ecclesiæ clauum aduocare conati sunt Cardinales non pauci; quanquam numinis prouidentia supremum & sacrum Christiani nominis magistratum adierit tunc Innocentius quartus. Patriarchatum Ierosolymitanum Nicolaus tertius Humberto postea obtulit; Verùm insignitatem illam aliasq; modestè cōtempnit; constanter recusauit, imò & supremam suam dignitatis præfectura se exiit; ac reliquos vitæ annos adeò deinceps religiosè exegit, vt in illis omnium fuerit de eius sanctitate fama. Quam solida veritate subnixam demonstrat etiam quatuor iam penè sæculis mortuæ ac sepultæ eius integritas, præclarum beatæ immortalitatis animæ testimonium. Viuebant & moriebant eo anno quo Comitia illa Vallencenis celebrata sunt, in ordine Prædicatorum plures excellenti virtute viri, è quibus etiam miraculis clarebant in Hispania, Dominicus Segobienfis, Petrus Hernandus, Romæus de Lyuia, Gaspar Cantaber. In Sicilia, Ferdināus Olyssiponenfis, Ægidius

34 **EXTERNI SS. DOMINICANI**
dus Magus, Consalius de Amarantho. In A-
quitania, Bernardus Transuersanus, Domi-
nicus Valericanus, Bernardus Cantius. In
Sabaudia, Galbertus quidam. In Italia,
Rudolphus Fauentinus, Rolandus Cremo-
nensis, alijque non pauci: quorum nonnul-
los Comitij illis interfuisse mihi verosimile
est; &, vt res aliter habeat, certum tamen
omninò est eos ad Deum pro Belgio, quod
primarios ordinis viros hospites habebat,
preces fudisse.

Quartus à B. Humberto totius ord. Præd.
Generalis fuit B. Nicolaus Taruisinus qui
Comitij etiã celebrandis Belgicam præ alijs
orbis partibus elegit, celebrẽq; Patrum, quos
ex toto orbe aduocauerat cõuentum habuit
Insulis anno 1297. quem Bonifacius octauus
Cardinalitia purpura non multo post erna-
uit, & in summo Põtificatu successorem ha-
buit; Deus verò maxima virtutum gloria cu-
mulauit, & æternis beatorum Pontificum
fastis adiecit. Humberti ac Nicolai exem-
plo, Belgijq; lustrandi desiderio, quidam
alij ord. Prædic. Generales, sui instituti pri-
marios Patres ad hæc partes Comitiorum
causa venire iusserunt. Etenim anno 1336.
Brugis Flandriæ oppido Hugo Capuanus
communem istiusmodi suorum Dominica-
norum conuentum coëgit, quo etiam lo-
co post annos triginta duos idem præstitit
Helias

Thomae Raymundus Tholosas. Hos secutus
 et Thomas Firmanus, qui Dominicanum
 : toto orbe conuentum Antuerpiæ dedie
 : anno salutis 1401. Porro præclarum est
 : quod ante illa tempora, anno videlicet 1330.
 : Ultraiecti publica totius ordinis Prædic. co-
 : mitia, singulari planè Dei nutu, præter ho-
 : minum spem, habita sunt sub Barnaba Ver-
 : llenfi. Produunt siquidem scriptores,
 : tres Dominicanos Coloniam Agrippi-
 : m Capituli Generalis causa anno iam di-
 : conuenisse; sed quia Cæsar Ludouicus
 : uarus schismatis auctor, qui Ioannem vi-
 : simum secundum sede expulerat, substituto
 : tro Corbariense viro æquè scelesto, ordi-
 : m Prædicatorum constanter Romanum
 : ntificem Ioannem tueri, sibi ac Petro pu-
 : cè acriterq; aduersari conspiciens, nostros
 : o poterat modo insectabatur: qui ad comi-
 : Coloniam venerant, cælitus moniti sunt
 : le extréplo discederent, & quæ habere sta-
 : rāt Comitua Ultraiecti haberent. Alij no-
 : os non tantum monitu diuino secuturas
 : lestias declinasse, verum etiā schismatico-
 : ni iussu Colonia migrare coactos scribunt.
 : ismodi autem publica totius ordinis Co-
 : mitia olim summi beneficij loco à Regibus
 : ita & expetita, atque interdū. Dei beni-
 : tate miraculis illustrata fuisse pluribus
 : ere possemus nisi prolixitatē vitaremus,

Duo nihilominus obiter proferemus. Primo siquidem produnt memoriæ veteres, atque ex illis sanctus Antoninus 3. parte historiali titulo 20. cap. 1. in quodam Capitulo generali ord. Præd. visum ignem supra sanctorum Patrum cœtum suauiter dilabi, admirando sanè prodigio & egregio testimonio diuinæ protectionis & adstantis Spiritus sancti, qui simili olim miraculo supra singulos Apostolorum ignea linguæ specie Ierosolymis apparuit. rem his verbis narrat S. Anton. agens de Clemente quarto. *Dicebatur autem nomine proprio Guido Fulcodij ordini Prædicatorum valde affectus; cuius Germana deuotissima mulier & affectuosissima ordini, vidit cum fratres Prædicatores congregati essent in quodam conuentu ordinis pro quodam Capitulo generali celebrando, Spiritum sanctum super congregatos in Ecclesia; descendere in specie ignis: ut ipse Guido per litteras suas Capitulo retulit & Generali Magistro. Alterum est quod de simili Conuentu seu Capitulo Prædicatorum Augustæ Treuironum habito anno millesimo ducentesimo septuagesimo nono tradunt scriptores, è quibus hæc refert Stephanus Sampavus in stemmate ord. Prædic. pag. 236. *In eo septingenti quinquaginta fratres numerati fuerunt & trecenti famuli, quibus omnibus & multis alijs incidenter confluentibus, laudè omnia necessaria fuerunt ministrata. Rex enim Anglia & Regina de omnibus, fratribus munificè prouiderunt.**

iderunt. Rex etiam Bohemia rogavit Magistrum
ordinis ut futurum Capitulum in regno suo cele-
brare dignaretur: qui & ipse offerebat se omnibus
patribus de omnibus necessarijs prouidendum pro sa-
cramentalitate Capituli. Illustris etiam princeps Carolus
ilius regis Apulia, per litteras suas humiliter &
leuotè in eodem Capitulo petijt dari sibi quinquaginta
fratres quibus ipse libenter volebat & domos
construere, & de necessarijs ad victum & vestitum
prouidere. Patriarcha etiam Constantinopolitanus
misit ad idem Capitulum rogans humiliter per suos
nuncios ut ei mitterentur fratres qui Græcam lin-
guam vellent addiscere, quia paratus erat libentissi-
mè centum studentibus Prædicatoria familia proui-
dere de necessarijs expensis. In hoc tertio Capitulo
Treuirensi, tertio contigit idem miraculum piscis
sturionis. Nam pauper quidam piscator inuenit cir-
ca littora in aqua quendam sturionem latitantem,
quem postquam interfecit, ad terram extrahens, vix-
tum quadam sorore sua reptando pertrahere poterat:
cui visus à populo non sine nouitatis admiratione, à
leuotis ciuibus statim emptus est, atque honorifice
resentatus religiosi Patribus Capituli qui à carni-
bus stricte abstinebant: fuitq; laudis Dei, latitie ho-
estæ, & ordinis gloriæ occasio non parua. Hæc il-
le. Sanè mirum est tribus vicibus quibus ea
in vrbe Comitibus ordinis fuerunt habita, sem-
per repertum similem piscem alioqui admo-
dum eo loco rarum. Porro his persuadere
conamur generales illos ac publicos ordinis

Prædicatorum conuētus non haberi absque magno totius Ecclesię splendore & vtilitate, ac maximè earū prouinciarum in quibus celebrantur. Quod cū verum sit, constetq; in Belgio sex eiusmodi Comiticia habita fuisse, quibus plures viri sanctitate & miraculis illustres interfuerint, non immeritò patrię gratulamur, & tantum à Deo acceptum beneficium memori affectu recolimus.

Porro vos cōpello, fēlices sanctorū animę, quę iā cælo receptę & perēnis glorię iucundissima statione perfruētes, peregrinationis vestrę loca, læta interdū memoria repetitis. tangat vos Belgica virtutum vestrarum testis & cultrix, quamq; olim miserati estis ac pio affectu prosecuti, etiam nunc iuuate afflictā. securę estis de vestra gloria, sollicitę estote de nostra multiplici miseria.

Et verò tangat te patria, pia sanctorum recordatio quos tibi ex orbe toto trāsmisit Dominicana religio, exhibuitque verę pietatis exempla, purioris vitę lumina, qui tibi illustri virtutis radio præluxerunt, doctrina profuerunt, & precibus magnisq; apud Deum meritis opitulati sunt. Hos sapius ac turmatim ad te misit Deus, vt quod videres tanti ac præclari instituti cælum tot sideribus vndeque consitum, copiosos virtutis & sapiētię imbres, in Belgarum animos largiter profunderet.



B. ZEGHERVS INSVLENSIS *M. van f.*

CAPVT SEXTVM.

*De Venerabili ac beatæ memoria Patre
ZEGHERO Insulensi.*

DOMINICANORVM nomina qui primum in Belgio sedes fixerunt, non produnt scriptores; eos tamen Insulis primum sui ordinis cœnobium extruxisse suprà retulimus: in quo sanè dubium non est viguisse illam quam capite tertio descripsimus sanctæ Religionis normam, multosq; viros magnâ eo in loco sanctitate claruisse, in quo prima fuit virtutis schola. Nulla nos monumenta vidimus, quæ vel veteres ex modestia non conscripserunt, vel dæmonis invidia bellorumque incendia absumpserunt. Superavit tamen fœlix memoria Venerabilis Patris Zegheri, de quo ex manuscripto codice, seu vitæ beatæ Margaretæ Iprensis pauca hîc reponimus quæ eius sanctitatem luculentè testantur.

Fuit Zegherus ordinis Prædicatorum; & quanquam Insulis Flandrorum natum esse non constet, ea tamen in vrbe commoratum legimus, in qua vicinisque Flandriæ opidis, concionibus habendis & hominibus ad meliorem

liorem vitam reuocandis, insignem nauauit operam. Eoq; in munere, verè Apostolico, cum plures alios cælestibus monitis docuerit vitæ huius oblectamenta contemnere, vniq; Deo adhærere; velut beatus Mathæus Iphigeniam, ita is Margaritam Iprensam Deo consecrauit. Cùm enim Ipris aliquando peracta concione, in templo pro illius populi salute Deum precaretur, in promiscua virorum mulierumq; turba Margaretam vidit, puellam hætenus ei incognitâ, ad mundi voluptates compositam, varioque vestium luxu ornatam; Deoq; reuelante cognouit futuram deinceps vitæ sanctimonia celebrem. Quare eam è multitudine vltro ad se vocat, ad cor loquitur, ad mundi despectum hortatur, meliores nuptias cælestesq; delicias proponit, Christum ei sponsum vouet, & tandem illo propitio atque è cælis cooperante, omnem vanitatis flammam in Margareta extinxit, & meretricium mundi amorem in castum virginum sponsi ignem commutauit; totaq; eam deinceps vita magnis sanctimonix exemplis, tanquã lucerna ardens & lucens anteiuit. Fuit siquidem regularis vitæ accuratus obseruator, diligenter satagens eas primò virtutes in se habere, ad quarum amorem alios hortabatur. Assiduo pietatis studio didicit mundum odisse, & præ opibus vanisq; voluptatum ille-

cebris crucem complecti. Deinde pro sui ordinis instituto omni qua potuit sedulitate importunis acribusque correptionibus vitia publicè est infestatus, oportunisq; monitionibus torpescientes animos ad meliorem vitam excitauit. Quo in munere mira ei fuit dicendi vis pondusq; verborum, quæ sane suggererat optimus ille omnium magister, qui verba vitæ æternæ habuit & docuit: quo factum est ut cū Margareta ipsa quā conuerterat, quæuis hominum colloquia horreret, ex Zegheri tamen ore tota penderet, eiusq; sermonibus recrearetur quòd scilicet Angelorum colloquijs essent simillimi. Quin etiam illud Venerabili Zeghero euenisse mihi omninò persuadeo, quod in vita beatæ Margarete Iprensis cap. tricesimo secundo & sequente de quodā sine nomine Dominicano refertur, & quidē cum cui illa contigerunt Belgā fuisse satis constat, & prædicandi laude clarissimum; nec tamen alium fuisse possumus suspicari præter Venerabilem Patrem Zegherum, cuius, utpote tunc adhuc viuentis cum illa scriberentur, nomen prudenter supprimitur. sic ergo scribit Thomas Cantipratanus illius vitæ scriptor. *Cum quidam frater de ordine Prædicatorum prædicaret, & illa (scilicet Margareta) cum alia religiosissima Domina ad fratris pedes pariter consedisent, viderunt amba simul corporalibus oculis quod Angelus Domini prædicantis*

dicantis faciem mira claritate circumdaret, & in aure suggereret quid foris populo predicaret. in qua visione, beata & Deo digna mulieres perhibuerunt testimonium veritati. Et cap. seq. ita habet: Quidā ex ijsdem fratribus. Predicatoribus sermonē facturū in Ipris, manē venit ad illam; conquestus graviter quod aliās prapeditus nihil prægogitasset quomodo aut quid populo loqueretur. Nec mora: visa est manus aurea super ambos, & non sicut Iacob diuinaricatis manibus filijs Ioseph, sed sicut filijs suis communiter benedixit; & vide qualis benedictionem consequatur effectus. Predicauit dictus frater, & sermoni eius tantā gratiā diuina misericordia donauit, ut totus populus quasi repentino sonitu consternatus uberrimē fleret, ac prae feruore spiritus in ciulatus maximos exclamaret; ipse autem frater tanta dulcedine spiritus interius replebatur, ut tota die velut inter paradisi delicias versaretur: ipsa autem ancilla Christi nec benedictionis suae parte frustrata est. Cum enim frater in sermonis fine illud sponsae in Canticis diceret, Trahe me post te, curremus in odorem unguentorum tuorum; & hoc elevantis ad calos oculis exclamasset: statim vidisse visa est. se trahi calitus, & in excessu mentis subito rapi. Ibi autem quid viderit, aestimare possumus quidem sed non effari. Hæc illustria sunt testimonia zeli atque interioris flammæ quā beatus ille vir Dei ad proximorū amorē succensus, animarū quas suo Christus amore redemit salutem promouere indefesse studuit. Fuit præterea orationis contemplationisque
summus

summus amator, tantæq; ex frequenti orationum exercitio apud Deum virtutis, ut ips pro quibus preces fundebat etiam absentibus spirituales quandam lætitiâ impetraret; teste Cantipratano, qui rem his verbis cap. 30. de vita Margarete scribit. *Die quadam intrans Ecclesiam (Margaretam intellige) miro gaudio subito replebatur; dixit autem postea quod nunquam tantum gaudium concepisset, nisi ad contemplationem spiritus eius excessisset. Cum à Domino quaereret quæ esset causa consolationis tam subita; sensit Domino reuelante quod Pater suus spiritualis pro ea solennia celebraret: nec magnum postea tempus excessit cum ille ad eam gratia consolationis accessit, eiq; illa diem, horam, locum, & missam dixit quam pro ea Domino celebrasset, addens quod nunquam eius missam audisset, nisi alicuius virtutis gratiam à Domino accepisset.*

Quid porrò? tanta fuit vitæ Venerabilis Zegheri puritas, eaque morum innocentia, ut cum beata Margareta eius familiaritate plurimum delectaretur, ob idq; vereretur, ne supra quam par esset sanctum illum Patrem diligere: diuino Christi sponsi sui testimonio in pio illo affectu, confirmata fuit. Refert id præfatus auctor cap. vigesimo quinto in hunc modum: *Igitur cum Patrem suum spirituales super omnes & omnia quæ in mundo habebat, eo quod eam à mundo reuocasset, diligeret; cepit ex simplicitate cordis, ne hoc contra Domi-*
num

num esset in aliquo animo pautare; & dixit Domino in oratione: Benignissime Iesu Christe, te, ut nosti, super omnia diligo, & propter te, illum qui me te recognoscere & ad te diligendum instruxit: at quia mutua dilectio & frequens allocutio viri cum femina maioribus nostris suspecta videtur, rogo te per excellentissimam humilitatem tuam, ut mihi ancilla tua elementer ostendas, si in dilectione & collo-cutione serui tui damnum aliquod tui amoris incurram; & ego spondeo si tua charitati aduersum inuenero, nunquam ei postea loquar. Absit enim ut pro omnibus quæ in calo & in terra sunt, tuam erga me charitatem vellem diminui. Vix verba compleuit; & ei Dominus respondit in spiritu. Vice mei illi credere non formides: quia ex ore illius tibi in necessarijs respondebo. Non oberit tibi in carne & spiritu quicquid ille præceperit.

Præclara verò beati Zegheri sanctitas, pluribus eius videndi desiderium peperit; quo factum ut Flandriæ princeps Ioanna, Cameracensis Episcopus, alijque primates sæpius eum ad se euocarint, tum ut virtutis imagine recrearentur, tum ut salutaria vitæ melioris documenta à viro verè Apostolico auidè exciperent. Optasse quoque se frequenter conspectum Venerabilis Zegheri testatur vir pietatis laude clarissimus Thomas Cantimpræfatione ad vitam beatæ Margaretæ, seque non sine fructu eum vidisse his verbis commemorat. *Amico & fratri in Christo charissimo,*
fratri

fratri Zeghero (alij Sigerum legunt, vel Segherum) & actione & ordine Prædicatori in Insula, frater eiusdem ordinis, cuius nomen ad præsens non utile nominari, salutem, & bene hoc quod sibi. Tua fama charissime frequenter excitatus, videre te à multo ante tempore cupiebam; unde post Augustum à Parisijs rediens, ipse me venire contigit & videre, ut spero nullatenus sine fructu.

Porro miracula quæ Dei seruus Zegherus patrauerit non legi. Vnum est, quod cum beata Margareta ipsi commune esse videretur. Cum enim mulier quædam brachij tumore & ardore plurimum affligeretur, frustra quicquid ex arte poterant medici consulissent; Zegherum adiit consilium & opem implorans, gnara scilicet eum morbo afflictos iuuare solitum. is occasionem ex beatæ Margaretæ recens sepultæ meritis captat, mulierem ad eius sepulchrum ire iubet. Vade (inquit) & dic filia mea, ut nunc mortua, mihi, sicut quondam viuens, obediat; & roget Dominum ut te sanet. O magnam in Deum confidentiam! Pergit mulier, consilio utitur, & sepulchro adstans inclamat. Margareta, frater Zegherus per me tibi in hæc verba demandat, ut ei mortuo sicut quondam viuens obedias, & pro me Dominum roges ut sanet in brachio. & vide (verba sunt Cantiprat.) quanta vis sermonis in fratre, & quanta obedientia iam defunctæ. mox namque, sub eodem temporis spatio; & hoc

& hęc multis videntibus, mulier in brachio restituta est sanitati.

Quisque huius rei prudens lector æquusq; arbiter facile admittet Zeghero diuinitus cognitam fuisse Margaretæ tunc defunctæ gloriam; vt illo imperandi modo ab omni remeritatis suspicione longissimè abfuerit; alioqui similia passim non licent. Nemo etiam negauerit eam iussionem profectam esse ex summa Zegheri in Deum confidentia, & heroicâ illa fidei perfectione, qua sancti montes transtulerunt, & innumera atque ingentia miracula sunt operati. Deinde à mortua iam & sepulta Virgine publicum obedientiæ testimonium vel imperio extorquere vel meritis impetrare, naturæ vires sine controuersia superat. Quocirca non infimam illius miraculi partem Beato Zegherotribuendam meritò quiuis existimet; præsertim cùm pleraque alia quæ vnus iussu, alterius vero ministerio, facta sunt, duobus communia esse censeantur. Eiusmodi est: S. Martini postea Treuirorum, Agrippinensium, & Tungrorum Apostoli ac Præsulis suscitatio, quæ non solum Apostolorum Principi Petro Romę iubeti, verum etiam Euchariorum & Valerio tribuitur, qui magistri pedum effosso cadaveri admouerunt, & vt reuocet Maternus; magna fide, viri sanè sanctissimi, inclamarunt.

Rursum

Rursum clarissimum illud beati Mauri sicco pedestragnum calcantis prodigium, illius atque beati Patris Benedicti meritis deberi nemo ambigit. Plura alia omitto: quibus etiam simile est, quod Zegherus Insulis agēs; Margaretæ Ipris existenti, & spiritualis solatij indigē, quadam vice in spiritu cōspectus; altera, oculis etiam corporis visus est, & opatum solatium attulit. quod profectò rarum est, & vtriusque sanctitatem non parum testatur. Hæc sunt quæ de viri Dei Venerabilis fratris Zegheri vita rebusque præclare gestis, hætenus vidimus, & ex aliorum monumentis eruere potuimus. hoc vnum addo, Zegherum fuisse ex primis Patribus qui vel aliunde in Belgium aduenerunt, vel in hisce partibus beati Dominici institutum sunt complexi. Fuit enim celebris eius fama ante B. Margaretæ conuersionem; quæ tamen desijt viuere anno Christi ducentesimo trigesimo septimo supra millesimum; qui ei erat ætatis vigesimus primus.

CAPVT SEPTIMVM.

Communia de Conuentu Gandensi.

ROXIME sequitur Gandauensē
 eiusdem ordinis monasterium,
 anno millesimo ducentesimo
 vigesimo primo ad Schaldis &
 Lisæ confluentium ripam fœli-
 citer extructum. In eo floruerunt plurimi
 eximia pietate viri; quibus tamen, proh
 dolor! scriptores defuerunt, vel certè præ-
 clara eorum monumenta nobis inuidit, qui
 cætera bona inuidet virtutis osor & generis
 nostri impius hostis: ita scilicet cauit ne fa-
 ces illæ Virtutum posteritati prælucerent;
 ne Patrum exempla nepotes ad imitatio-
 nem accenderent, & (cheu) ne per eadem
 vestigia illum quem ipsi assecuti sunt æter-
 nitatis portum, hi inuenirent. Ergo san-
 ctorum illorum merita, imo & nomina, ne-
 scimus; inter alta tamen antiquæ obliuio-
 nis silentia, sepultos illorum cineres, inte-
 gra adhuc belgij fide, venerati sunt maiores
 nostri; terram sanctarum exuuiarum custo-
 dem coluerunt; & parietes seuerioris disci-
 plinæ testes obseruarunt. At verò id quoque
 solatij nobis eripuit dæmon: &, ne ager
 D ille

ille solitam pietatis fragrantiam spiraret, priscumque innocentie thymum redoleret; impurissima obscænaque reproborum hominum cadauera, mille scelerum putoribus imbuta, ac picæos Erebi fumos fœtentia, commiscuerunt Iconoclastæ æternoque luminis rebelles Calvinistæ. Dolebant Antichristi anteambulones, demonis mancipia, locum illū Paradisi delicijs affluere, & publica sanctitatis gloria commēdari. Maximā namque fuisse cœmiterij Gandensis in peristyllo Prædicatorū, apud omnes estimationem, nouit, quod nos proximè antecessit sæculū, & præfati monasterij testantur monumenta: quorum dum de beati Ioannis Agni sancto obitu loquuntur, hic tenor est. *Obijt autem Deo charus ille Pater Ioannes Agnus multis ornatus virtutibus anno millesimo ducentesimo nonagesimo sexto; sepultusq; est sub dio in cœmiterio nostro conuentus Gandensis, sicut & multi alij pietate insignes viri terræ mandati sunt ibidem, ita ut locus ille olim summo in honore sit habitus, quo factum est ut Illustrissima Domina Margareta Eduardi quarti Anglorum regis soror, ac Caroli Burgundionum & Brabantie Ducis, Comitissq; Flandria postrema uxor, ambierit ibi habere sepulturam; quod tamen illi (licet de hoc conuentu optimè merita fuerit ac multa maximāque contulerit atque maiora se collaturam promitteret) negatum est à Patribus eius temporis, indignum indicantibus, ut*

inter

inter tot praeclaros sanctosq; viros facina condere-
tur. Quae loci Reuerentia seruata est summo cona-
mine, vsque ad annum superioris saeculi septuagesi-
mum octauum, quo profligatis fratribus Calvinistae
locum inuolarunt, & (quae eorum consuetudo sacra
profanis miscere) hoc eodem in caemiterio suorum
cadauera defoderunt; ita vt olim tam venerandus
ac sanctus, iam non immerito propter tam impios
cineres, despiciatior fieret. Verum ita numini vi-
sum, vt infelix lolium & quod vitiorum æ-
stu æternis flammis iamdudum aruit, erit-
que tandem ardentis sulphuris pabulum,
inter triticum, inter violas floréque virtu-
tum, delitescat. Nouit tamen Dominus qui
sunt eius, nouit qui permaneant ad coro-
nam, qui permaneant ad flammam. Nouit zi-
zania, coacto in horrea tritico, ignibus dare;
nouit qui nunc bonis malisque æquè splen-
det, solem impijs eripere, eosque in abstrusis
mundi carceribus teterrima fuligine & cali-
gine detinere. Nūc ergo dæmonis fraude no-
bis subrepta sãctorũ nomina dolemus quidẽ,
colimus tamen cẽlo cognita; corũq; albo in-
scribi satagim⁹, & inter huius vitę syrtes, bea-
torũ precibus adiuuari vehemẽter optamus.

Porro cùm varia fuerint Gandauenſis
Cœnobij viris diuinitus collata beneficia,
pluraque extiterint sanctitatis illorum te-
stimonia; vnum hoc loco commemoran-
dum est, quod cum reliquis haud facile

extingui potuit. Rē his verbis refert Iāſſius in manuscriptis ad me missis. Fuit item (in eodem nimirum conuentu) *Honorandus Pater, frater Iacobus Weyts, Sacra Theologia Doct̃or, eximia pollens scientia, & mira dicendi facilitate praditus, quondam Prior Conuentus Harlemensis, multis donis à Deo Optimo Maximo ornatus, ac in defendenda fide & veritate pugil fortissimus. Huius opera & concionibus Rosarium Virginis Deipara (ut illi deuotus admodum erat) iterum in pretio haberi cepit inter ciues Gandenses. Supradicti autem Patris Iacobi tempore tragicum quid Gandauī contigit notatu dignum. Erat hic Pater ut dictum est strenuus fidei propugnator, ac Virginis matris Rosarij feruidus commendator; huic semel ob quosdam articulos sapius in publica concione defensos putamus accidisse hac quæ dicemus: Indulgentias Rosarij hic Pater populo proposuerat, quod quidam agrè ferebant, tanquam auerteret populum ab Ecclesijs Parochialibus; unde mense Iulio recuperata salutis anno millesimo quadringentesimo octogesimo primo retrahitur ex itinere quo se domum conferebat, ac veluti captiuus ad domum Pastoris S. Nicolai perducitur; ubi nouem diebus, & noctibus totidem, sub custodia detinetur, quibus peractis, dictus Pater ad domum Decani Christianitatis (ut vocant) perducitur, ubi per sex hebdomadas integras detentus fuit; reliquis fratribus nequicquam priuilegia sua pratendentibus, & ad Sedem Apostolicam appellantibus. Hac ita peracta sunt perma-*

lignatio

lignam conspirationem, itemq; falsam informationē cuiusdam Domini Adriani Milot qui vices Episcopi Tornacensis tum temporis Gādaui gessit, & Domini Ioannis Caruin, qui tumerat dicti Pontificis velut officialis: qui etiam suis suggestionibus eò Magistratum civilem perpulerunt, ut edicto publico ciuibus omnibus interdictum sit, ne fratribus Pradicatoribus ullam conferrent eleemosynam, aut eorum conciones adirent, vel templum frequentarent, ullāue colloquia cum illis miscerent, ni velint perduelles ac Reipublica hostes ut haberi, ita & puniri; quo scilicet modo fratres cogerentur per extremam inopiam suum relinquere monasterium, vel constantiam ponere, vel aliarsum prorsus commigrare. Sed hæc eos fefellit opinio. Nam ab omnibus mortalibus relictis, se conuerterunt ad Deum, continuis ac ardentibus precibus efflagitantes, ut nūmen ipsum iam destitutis ac iniuste talia passis, dignaretur subuenire. Cum igitur iam fratribus victui necessaria penè deessent, & lite in Romana curia pendente res longiorem moram promittere videretur; aduectus est currus à duobus ad maiorem monasterij portam (qua vltro eis paruit) onustus omnibus ad sustentationem vitæ necessarijs. Accurrentibus fratribus, ac multa. ut fit, sciscitantibus ab illis ignotis vectoribus, hoc solum pro responso tulerunt; Collaudate Deum vos, & honorate benedictam matrem eius, cuius interuentu non dereliquit ille sperantes in se, nec deferet unquam; sed magis dabit cum tentatione prouentum. His dictis; cunctis rebus humi depositis, statim cum suo curru de

hominum conspectu sunt subducti; nec unquā cognitū unde venerint: sed Angeli Dei protuldubio erant. Hos munere sic à Dei misericordia recepto, fratres ad ecclesiā se proripiūt, ac in diuinas laudes prorūpūt, cōcinētes sonoris vocibus Te Deum &c. Accidit autē pratorē summū ciuitatis Gandensis, equo prateruectū transire; qui fratres exaudiens latis animis cantātes (quos iam fame propemodū deiectos autumare non abs re poterat) quasi insanus, ore sacrilego fanda pariter & infanda deblatterans, minabatur se omnes trucidaturum. Vix verba finierat: ut erat stipatus armato satellite, ad pontis decliuum cespitante equa ac caput inter anteriores pedes reclinante, ephippia deturbatus, capite lapidibus illiso, & cervice fracta, semianimis illinc delatus, ac nullo deinceps prolato verbo, post paucas horas expirauit. Tam diro casu hominis, penes quem apud Gandenses summa potestas est, perculsi non immeritò ceteri, feroces animos demittere ceperunt, vel eo maximè quod criminatores, datis à Romana curia litteris, iubebantur dictum Patrem Iacobum liberum dimittere; licet illi mandato pro tempore parere vix induci potuerint. Postmodum tamen, causa sua diffidentes, Patrem illum dimiserunt qui obiit anno 1498.

Ô Dei fauorē sanctis illis fratribus opportunum! ô optandam ab hominibus calamitatem, quā qui perniciem bonorum moliebatur diabolus, expertus est, Deo placere, quos homines fūco pietatis, & sola virtutis larua tumidi, auersabantur; & quibus huma-

nz opitulationis riuulos illi clauferant, omnium bonorum fontem patuisse. Tua est, benignissime Deus potentia; tuū regnum; Tu iustus Domine in omnibus operibus tuis; tu prope fuisti tunc fratribus inuocantibus te in veritate, voluntatem timentium te fecisti, & deprecationem eorum exaudiuisti, & saluos fecisti eos. Qui das iumentis escam ipsorum & pullis coruorum inuocantibus te: tibi Domine beneplacitum fuit super Prædicatores timentes te, & sperantes super misericordia tua. Illi iam gloriam maiestatis tuę cū illis angelis quos ad eos misisti, & Daniele, exaltant, & potētiam tuam loquuntur in sæculum & in sæculum sæculi. Nos tibi quoque benedicimus & laudamus nomen tuum, & misericordiam quā humillimè imploramus; & beatum dicimus conuentū cui hæc fuerūt, beatos fratres quos hoc prodigio clarificare dignatus es.

Vos verò parcite, fœlices animæ, quarum merita, quæ cum nomine ignoramus, hoc loco silere cogimur: Gratulamur tamē mercedem laborum vestrorum ab hoste nō posse eripi; puluerem enim immortalem reliquistis in sepulchris, cui in Olympi vertice, vbi non esuritis nec sititis amplius, inscribet Deus ter fœlicem æternæ gloriæ triumphum.



B. M. IOANNES AGNI GANDENSIS.

M. basf.

CAPVT OCTAVVM.

De B. IOANNE AGNI Gandensi.

T verò quanquam plures qui ex illo celeberrimo cœnobio prodierunt viri sanctitatis gloria illustres, recondito Dei consilio nos lateât, eiusdem tamen benignissima dignatione vigent etiamnum quorundam nomina, & quidam virtutis illorum radij emicant, ex quorum fulgore licet maiorem illam lucem & igneos diuini gratiæ globos æstimare & suspicari.

Primas sibi vendicat beatæ memoriæ Ioannes Agni, vir omni virtutum laude excellens, quique vitæ innocentiam, morumq; puritatem ita coluit, vt re ipsa sanè nominis sui vim & significationem, magno pietatis studio, rectè sit interpretatus, & illum ipsum Agnum scelerum omnium expiatorum, ob oculos mentemque assiduè habuerit, quem beatissimus Baptista & venturum nunciauit & adesse monstrauit. Raram eius in Deum confidentiam, incredibilem prædicandi Euangelij ac fidelium salutis promouendæ affectum, summamque ad superiorum iussa capessenda animi promptitudinem,

dinem, docent quæ ex monumentis ad me
 transmissis hic subnectuntur. Inter alios porro
 sanctitate conspicuos qui Gandavi floruerunt fuit
 etiam frater Ioannes Agnus, forte lammens (qua
 dictio Flandrica est, & agnum significat) qui
 viuens miraculis claruit; verum quot aut qui-
 bus, non annotauit antiquitas veneranda, cui
 satis fuit Deo placere. Hoc tamen in scriptis re-
 perimus, & contestantur antiquæ pariter pi-
 cturæ, si quæ rabidorum Iconoclastarum manus
 euaserunt, quod cum missus esset ad pradican-
 dum Dei verbum in pagum vulgo Elfdyck, Gou-
 sa vicinum (quod est Zutbenelandiæ, insula Ze-
 landicæ opidum) ubi quot annis celebris fit sup-
 plicatio in honorem sanctæ crucis, quæ maxima
 ibi incolarum & vicinarum urbium veneratio-
 ne colitur; & ob grauissimam tempestatem,
 nauarum nullus vellet auderêtve se fluctibus com-
 mittere: videns sibi interclusum iter, & nihilo-
 minus desiderio accensus munus ad quod missus
 erat exequendi; Deo cui mare & venti obe-
 diunt, cum fiducia inuocato, extremam suam ve-
 stem quam cappam dicimus super aquas exten-
 dit, & signo crucis communitus, eximio Dei fa-
 uore veluti super solidam terram stetit, & cæ-
 ptum iter, mare pedibus calcans est prosecutus,
 sociumque simili prodigio per maris æstum tra-
 duxit. Quod dum fieret: erant Parochia ad
 quam properabat, pastor & custos templo ob fe-
 stinitatem

*stuitatem exornando occupati : ad quos vox di-
ninitus lapsa est ; En concionator vester venit ;
vos cum honorificate , quem Deus sic glorificat .
Campano mox are concrepante , conuocatur po-
pulus , & processionatim itum fratribus obuiam ,
atque ad sanctam crucem (quam miraculosam
vocant) eos cum summo honore deducunt . Hæc
ad parietem Ecclesie , usque ad ultimam desola-
tionem , quæ fuit sub annum millesimum quin-
gentesimum septuagesimum secundum depicta con-
spiciebantur . Continuum præterea miraculum
ad hæc usque , quamuis deploratissima tempora ,
permansit , ut conspicuè videantur vestigia depres-
sa humi , licet inter virentia gramina brumæq;
niues , quo loco constiterunt pedes dum verbum
Dei sub illius supplicationis tempore predicauit ;
quem vernacula lingua , incola den Conins-
ganck vulgo dicunt ; quod Latine regis inces-
sum seu viam regiam significat . Eum verò locum
dum nefarius quidam contemerare tentat , ter-
ram ligone fodiendo : mox lacerti brachiorum
eius maximo cum cruciatu paralyssi plagentur à
Deo ; dumque postea adhuc impia deblaterat , clau-
dicatione pedum insuper percutitur , sed in his om-
nibus tam eidentibus signis (ut peruersi difficile
corriguntur , mansit perfidia hominis in suis sordi-
bus contabescens , contingere hæc circa salutis an-
num millesimum quingentesimum nonagesimum .*

*Insigni fanè & admirabili prodigio beati
Ioannis*

Ioannis Agni sanctitatem, orbi celebrem fecit Deus, ut quemadmodum inter procellosi maris vortices absque navis præsidio securus incescit; ita inter hæresum procellas, ad serenam publicæ gloriæ lucem, fœlix eius fama perstiterit. Eodem prodigij genere beati Mauri ex Benedictinorum ordine viri sanctissimi obedientiam: Hyacinthi, itemq; Raymūdi ex ordine Prædicatorum innocentiam raramq; virtutem commendavit Deus, Horū prior non semel Boristhenē & Vandaliū rapidissima flumina sicco pede calcavit, relictis etiam ad nostra tempora vestigijs, quæ Cardinalis Aldobrandinus in Poloniam legatus, postea Clemens octavus, coram admiratus est. Posterior, regis Aragonum libidinem detestatus, ex Insula Baleari maiori, Barcinonem traiecit, pallio tantum super aquas expanso, veluti solidis tabulis vectus, & tunc quidem centum sexaginta milliaria sex horis confecit, cunctis circum littora stupentibus. Vide insuper similia quædam, de alijs Dominicanis apud Cantipratenum libro 2. apum capit. 29.

Porro Ioannis Agni inter nostri ordinis beatos connumerati effigies cernitur in vetustis tapetibus cœnobij Insulensis & Brugenſis. eiusdem beati Patris meminit Michael pius prima parte historiæ, quam Italico idiomate Bononiæ edidit. Præclarum
verò

verò quod iam retulimus miraculum verſu
erudito celebrauit Pater Petrus Baccherius
Gandenſis, Sacræ Theologiæ magiſter, vir
longè facundiſſimus.

*Ardet Ioannes, tenero mænſuetior agno,
Cænobiarchæ olim iuſſa verenda ſequi:
Se commiſit ouans pelago, pelagiq; procellas;
Proterit intrepido certa pericla pede.
Sic qui maiorum iuſſis obtemperat, illi
(Miraculi genus eſt) dat ſalis vnda viam:
Ruſticus occurrens populus venientia iungit
Agmina, præconi dedita turba ſuo:
Huc ades, exclamant; diuini ſemina Verbi
Depromens auidis inſere pectoribus,
Et virides ramos, vernantesq; aſpice flores;
Hæc eſt ſaluifica debita pompa cruci.*

Obijt autem ſanctiſſimus ille pater anno no-
nageſimo ſexto ſæculi decimi tertij.

CAPVT





B. M. BALDVINVS GANDENSIS *M.f.*

CAPVT NONVM.

De B. BALDVINO Gandensi.



SECUNDVS ex eodem monasterio sanctimonia clarus (cuius quidē nomen ad nos peruenerit) est Balduinus quidam, de quo ex antiquis tabulis hæc à Patre Ianssio accepimus. *Hac hominum ætate fuit in cōuentu Gandensi nouitius quidam nomine Balduinus de Axella (quæ vrbecula est maritima in comitatu Flandriæ, in hæreticorum potestatem nunc redacta) qui zelo bono hoc institutum nostrum amplexus, propter graues tentationes quibus indefinenter impetebatur, assumptum ordinem deserere voluit; hac potissimum de causâ, quod aliquot antea annis pastoris officio functus in ecclesia, vberes fructus inde ei prouenientes in pauperes erogabat. nunc vero aliorum eleemosinas comedebat, nec alicui subuenire valebat. Prius predicare, infirmos visitare, confessiones audire, conscientijs aliorum mederi, sacramenta cum multa diligentia atque pietate ministrare solebat; econtra vero in cænobio sub quiete & silentio, & quasi sibi soli viuere cogebatur: quæ res illum male habuit, duxitq; vitam monasticam infrugiferam præ vita sua transacta; nam & decanus Christianitatis (ut vocant) fuerat, & in eiusmodi officijs obeundis strenuè se gesserat.*

CUM

Cum igitur fratribus eum sedulo cohortantibus ut diceret, & tentationem diabolicam esse dicentibus, ille consolari non posset; firmiter statuit ad pristinam vitam redire. Sic ergo animo constitutus, prius accessit ad altare beatae Virginis de Rosario, velut supremum vale dicturus, prostermit ei preces: in quibus dum perseverat diutius, obrepsit precanti sonnus, & sic obdormiscenti Virgo mater apparuit duabus puellis sociata, quae ferebant singula cyphum in manibus, quorum alterum arreptum offerebat regina fratri, dicens ut biberet, nomine eum compellans. Balduine (inquit) satis laborasti; bibe modo. Caterum ille ut potionem gustarat visa est ei prorsus insuavis & corrugabat faciem. Unde rogat illum Virgo beata cur sic se habeat, quidve hauserit: ille respondit, potum insipidum, faecibusque permixtum esse: tum alium illi cyphum porrigens, ait, & hunc degusta. Quod ut fecit, rogat illum eadem: Dic iam quid biberis. tum ille: Vinum prorsus optimum, dulcissimum & defecatum. Ad haec virgo Regina. Sicut (inquit) maxima est distantia has inter potiones; sic maior est disparitas inter vitam bonam quam ducebas in seculo, & quam inchoasti modo: nequaquam igitur abijcias animum, sed persta; tibi enim prebebo auxilium. Quibus dictis visio disparuit, & frater confirmatus, in ordine perseveravit, factusque est postmodum pius & fervidus predicator, & magna cum sanctitatis opinione hoc ex seculo migravit anno millesimo ducentesimo septuagesimo tertio.

Non absimili modo nonnullos alios ac
compri-

omprimis beatum Albertum magnum,
& Raynerium Brugenſem, de quo cap. 16.
et religioſum inſtitutum defererent, diaboli
nolitionibus aliquando permotos fuiſſe;
ſed beatiffimæ Dei genitricis ope & conſilio
in ſancto religionis propoſito ac ſtatu con-
firmatos legimus. Et ſanè, cùm quiſque
qui Dei monitu arripitur ſtatus, ſit homini
ſalutaris: illos, magnos in religione pro-
greſſus facturos, vel olim feciſſe exiſtiman-
dum eſt, quos ſingulari cura pietatis ma-
ter vt in monaſtico ſtatu perſisterent, hor-
tari & impellere dignatur. Quo fit vt ma-
ximopere doceamus à nobis neſciri quæ
Dei ſeruus Balduinus toto deinceps vitæ
curſu bene geſſit; ea enim maxima & præ-
clariffima fuiſſe non ambigimus. Siquidem
non poteſt beatus non eſſe & beatè non vi-
uere, qui de Virginis matris auxilio ſecu-
rus, viuit. Qui diuino neſtare per manus
Deiparæ oblato ebrius eſt, ruit proſecto
in amplexus Virtutis; & vinariam Chriſti
cellam aſſiduò cogitat, ex qua caſtus, mel-
leus, charitatis plenus liquor promptus
eſt quem guſtauit. Vanas mundi delitias
odit, torrentem veræ voluptatis deſide-
rat, cupit inebriari ab vbertate domus
Dei, & celeri per viam virtutis curſu, in-
ſtar cerui, ad fontem gloriæ ſitientiffimus
E anhelat.

anhelat. Ita prorsus vixit Balduinus; nunc
 verò fœlix, peracto vitæ cursu, obtinet quod
 optauit; & totus deliciarum pelago immer-
 sus suam beatitatem non capit. Utinam, ô
 utinam guttulam vnam amoris, guttulam
 vnam dulcedinis domus Dei nobis instillet;
 vt tandem desipiant terrena, & discamus cœ-
 lestibus inhiare.

CAPVT.





B.M. EGIDIVS DE S. AVDOMARO GANDENSIS.

CAPVT DECIMVM.

*De Beato ÆGIDIO à sancto
Audomaro.*

ÆGIDIUM de sancto Audomaro virum pluribus virtutibus excellentem præfati monasterij sanctis ascribunt rerum Dominicanæ religionis scriptores. Leander Albertus libro quinto de viris illustribus ordin. Prædicatorum, folio 186. Thomas Cantipratanus libr. 2. apum cap. primo parte 14. Michael Pius prima parte suæ historiæ folio 109. Qui tamen pauca admodum de sancto illo viro commemorant; adeò vt totius vitæ eius seriem nobis inuiderit antiquitas: omni tamen virtutum exercitio excultam fuisse, & ad sanctæ religionis amussim compositam; testantur nobis relicta monumenta, quæ his verbis scribit Cantipratanus, qui se beatum Ægidium vidisse affirmat. *Vidi & alium eiusdem ordinis optimum virum in Gandauo, Ægidium nomine, qui Canonicus apud sanctum Audomaram in Flandria, seculum dereliquit, & Prædicatorum ordinem intrans, tantum deditus lachrymis, tantum spiritali letitia & animarum zelo effebuisse probatur, vt verè sanctus crederetur & esset.*

esset; & hoc exitus eius monstravit. Nam cum frater suus carnalis sepeliretur in clauetro fratrum, marmorq; superpositum male iacens deberet corrigi: Sinite, inquit, fratres, sinite, diu non iacebit immotum, manifestè predicens se cum fratre defuncto sub eodem marmore sub proximo deponendum; quod & factum est. Sed & fratre quodam narrante mihi, qui ante ipsum resedit die proxima moriturum, didici, quod quarenti sibi quomodo de se sentiret: respondit, dicens, bene, frater carissime, bene me sentio; quia tribus diebus tantum in purgatorio hinc exiens expurgabor, & statim postea per Dei misericordiam ad gloriam euolabo. Pretiosam illam Venerabilis Ægidij mortem, quæ vita præcesserit, quæ corona ac gloria exceperit, suspicari quisque potest; nos singula admiramur & Deo totius gratiæ fonti gratias referimus.



CAPVT VNDECIMVM.

De B. Odone Gandensi.



ELORVIT item Gandauī magna apud Deum & homines pietatis celebritate Venerabilis Pater Odo; quem, qui cum vidit Cantipratanus, loca iam dicto, testatur, priusquam in sancti Dominici sodalitatem nomen daret, fuisse iurisprudentiæ laude & publica professione clarissimū; postea quam vero sacram religionem est cōplexus & monasticam exorsus, insigni victoria repugnantem spiritui carnem, ita domuisse refert, vt solo pane & legumine ad finem vsque vitæ corpus aluerit, quod mancipij loco & habuit semper, & ita assiduo castigauit, vt futuris retro sæculis præclarum reliquerit parsimoniæ & abstinentiæ exemplum. Meminerunt eius cum splendido sanctitatis testimonio, quos capite superiore retulimus scriptores, è quibus coætaneum & Odoni familiarem Cantripratanum audere licet. *Alium etiam vidi fratrem ordinis Prædicatorum, Odonem nomine, in iure regentem, vi-*

rum sanctum & bonum; qui raro volebat comedere quod seminali fluxu ab animali descenderat; sed olere vel pisa corpus sobrium reparabat. Hunc in ingressu ordinis vite sue terminus reuelatus est; & hunc fratribus certo die ante obitum reuelauit.

Porro præclarum est, beatum hunc virum eximia illa vitæ austeritate, & perpetuâ per raram abstinenciam carnis maceratione, alterius Odonis viri ex Carthusiensi ordine sanctissimi, qui eum supra viginti annos præcesserat, seueriorem disciplinam & summum vitæ rigorem, exactissimè fuisse imitatum & assecutum. Plura de priore illo Odone refert Abrahamus Bzouius in Annalium Baronij supplemento ad annum millesimum ducetesimum quadragesimum; pauca ex eo hic inscribimus, *Vir Dei lectum ligneum instar craticulae, & stratum de vili sacco sarmentisq. asperis consecit, atque vitam sanctissimam duxit. Vestimenta lanea aspera portabat, desuper straminea. Cilicio ad nudam carnem continuo utebatur. Carnem nunquam gustauit. Omni tempore, præterquam diebus Dominicis ieiunabat in cibo quadragesimali, ac pluries tantummodo parum panis sumebat. Tempore quadragesimæ, quotidie exceptis diebus Dominicis corpus suum disciplinis affligebat.* Hæc Bzouius: qui plura Odonis miracula prosequitur, atque

inter alia scribit diem obitus illi diuinitus præmonstratum: quod nostro etiam Odoni contigisse Cantipratani testimonio retulimus.

Commendantur etiam ex eodem cœnobio ab insigni sanctitatis opinione, Pater Leuinus Bondus, Pater Ioannes de Blocq, & Pater Antonius Rigermanus; qui initio sæculi decimi quinti, magno cum religionis nostræ splendore floruerunt.

CAPVT





B.M. ODO GAN-
DENSIS.

B.M. GVINANDVS
TRAIECTE. *ab. f.*

CAPVT DVODECIMVM.

De beata memoria GVINANDO
Traiectino.

Raiekti floruisse Guinandū quē-
dā ex ordine Prædicatorū proba-
tæ sanctitatis virum, prodūt varij
scriptores, adeò tamen breuiter
vt planè dolendū sit delitescere tā præclara
sanctissimi viri merita. De hoc igitur Guinā-
do ita scribit Leāder lib. 5. de viris illustribus
fol. 186. *Guinandus Theutonicus vir vite venera-
bilis, deuotione præcelsus & sanctitate conspicuus,
aliquando post prandium hospitum domum (id est
cœnaculum in quo hospites extra commune
refectorium tractari solent) ingressus, cellario
præcepit vt afferret fratribus & sibi vini cyphum.
Quo respondente per triduum antea vinum dese-
cisse, nec esse quod apponeret: iubente sancto viro, fra-
tre ad dolium vt hauriret aduentante, ultra spem
plenum inuentum est. Cateris verò fratribus diu ad
augmentum miraculi, postea vinum inde submini-
strauit. Hoc autem factum fuisse piè credendum est,
oratione & meritis viri Dei Guinandi, tunc dieli
cœnobij Traiectensis præceti, circa annum salutis
1236. Plura de hoc viro Dei non vidimus, eū
tamen*

tamen varijs miraculis claruisse scribit Antonius Senensis in chronico. fol. 55. sed nulla commemorat.

Porro cùm duę sint celebres Belgij vrbes quę Traiecti nomine appellantur, Guinandum profecto Traiecti ad Mosam in Brabātia floruisse ac priorem egisse constat: etenim Ultraiecti in Hollandia fuit demum extructum cœnobium anno 1254. beneficio Guilielmi ex Comite Hollandiæ, Regis Romanorum, quem B. Albertus Magnus, post illius inaugurationem Aquisgrani magna procerū imperij pompa, & solenni ritu peractā, Coloniæ cōuiuio exceperat anno 1248. & vt Traiectum superius seu Hollādicum fratres ord. Prædicatorum sua authoritate & munificentia induceret, exorauerat. Vide Bzouium tomo 13. Annalium, anno iam relato. Tūc verò defierat in his vitæ nostræ ærumnis esse Venerabilis Guinandus viginti antea annis, quarto anno ab incepto monasterio Mosæ-Traiectensi. Quare cum verisimile est fuisse vnum ex primis fundatoribus illius conuentus, imò & primum quidem Præfectum seu Priorem; quem insuper non autumem Belgam fuisse, sed è Germania superiore in Belgicam missum; consentiunt Leander & Senensis, qui eum Theutonem appellant.



B. M. HENRICVS A CALSTRIS. LOVANIEN

CAPVT DECIMVM TERTIVM.

De B. HENRICO A CALSTRIS
Louaniensi.

ERTIVM Virtutis Dominicanæ in Belgio theatrum erectum est Louanij, anno millesimo ducentesimo vigesimo octauo, ex quo plurimi ac clarissimi viri in Ecclesiæ vtilitatem & splendorem prodierunt. Nos hoc corollario solam sanctitatem prosequimur, quæ præcipuè eo in loco claruisse Henricum ex nobili prosapia Calsterorum, refert historia Theutonica, superioris sæculi anno duodecimo Antuerpiæ edita in folio, quæ Henrici meminit lib. 1. cap. 2. Eundem beatis Brabantix annumerat Ioannes Molanus ciuis & Theologus Louaniensis libro decimo & vndecimo rerum Louaniensium. Extant autem fragmenta tum vitæ tum reuelationum beati Henrici in bibliotheca rubeæ vallis iuxta Bruxellam, à pio ac vetusto auctore Ioanne Gilemans illius monasterij priore descripta; quorum hic subnectimus bonam partem.

INCI-

INCIPIT PROLOGVS IN VITAM

Venerabilis F. HENRICIDE CALSTRIS,
Nobilis Louanienſis, de ordine Fratrum
Prædicatorum.

Mirabilis Deus in Sanctis, qui facit mirabilia
magna ſolus, cuius delitia ſunt eſſe cum filiis
hominum. hic plantauit paradifum voluptatis à
principio, in quo poſuit hominem quem formaſuerat;
& aſcendens fons de terra diuiſus in quatuor flumi-
na, vniuerſam ſuperficiem terra irrigauit, & quia
amor non permifit eum eſſe ſine germine (vt dicit
Dionyſius) ideo in fine ſæculi hortum deliciarum, quaſi
paradiſum in benediſtionibus dulcedinis, Ordinem
fratrum Prædicatorum, mundo iam arido, fructiſe-
rum complantauit; quem fons totius gratiæ in qua-
tuor euangeliorum fluminibus, ac Doſtorum riuulis
tam ſæliciter irrigauit; vt potum largè tribuat ſitiẽ-
tibus vniuerſis Dei iuſtitiam. De quo virgulto, Re-
gis manu Dei conſito, tot planta florida vernantes, &
alta Cedri Libani certatim pullularunt, vt mundi
cingant ambitum, & eum repleant mirifico ac limpi-
diſſimo lumine ſcripturarum. Hi ſunt alumni ſapiẽtia,
qui miſſi vocant ad arcem gloriæ, & ad mœnia ſu-
perniæ ciuitatis, viri doctrina ſana lucidi: de quorum
numero quos ſælix Ordo germinauit, fuit F. Henri-
cus de Calſtris, forma patientiæ, Religionis norma,
& exemplum omnium virtutum. De quo fauente
Domino & eius adiutorio; quedam miracula quæ
Dominus

Dominus per eum operari dignatus est, scribere proposui breuiter & succinctè; ne lucerna sub modiolateat, sed palam fiat omnibus manifesta. Opera enim Dei honorificum est reuelare, & confiteri fidelibus ac deuotis. Explicit Prologus.

INCIPIT VITA EIVSDEM.



GITVR vir Dei F. HENRICVS DE CALSTRIS natus in ciuitate Louanienfi, de nobiliffimo genere Calstrenfiũ, & ibidem ordinem fratrum Prædicatorum profectus, miffus est Parisios ad ftudium; vbi notè quadam, dum in cella more folito ftuderet vel oraret, extinctum eft lumen candela eius coram eo; & ftatim circumfulfit eum lux clara, & audiuit quafi muliebrem vocem resonantem. Qui ftupefactus ait, Domine Deus meus. quæ eft hac vox quam audio! Ego fum, inquit, Maria mater Chrifti. Cui ille: O Domina mea dulciffima, oftende mihi faciem tuam gratiofam. Quæ refpõdit, adhuc puer es; crefce & videbis me. & adiecit, Frater talis qui inclufus eft quafi fufpectus de fubtractione libri tui, eft innocens; fed diabolus fubtraxit eum, vt te & tuum Conuentum perturbaret. Sape adhuc te perturbabit, fed noli timere, quia tecum fum; & ora femper. Diabolus autem dictum librum coactus reportauit. cui Frater Henricus dixit, quare hoc fecifti? cui refpondit, propter caufam quam tibi Domina dixit. Hac fuit prima vifio ei facta.

Accidit

Accidit ut frater Henricus fessus & lassus in crure, venit in villam nomine Muscya, & rogauit quendam presbyterum ut socium suum iuuaret ad missam: ipse verò posuit se ad pausandum, statimq; apparens ei mater Dei benedicta dixit, Quare non adiuuas fratrem tuum ad missam? at ille, quia lassus sum (inquit) & fessus, quæ respondit: Ignoras quia te iuuare possum? presbyter ille non est dignus ut ambulet super terram. Tunc ait F. Henricus: O pûssima Domina, volo missam celebrare? cui ait, Non, quia ad hoc te non ordinasti neque preparasti; sed quia missam non dixisti, à me hodie solatium non habebis, & disparuit. Ipse autem tristis manens ac mærens illa die cibum non gustauit: adueniente verò nocte apparuit ei Angelus Dei ferens vasculum, quasi pixidem aneam, plenum liquore miri saporis & odoris; qui dixit, Bibe: quo gustato confortatus est viribus in tantum, ut stupens miraretur.

Venit frater Henricus quandoque ad funus cuiusdam fratris Minoris Colonia; cuius anima apparuit ei dicens: Tu soles orare pro defunctis, per dimidium diem fui in purgatorio, & iam duxi mecum de purgatorio 24. animas, pro quibus Deum exorasti.

Quadam vice venit ad quandam villam, & petijt hospitium propter Deum; & respondit hospita domus. Non habeo quod vobis sufficeret, cui ille ait: Tectum nobis concedas. cum autem apponeret id quod habuit, panem nigrum, lac, caseum & ceruisiam tenuem,

iuem; ecce mox ingressus est iuuenis portans duas similes albas, & discum magnum plenum piscibus, & recessit; factoque signo crucis tenuis ceruisia mutata est in vinum, & extorsit hoc à socio suo ut non diuulgaret.

Sensit hic quadam die dolorem cordis & factus est quasi mortuus, statimque adfuerunt demones infiniti clamantes & dicentes, Noster es, & nobiscum ibis; & tamen eum non tangebant. post altercationes plurimas apparuit lux magna, statimque turba illa demonum euanuit, & audiuit vocem Beatissimæ Virginis Mariæ dicentem: Ego sum; noli timere. & ille: O mater misericordia, quare hoc Dominus meus Iesus Christus filius tuus fieri permisit? At illa ait: Per hæc quæ passus es, purgatum est quicquid in te erat criminofum. Et scias quandocunque cessent homines te perturbare, demones te impugnare non cessabunt; citò finis erit; sustine patienter.

Alia vice inuenit demonem in specie pulchræ mulieris in loco suo; qui saltans super eum pedibus suis fortissimè conculcavit, & cum calceis suis eum fortissimè verberavit, dicens: Tolle eos, & fuge. quod non fecit, sed eos reliquit in ambitu: non enim poterat eos extra claustra deportare. nec mirum, quibus pedes annunciantis pacem in præparationem Evangelij fuerant calceati.

Quadam vice desiderabat multum videre expositionem super illud verbum Pauli, Scio hominem raptum, &c. sed liber erat clausus; statimque Beata

Virgo attulit illi librum, & legit illum passum de raptu Pauli, & ait: Non intelligo quae lego. Et Beata Virgo ait: Si intelligeres, anima tua sic esset in his absorpta, quod legere vel studere non posses. nec intelligere poteris quamdiu anima tua fuerit corporali specie alligata, nec Paulus potuit anima ad eius corpus reuertente, sed ex nunc tibi confero quod intelliges quicquid de cetero leges in sacra scriptura, quātum ad salutem tuam pertinebit, Nunc ergo vade & lege missam. Tu confiteri decreuisti quod fratri tali pro suo bono durè respondisti, scias quod in hoc non peccasti; sed illud confitere, quod peccatum non reputas, quod nimis diu sedisti in porta fabulando, & post, tepide cōfessus dixisti missam cū modico fernore.

Fuit quidam qui nullo modo voluit credere his quae de sanctitate ipsius dicebātur, unde accidit quod idem frater vidit tribus vicibus lumen magnū in altari, quando F. Henricus missam celebravit; & tunc dixit: modo credo quod vera sunt quae de eo dicuntur, & responsum audiuit, Amen. Nunc bene dicis.

Quadam vice venit prope Moguntiam ad quemdam militem qui infirmabatur, & dixit ad eum: Missus sum à Domino, ut confitearis, quia morieris, & non viues. Non credo (inquebat ille) quia iuuenis sum. cui F. Henricus, crede mihi & scias, quia infra triduum morieris, ne ergo differas confiteri. Et ille: Non faciam, inquit: Ego enim me obtuli diabolo, & eius sum. Cui F. Henricus, Nescis quia Christus misericors est, & pro te mortuus est in cruce, nec vult te perdere nec dānare? statimq; ille flens & cinlās, valide contritus

contritus est, & deuotè confessus est: non enim ante decenniū fuerat confessus, & rogauit F. Henricum ut ei in morte adesset, cui F. Henricus dixit, non, sed B. Dei mater aderit, qua etiam cum multis virginibus adfuit, & ille transijt sine purgatorio propter validissimam contritionem quam habuit in extremis. Ipse enim in honorem B. Virginis in pane & aqua ieiunare consueuerat.

Miles quidam fuit in Sueuia magnam habens deuotionem ad ordinem fratrum Predicatorum, qui mortuus sepultus est apud fratres in Conuentu Vynpinensi, apud quos elegerat ecclesiasticam sepulturam, licet castrum ipsius à loco supra dicto longè distaret. Illo in tempore missus est F. Henricus ad dictum Conuentum pro Lectore; qui cum audisset à fratribus mirabilem affectum quem habuerat ad ordinem, intimè orauit pro anima eius, quamuis eum non uiderit. Unde accidit quod circa anniuersarium diem obitus eius quadam neptis ipsius militis, cum ex magna deuotione in capella predicti castri oraret, subito circumfulsit eam lux magna, & pauescens de lumine, audiuit uocem dicentem sibi: Noli timere, ego sum. Et adiecit: per orationes F. Henrici Lectoris in Vynpia, qui me uiuum non cognouerat, liberatus sum Dei gratia à longo purgatorio, precor te ut et gratias agas. Tunc illa dixit: Non noui hominem, da mihi signum ut agnoscam illum: qui statim transformatus apparuit in forma Fratris Henrici, & eidem dixit: Talis est species eius & forma, & sic illum cognosces: statimq; disparsit ab oculis eius

cum ingenti lumine cœlos ascendit. Post aliquot dies accidit quod frater Henricus cum socio transibat iuxta prædictum castrum, & neptis prædicti militis descendens casu de castrò, eidem improvise occurrit; & statim cognovit eum per formam sibi demonstratam, qua salutans eum reuerenter ex nomine, invita-uit eum ad prandium, ac gratias agens recitavit cû-eta per ordinem, prout superius sunt expressa.

Duo fratres ex ordine Prædicat. erant in villa qua dicitur Bonna, & unus eorum infirmabatur. B. autem Virgo dixit F. Henrico, Vade ad illum fratrem, quia morietur, & audi confessionem eius; ipse enim oblitus est talia peccata, & sunt hæc. Ego autem præsens ero in eius morte & saluabitur: qui statim perrexit ad illum, & reduxit illi ad memoriam illa peccata; & ille flens ait, Verum est, sed oblitus fui: Frater autem Henricus absoluit eum; nec voluit illi dicere unde hoc secretum haberet.

Dua paupercula mulieres venerunt ad domum fratrum in Colonia, ut confiterentur fratri Henrico, ipse autem distulit, & festinanter iuit ad civitatem: & cum esset in via, audiuit vocem dicentem sibi, Parum habes agere, quò pergis? reuertere & audi pauperulas illas. tamen adhuc processit ulterius usque ad locum quendã ubi erat pulcherrima imago Beate Virginis depicta; & intuens in faciem eius vidit eam sudore madentem, & cum deuotè rogaret B. Virginem ut sciret quid hoc vellet, audiuit vocem dicen-tem, reuertere & audi pauperulas: ipse autem statim reuersus audiuit eas.

Ante obitum suum visitauit eum Petriſſa de qua ſuprà dictum eſt, & cùm grauiter egrotaret, interrogauit ſi abſque purgatorio tranſiret ad gloriam. Cui reſpondit dicens, B. Virgo in hora exitus mei animam meam ſuſcipiet, & pluſquam trecentas animas mecum de purgatorio adducam.

In ſælici eius tranſitu qui fuit 18. Octobris, ipſo die S. Luca (vt patet ex libro anniuersariorum fratrum Prædicatorum Louaniensium) monſtratum eſt cuidam deuota perſona quod Purgatorium illuminabatur; per quod tranſiuit ſicut per oſtium, & adduxit ſecum trecentas & 30. animas, quas pro amore ſui dilecti liberauerat Dominus.

Quadam vice apparuit prædictæ Petriſſæ, & dixit ei: Fratri meo Ioanni dicas quod non diu uiuet, ſed ad aliã vitã trãſibit; & quod ſit humilis, & quod non quærat ſolatium in creaturis; quia ex tali ſolatio ſequitur cordis turbatio: in ſolo autem Deo inuenitur vera conſolatio, & pluſ faciat pro inimicis ſuis & ſibi contrarijs, quàm pro amicis, & Dominus infundet ſibi gratiam ac dulcedinem maiorem quàm excogitare poſſet, vel habere in omnibus mundi huius creaturis. Qui enim contempſerit modicum ſolatium ſeu vanum colloquium propter Deum, minuetur eius purgatorium; & eius meritum & præmium augebitur hic & in futuro.

Quadam mulier cæca fuerat annis quindecim, & veniens ad ſepulchrum eius viſum recepit.

Quadam alia cecidit in phrenesi, & allata eſt terra de ſepulchro eius, ac ligata ſuper caput eius, &

descendit statim materia morbi in ventrem eius, & ibi etiam ligata plenè sanata est.

Quadam vice apparuit Petriſſa prædicta, & sic loquutus est; Benignissimus & multum misericors est Dominus Deus, quoniam si maximus peccatorum totius mundi diceret contrito corde, Domine peccavi, miserere mei: pius Dominus misericordia motus statim concedet veniam deprecanti. & , si homines hoc diligenter aduerterent, Deum meritò super omnia magis quàm faciunt diligenter; & pro modica dilectione ac pænitentia parua, longam purgatorij pænã euaderent, etsi restaret tempus centum annorum.

Item apparuit præfata Petriſſa, cui illa dixit: Domine, mihi videtur quod gaudium tuum magnum sit apud Dominum, & merces tua magna nimis, quia nunc appares valde gloriosus, latus & iocundus: qui respondit ei, non mireris; quia gloriam meam enarrare non possent omnes qui nati sunt ab origine mundi, vel qui usque in finem sunt nascituri: quia coram me est fons ille pietatis què totus sitiui, & immersus sum in illam diuinitatis abyssum, ac totus absorptus ac fixus in aeterna, summa, dulcissimâq; fruitione excellentissimæ Trinitatis.

Hæc scripta sunt ad laudem & gloriam Saluatoris, qui nostram excitet pigritiam, & ad virtutem prouocet exemplis seruorum suorum fidelium qui nos præcesserunt ad gloriam: quam oculus non vidit, nec auris audiuit, nec in cor hominis ascendit in hac vita; hanc Domine Deus præparaſti diligentibus te, ut totum cor, tota mens, tota anima non sufficiat

ciat dignitati dilectionis tua. Deus dirige nos in superelucens & subtilissimam veritatem, ubi noua & abscondita sunt mysteria: & fac nos temporalia cuncta transcendere, ut super omnia videamus & sequamur te, per quem facta sunt omnia, & absoluto puroq; mentis excessu ad superessentialem diuinorum luminum radium pertingere valeamus. Quomodo autem hoc fiat docet non doctrina sed gratia; desiderium, non intellectus humanus; gemitus orationis, non studium lectionis; non homo, sed Deus noster qui ignis consumens est & totaliter inflammans, excellentissimis vnionibus atque feruentissimis affectionibus in Deum transferens quos Christus accendit in camino suo ardentissima passionis; qui est Deus benedictus in aeternum & vltra. Amen.

Nonnulla, quæ à pio illo scriptore, in vita B. Henrici adferuntur, quæ sanè admiranda sunt, omisimus ob causas; quarum vna est, quod desideremus ea edi ab ijs qui correctionem codicem, & magis accuratum Apographum nacti fuerint. Quod speramus prope diem futurum.





B.M. THOMAS CANTIPRATANVS CONVENT, LOVANIA
M. del J.

CAPVT DECIMVMQVARTVM.

De B. THOMA Cantipratano.

HUNC sibi locum vendicat aliorū beatorum illustrator, & ipse quoque beatus, Thomas Cantipratanus, Conuētus Louanienfis olim Supprior, vir omni laude spectatissimus. Eius vitam literis consignauit Ioannes Gilemans; cuius extat in Rubēa valle manuscriptus codex, nos quæ ille scripsit hic reponimus.

GESTA VENERABILIS THOMÆ DE CANTIPRATO, SVPPRIORIS domus Prædicatorum Louanienfium.

Venerabilis THOMAS DE CANTIPRATO fuit vir urbana eloquentia, & militaris pro-sapia, natus de villa Lievvīs s. Petri, iuxta Bruxellam in Brabantia. Quem cum pater suus adhuc puerum ad literarum studium, & vitā cælibem pro-uocaret; sapius eidem cum lachrymis & deuotione referre solebat: Cū mare (inquit) transissem, terram sanctam ac Ierosolymam visitare, veni in montem quem Nigrum vocant, ubi sparsim multi viri sancti vitam Eremiticam sectando, Domino seruebāt.

Qui

Uni ergo eorum peccata mea confessus, responsum accepi me de facili culpas meas non posse per penitentiam diluere; sed si filium haberem, & hunc ad litteras ponerem, & fieret sacerdos idoneus Christo, potissimè per hunc me posse iuvari.

Huius consilij occasione Thomas in scholam datus est; cuius pater postmodum, diuina gratia suffragante, tam per ipsum quàm per alios quos publicè in sermonibus vel secretè in consilijs ad orandum pro illo efficaciter inducere potuit, adiutus est multis modis. Pro quo si filius aliquando celebrare distulisset, aliàs impeditus: ipse eidem apparebat in somnijs, & ostensis manibus pluribus plagis liuidis, illum utique cur filius patrem non iuaret, sinceriter arguebat.

Hic cum recenter ad ordinem presbyterij etate iuuenis accessisset; in confessionibus audiendis vices Episcopi, contra voluntatem, habere compulsus est; quas postmodum in diuersis diœcesibus per triginta annos, & eo amplius, exercuit. Hoc autem cum in magna cordis formidine inchoasset; caput vexatis exterius auribus, ex auditu, interius temptationum stimulis exagitari. Maximo ergo timore & horrore correptus, ad piam Luitgardem in Aquiria, tunc temporis sanctissimam montalem, sicut ad specialissimam sibi matrem, concessit,

accessit, & eidem gravamen suum, dolore ta-
ctus, aperuit. Quæ dolens & compassa, in
orationem se dedit; & rediens cum magna fi-
ducia dixit: Revertere, fili, ad locum tuum,
& laborem debitum animabus curandis impen-
de: aderit CHRISTVS protector & do-
ctor, qui & in confessionibus audiendis à iacu-
lis inimici te potenter eripiat, & in defectu
scientiæ, quem vereris, addat gratiam amplio-
rem. Mira res. Ab illa enim die quam diu
iniuncto officio usus fuit, prophetiam Beata
Luitgardis in se veracissimè fuit expertus.
Nam quanto immundiora erant quæ audiuit,
tantò minùs ea curavit, minùs in audiendo
motus fuit. Intrauit post hæc ordinem Fra-
trum Prædicatorum, in quo cum laudabili-
ter per duodecim circiter annos conuersatus fuis-
set, constitutus est Supprior in Conuentu Loua-
nensi.

Quo in tempore, constitutus die quadam
apud Treuerim totius Europæ antiquissimam
ciuitatem; vidit structuræ cuiusdam mirabilis
vestigia, quæ Helena Constantini matris pa-
latium fuisse dicebatur, quod ne ab inimi-
cis in periculum ciuitatis præoccuparetur, à
ciuibus est destructum. In huius latere à
parte Aquilonari oratorium paruum est in-
uentum, in quo altare ex marmore candi-
dissimo erat, & in latere dextro sepulchrum.

Scriptura

Scriptura verò super sepulchrum in pariete legebatur hoc modo. Sancte Theodolphe nostri petimus miserere. Deposito autem lapide corpus inuentum est incorruptum. Huius reliquias capillorum, & unguiū, in antiquissimo monasterio iam dicta ciuitatis quod Horreum dicitur, cum superinscriptione veteri, hic vir venerabilis adinuenit, & de promissione ciuium, manum unam de corpore sancti, quod annis ferè sexcentis integraliter manserat, mox abscidit, ac in Louanium ad propriam domum deportauit. Apud Duacum in Gallia tale quid fama vulgante percepit. Nam in Ecclesia S. Amati Episcopi, cum sacerdos, in pascha, communicato populo, corpus Christi super nudam terram stupidus inuenisset, & flexis genibus eleuare tentasset: mox per se in aera subleuatum, panniculo quo consecratos digitos detergere solet, inhaesit. Clamans ergo sacerdos canonicos vocat; accurrunt illi, spectant in panno corpus viuificum in specie faciei venustissimi pueri, & mox conuocato populo ad spectaculum praesentatur, & indifferenter nulli tanta calitus visio denegatur. Venit hic cum alijs in oppidum; accessit ad Decanum Ecclesiae, cui optimè notus erat, petijt videre miraculum, annuit ille, aperta est theca, concurrit populus, & mox ubi pixis reuoluitur, clamant omnes: Ecce iam video, ecce conspicio Saluatorem. Stabat venerabilis Thomas attonitus, nihil videns nisi tantum speciem albiissimi panis, in nullo tamen sibi conscius quare sacro-sanctum corpus cum ceteris non videret. Nec diu ista secum voluebat, cum ecce vidit faciem in mensuram aetatis

tis plenitudinis Christi, spineam coronam in capite
 gestantem, & duas guttas sanguinis de fronte ex
 utraque parte nasi per faciem descendentes. Mox
 igitur, flexis genibus, cum lachrymis adorauit. Sur-
 gens autem post hæc, nec coronam in capite, nec san-
 guinem vidit, sed faciem hominis super omnem effi-
 giem honoratam, conuersam ad dextram, ita ut vix
 dexter oculus videri posset. Nasus erat admodum longus,
 directus valde, supercilia arcuata, oculos simplicissi-
 mos atq; demissos habebat, casariam longam super hu-
 meros descendentem, barbam intonsam & sub mento
 curuatam, exterminatamq; sub rictu iocundissimi
 oris; ex utraque parte menti nudas propè à pilis val-
 liculas, ut in iuuenibus apparere solet qui barbam à
 puero nutrierunt, frötem latam, macilentas genas, &
 collum longum cum capite parum inflexum. Hoc schema,
 hic decor benignissima faciei quam vidit. Insuper
 quadam vice crucem in cælo ex clarissimo sidereo lu-
 mine videre meruit, antequam piissimus Rex Fran-
 corum Ludouicus Crucem transmarinam susciperet,
 anno videlicet 1246. nec (ut asseruit) recolebat se de-
 centius & operosius formatam Crucem, unquam sub
 aliqua materia vel figura uisisse. Oculos habere
 cubitos Crucem ipsam in longitudine sibi planissi-
 me visum est. Serenum cælum erat valde, & sine
 ulla nube in aliqua parte sui, & sub nostro horizonte
 cælum erat coloris unius. Ut quot cubitis eadem
 crux, ut dictum est, præminebat, pene tot vicibus
 crucem contra infideles suis temporibus predicari
 cernebat. Contigit eodem vices Episcopi (ut dictum
 est)

est) agente, ut quodam die Augusti mensis, familia circa messem instantius occupata, facto mane prandio, ipse & diaconus qui cum eo religiosè debebat, rete sumerent, & ut tempus deducerent, ad piscinam latè diffusam pariter accederent ad piscandum. Remisso tamen diacono ad custodiam domus, intravit hic solus naiculam ad piscandum: multo ergo nisu capere aliquem, longa die, frustra conatus, circa occasum solis cum exire tentaret, ecce pradietus diaconus, cum tribus fratribus Minoribus receptis hospitio veniebat. Quos ut vidit Venerabilis Thomas gavisus est, & omiſsa salutatione præ gaudio, dixit: Per totam diem laborans nihil prendidi, in verbo autem vestro laxabo rete. Et accepta corda unius qua cinctus erat, retis funiculo alligavit. Prima ergo vice iactato reti traxit in terram octoginta pisces, talis qualitatis, saporis & esus, quales nunquam antè vel post in eadem piscina vel alia eiusdem speciei, viderit vel gustauerit. Latè ergo pro facto mirabili, domum perrexerunt, & refectis eis, & reuerſa familia, quotquot erant in domo satiati sunt, & missis partibus, his qui sibi non preparauerant, gratias Domino largitori retulerunt. Cum in illa Dominica Passionis sexta feria ante Pascha, ipse in Episcopatu Cameracensi tunc manens, & confessiones audiens in Ecclesia resideret, aduenit puer annorum fere quindecim, & cum dolore mirabili procidens ante pedes, dixit: Misere mei, Domine, misere mei: quia

quia mihi terribile quid accidit hodie . Obstupescit ergo quid tam horrendum tali puero contigisset ; hortabatur ipsum cum lachrymis , ut audacter diceret quid hoc esset . Heu (inquit) Domine , sedebam in campo cum socijs iuxta oves , incidi hastulam ad sagittam faciendam ; & ecce hastula sine ullo meo vulnere vel lésura , sanguine tincta est & respersa . Hoc cum audisset venerandus Confessor , miratus quidem est , & gavisus quod puero nihil gravius accidisset ; omen tamen futuri infortunij mox aduertit . Confortatum ergo , admonitum & absolutum puerum dimisit . Nec vix septem dierum spacium intercessit ; cum ecce mater-familias adueniens eundem puerum denunciat grauiter infirmari , & ipsius Confessoris aduentum cum lachrymis prestolari . Nec mora , surrexit ille , & venit ad puerum , qui mox confessus est peccatum in tali etate grauissimum , quod ei feria sexta post diem Pasche contigerat , & adiunxit : Huius (inquit) sceleris horrore contabui & elangui statim . Nocte autem media , cum solus iacerem in lectulo , mori mihi visus sum : & ecce viri turpissimi meam animam rapientes , per vallem fumo teterrimam , & longissimam , portauerunt ; & in puteum altissimum , flammeis ardoribus aestuantem , quasi molem glaciei frigentem in ignibus proiecerunt . Cumque ibidem miris incendijs cruciarer ; ecce vocem audiui , quasi diceretur ; *Parcatis puero , parcatis etati : & subito ereptus*

ereptus sum ac vita restitutus. Oculos autem statim aperiens, vidi miræ pulchritudinis dominam astantem & dicentem mihi: Ne timeas, chare fili, doluisti, & veniam consequeris. A te nunc cum recessero, diabolus veniet in specie sacerdotis: ne credas ei, sed demanda illum cui confessus es ante Pascha, hac dicens, disparuit. Et subito astitit mihi quasi vir reuerendus in specie sacerdotis alba indutus, & casula; velut in candida pixide præferens sacramenta; qui me ad confessionem & sacramentorum susceptionem, residens hortabatur. Cumq; signo crucis diutius reluctarer, & ille nihilominus (à remotis tamen) ficta ingereret sacramenta: tandem post longum agonem B. Virginem Mariam inuocaui: & mox seductor ille disparuit, & me petente mater familias vos vocauit. Hac ut audiuit Confessor prudentissimus, supra modum miratus est audaciam & presumptionem diaboli, qui fictione sua temerare tentauit viuifica sacramento, credens atque asserens quod nisi puer fuisset à gloriosa Christi matre præmunitus, accepisset figmenta diaboli: qui per hoc, ad minus contaminatum corpus possetur introisset. Glorificauit itaque Dominum, & multipliciter benedixit, qui tali puero intelligentiam & constantiam dedit, ac per eum & in eo sue benignitatis opera confirmauit. Iussit ergo mox parochianum eius presbyterum accersiri, & eum salutaribus sacramentis præmuniri, & sic die tertia ab vita migravit, & consummatus in breui, tempora periculosa compleuit.

Accersitus quadam die ad compescendas iniurias,

rias, & dissipandas inimicitias, quæ inter duos fratres carnales grauissima versabantur, cum eorum germano sacerdote præclaro; iter arripuit. Vbi ergo sacra nocte ante vigiliam pasche ambo in canaculo iacebant, in spatio trium miliarium aut quatuor à loco ad quem tendebant: venerabilis Thomas ante diem euigilauit adhortans sacerdotem ut descendens inferius ignem in cādela adferret, qua, inspecto libro, matutinarum officium decantarent. paruit ille, sed cum candelam accendere debuisset, tanto tremore concussus est, quod sine igne recurreret, dicens; Ignem ad præsens non habeo, expectare nos oportet lucem diei. Sicq; ille vitauit mendacium, & pusillanimitatis suæ verecundiam non detexit. Ergo ubi rursus obdormierunt, non euigilauerunt usq; ad solis ortū. Excitatus igitur venerabilis Thomas, & se dolens tādīu dorminisse, surgens è lecto consedit, apertis autē oculis, versus fenestram vidit quasi socium suū caluo capite, nudato inguine atque asinino veretro extēto velut ad urinam faciendam, diabolum stantem. Indignatus ergo socio vehementer, cum eum increpare vellet nec posset ablata voce, audinit mox stertentem socium ad pedes suos in lecto; & clamans voce reddita, dixit ad eum cum stupore surgentem: Ecce (inquit) iuxta me cum quanta inordinatione, in specie tua, diabolus stat ad fenestram, qui me contra te valde commouit. Et hæc dicens, vidit quia malignus ille per fenestram quasi fumus euanuit.

Dictis ergo matutinis festinauerunt ad locum destinatum; nec mora, ubi sequenti die Pascha celebra-

nerunt, pradicauerunt & comederunt, cum se Venerabilis Thomas in pomerio, sub dio, ad somnum meridianum deposuisset, & clausisset oculos ad dormiendum; audiuit iuxta se quasi susurrantes aliquos, submisit tamen. Verens autem & cogitans ne forte aliqui eum expectarent, ut eis satisfaceret aperuit oculos & surrexit; & neminem videns reclinavit se, & clausit oculos. Et rursus audiens iam euidentiis murmurantes, surrexit, & tamen nullum vidit. Sed nec tum aliquid de nequitia demonum suspicatus, tertio se reposuit ad pausandum; nec interstitium aliquod, clausis oculis, intercessit; cum manifesta voce audiuit in hac verba contumelia prorumpentes. Ecce (inquiunt) cum quanta superbia vilis iste dormiens facit nos expectare. Ad hac igitur verba cum mox apertis oculis surrexisset, nec aliquem inuenisset: coniecit proculdubio demonum iniquitatem, qui & eum turbare voluerunt, & indicium futurae nequitiae demonstrare. Quarta enim feria sequenti infra octauam Pascha conuenerunt amici fratrum illorum quos ad pacem reducere venerat, & inter agendum tanta inter se fratres discordia sunt commoti, quod in eodem loco ubi antea demones audierat murmurantes, nisi maxima parentum & amicorum violentia restitisset, se inuicem instinctu demonum validissimo, peremisset. Attamen vicit vir prudētissimus, Dei gratia, nequitiam demonum, & pacem reformauit inter fratres.

Quanta autem fuerit efficacia & discretionis in
dandis

dandis consilijs, & anxietatibus subleuandis; ex his paucis colligi potest quæ sequuntur. Fuit vir quidam in Brabantia partibus decore virtutis & forma conspicuus, quem iuuenem puella lasciniens impetebat. Nefas autem iuuenis ducens virginem deflorare, stuprum renuit, & aufugit; ac in aspectum familiæ domus quasi tutus à puella resedit. Quem illa invetercundius infecuta, super eius genua sese locavit, & dato graui suspirio miseram animam, euersis luminibus exhalauit. Quem iuuenem grauitè contristatum, quasi reum mortis subita in puella, vir discretissimus confortauit; & eius constantiam ac rectum iudicium Dei in defuncta sicut debuit collaudauit.

Existens idem in oppido magno Brabantia, Bruxella scilicet, venit ad ipsum quedam puella, rebus tenuis, & formosa, cum multis lachrymis sibi postulans misereri; quam cum vir honorabilis hortaretur dicere quid haberet, illa cum eiulata Heu (inquit) me miseram, cum sacerdos quidam me vellet opprimere violenter, & me oscularetur inuitam, illum auersa manu percussi in faciem, & per nares sanguinolentum reddidi; pro quo, ut mihi dicitur à clericis, me Romam adire modis omnibus oportebit. Tum ille, quasi seriose locutus, terruit eam, quasi grauitè excessisset; & tamen iuramentum eius accipiens, quod staret mandato ipsius, dixit ad eam: Sub præstito iuramento tibi præcipio, ut si ille vel alius presbyter, violentiam tibi in osculo vel contrectationibus facere voluerit, contracto pugno valide oculum, si potes, excutias contrectanti; nec in

hoc ulli ordini parcas: quia castitatem tueri licet verberare, sicut corporis vitam. Hac ut dixit vir urbanissimus, omnes qui aderant, simul & ipsam puellam, in risum & letitiam concitauit. Hic tantus vir quid fratribus sui ordinis in suprema contigit necessitate, frequenter audiens; experiri non refugit. Venit enim quadam die in villam sibi ignotam, longo itinere fatigatus, in tantum ut præ debilitate nimia corde mox deficere putaretur. Ingressus itaque cum socio, cum ille in domo presbyteri nec saltem frustum panis nigerrimi quò familia vesceretur, posset inuenire: inde digressus latè per villam, nihil prorsus, nisi in fine villæ à quadam paupercula fragmen panis fursurei obtinuerunt, donum satis magnum, imò sibi maximum donatiuum. Resederunt ergo sub dio, & de pane illo comederunt; & licet palearum arista quæ erant in pane palatum comedentium stimularent, nunquam tamen in vita sua (ut fatebatur) fuit tam suauis deliciarum edulio delectatus.

Hac sunt gesta Venerabilis Thomæ de Cantiprato, supprioris domus Prædicatorum Louaniensium, in libro qui intitulatur bonum vniuersale de apibus, quem ipse venustissimè compilauit. Composuit & librum de naturis rerum satis utiliter, cui operi institit per 14. annos antea, satis indefessè. Edidit quoque vitas sanctarum Virginum, Christina videlicet mirabilis, & piæ Luitgardis: & tandè postquàm per sexaginta ferè annos in Dei seruitio perstitisset, transiuit ad potiora, regnaturus cum Christo in æternum. Hactenus pius ille & religiosus scriptor.

At verò quo anno recuperatæ salutis, aut

etiā suæ ætatis, è viuis excesserit Venerabilis Thomas, non liquet: Quidā existimāt obijisse anno 1280. sed nullo certo subnixa fundamento: alij longè ante desijisse putant: Nihil verò pro comperto est.

Porro nō abs re erit hoc loco meminisse Dominicani cuiusdā Belgæ Anonymi, Cāti-
pratano cōsanguinei, quē ipse li. 2. de apibus
cap. 57. p. 37. à dēmonē, speciosam mulierē,
emētito corpore atq; habitu, referente, graui
carnis tentatione impetitū, sed Dei miseri-
cordia, superiorem fuisse cōmemorat. *Est (in-
quit) frater ordinis Præd. mihi consanguinitate con-
iūctus, cui hoc accidit quod subiūgo. Iacebat uno ma-
ne in dormitorio mane vigilās ante primā: & ecce vi-
dit demonē in specie pulcherrima mulieris in dormi-
torii veniētē, & turbari grauiter cœpit, quod mulier
illic & hoc illa hora intrare permissa fuisset, demonē
hanc esse minimè suspicatus. Nec mora, progrediens
mulier, se iuxta fratrem in lecto, quasi risu iucunda
illū alliciens, collocauit. Qui statim horrens, & se si-
gnare volēs, nec valēs, dorsum tandē ad parietem po-
nens, & pedibus latus illius cōcutiens, cū, pugno, eius
faciē percutere voluisset; os demon latè diffusum ape-
ruit, & à lecto detrusus cecidit, & sic repētē disparuit.
Tantus autē colluctantium fratris & demonis strepū-
tus ut à fratre in proximo iacente lecto & stupente,
clarius audiretur. Clamare autem frater passus violē-
tiam demonis cū voluisset (ut mihi narrauit) non
potuit: sed tantam quasi mutus irruerit.*



B. M. SERVATIVUS LOVANIENSIS.

M. Sae. f.

CAPVT DECIMVMQVINTVM.

De Venerabili Patre SERVATIO
Louaniensi.

MEMINERVNT cuiusdam Patris
 Seruatij eiusdem professionis &
 loci, Leander Albertus, Historia
 Theutonica, & omnium primus
 B. Thomas Cantipr. qui Seruatio familiari-
 tate coniunctus fuit, & eum singulari amore
 est persecutus. Singula quidem præclare ab
 eo facta non narrat; paucis tamen raras eius
 virtutes, præcipue pacis studium incredibile,
 eximiam erga proximos charitatem, & Euā-
 gelicę humilitatis atque mansuetudinis gra-
 tiam incomparabilem mirificè extollit. Sic
 enim scribit: *Vidi & alium eiusdem ordinis in eo-
 dem loco (cōstat autem loqui de ordine Præd.
 & cœnobio Louaniensi) Seruatium nomine,
 dilectum valde mihi, & in amicitia specialem. De
 isto beatissimo & emerito valde viro, fratres qui cum
 eo in ordine Prædicatorum triginta quinque annis
 fuerant conuersati, veritate testatissimareferebant,
 quod in tanto temporis spatio ex quo intrauerat or-
 dinem, nunquam fratrem, nunquā hominem ex sua
 culpa, aut incuria perturbasset. Humilitatis & man-
 suetudinis tanta fuit, quanta nunquam hominem*

meminerim me vidisse. Compassionem verò & charitatem erga proximos miram & vehementem habebat. Hic mortis exitui debilitate corporis appropinquans, oculis & manibus caelestibus inhiabat. Cùm autem à fratre quodam rogaretur ut sibi super pace conscientia suæ responderet: dixit humiliter & deuotè; Pax certa & firma est inter me & nostræ salutis auctorem; nec ullo modo diutius eius contemplatione frustrabor. Hæc Cantipr. Sed ô beatæ vitæ finem longè fælicissimum! beati verè pacifici, qui tam securi de Dei visione, ipsis à Christo vnico pacis magistro promissa, ex hac vita decedunt. O æternam eorum mercedem, qui humilem Christum fælici imitatione sequuti, ex illius magisterio didicerunt de se nihil sentire, bona de reliquis, omnes sequi, nemini præire, quia Deus superbis (qui cùm vermes sint multa sibi arrogant) resistit, humilibus contrà dat gratiam. Ita in virtutis schola doctus Seruatiuſ charitatem toto corde complexus est, mansuetudinem animiq; submissionem assiduè coluit, pacem omni diligentia sectatus est dum vixit: iam verò, nunquam non virentis oliuæ ramo decorus, sempiterna fruitur quiete, & quæ effari nequimus gaudia, Christo largiente obtinet.


CAPVT DECIMVMSEXTVM.

De B. CONRARDO Louaniensi.

E ADEM ætate ac loco, insigni etiã virtutis glçria floruit B. Conrardus; cuius vitæ & gestorum series etsi nos lateat, præclaro tamen Cãtipratani testimonio fateri cogimur cum & morum integritate celeberrimum fuisse, & Apostolico prædicandi munere cum maximo fidelium fructu & Diuini nominis honore perfunctum, ac tandem beatum finem prioris vitæ merita, cum omnium gaudio & cõgratulatione, excepisse. Viuenti longè familiaris Cantip. qui & morienti adstitit; hæc refert li. 2. c. 1. p. 12. *Vidi & aliũ virum meritum Conrardum nomine in ordine Prædicatorum apud Louanium, vita & animarum zelo feruentissimo gloriosum; quem cum audissem mori, veni ad locum ubi mutus & quasi sui nescius decũbebat. Appropinquante vero hora decessus, contra spem omnium, oculos eleuauit & manus; & cum latissimo vultu intuitus crucifixum, dixit. Educ de carcere animam meam, vt confiteatur nomini tuo, Domine. & cum tertio hoc dixisset: demissis oculis expirauit. Illa est felix sors sanctorum, vt quæ in lachrymis seminauerunt*

106 DE B. CONRADO LOVANIENSI,
minarunt, metant in exultatione; & illud eis
sit principium gaudij, quod est finis luctus.
Luxerunt in hac vita; sed beati qui sic lugēt:
certi enim de promisso solatio, rident in
morte, & vultu exultabundo occurrunt bea-
tis Angelis & Angelorum summo regi Chri-
sto. Hos inter Conrardus, securus de præ-
mio, dum moritur ridet, exilit è carcere hi-
laris animus, & in Christi amplexus latif-
sima sorte procurrit.

CAPUT





B. NICOLAVS BRVGENSIS

M. van f.

CAPVT DECIMVMSEPTIMVM.

De B. NICOLAO & Venerabili RAYNERIO Brugensibus.



CELEBRE est Brugis nobili Flādrigēmporio, ord. Prædicatorum cœnobium, à Ferdinando Lusitano Sancij Regis filio, & Ioanna Balduini Cæsaris filia Flandriæ Comitibus, conditum sub annum millesimum ducentessimū trigessimum tertium. In eo vixerunt viri plures qui magno pietatis studio primam illam Dominicanī nominis gloriam auxerunt, & posteris verum Religionis typum expresse-
runt. Duo è multis omnem temporis, bellorumq; inuidiā constante fama superarunt. Prior est Nicolaus quidam, quem Meyerus in Annalibus Flandriæ ex Walkierorum familia fuisse refert, & primum ex eo conuentu obijisse, atque in clauistro ante locum Capituli sepultum, narrat: meminit quoque illius Ioānes Grammaye antiquitatum Brugensium cap. 15. & inter viros sanctitate illustres ex ordine Prædicatorum recenset Leāder lib. 5. folio 196. in hunc modum: *Nicolaus lector fratrum Prædicatorum in cœnobio Brugensi Flandriæ, vir deuotus & religiosus, graui pressus morbo*

morbo quo vita excessit, obnixè rogatus à fratre Lachrymante ut si quid consolationis interius accepisset à Domino, se participem facere dignaretur: maximo exiliens gaudio, ait: Verè accepi, quia Dominus noster Iesus Christus morti meae se adesse spondit. Cui frater, & ego (inquit) per eundem Dominum te obtestor, ut digito vel nutu, mihi cum videris eum praesentem esse insinues. ille respondit: Libenter faciam, dummodo Dominus ipse contesserit. Die postmodum tertia ingrauescente morbo, tabella, dato signo pro more, fratres in infirmitorium concesserunt. Eius igitur felicem decessum fratribus praestolantibus, & orationi insistentibus; Nicolaus eleuans manum, pratensoq; in certum locum digito, circumfusus oculis, cum cantu lenissimo psallere cepit, In Galilea Iesum videbimus, sicut dixit; Alleluia, quo dicto protinus expirauit. Haetenus Leander. Eandem rem commemorat Cantipratanus lib. 2. apud cap. 50. parte 10. Dicitque se ab ijs qui animam agenti Nicolao, & aeternae suae gloriae felix io praecinenti astiterunt, veritatem accepisse. Porro merito celestina canit qui portum feliciter est assequutus; cecinit Nicolaus qui ad tranquillam omnisque perturbationis expertem vitam transibat, eoque nauigiū apellebat vbi deinceps non poterit metuere naufragium. etenim (vt de B. Eusebio Vercellensi loquitur sanctus Maximus) gubernaculum fidei viriliter tenens, anchoram spei tranquilla iam in statione composuit,

110 DE B. NICOLAO ET REYNERIO
posuit, & plenam cælestibus diuitijs & æter-
nis mercibus nauem optato in littore collo-
cauit. Fuit autem primus ille summæ lætitiæ
Nicolao dies 9. Augusti præuigilium glorio-
sissimi martyris Laurentij, anno quinquage-
simo sexto, supra millesimum ducêtesimum.

Alter ex eodem Brugenſi monasterio, be-
ne actæ vitæ merito insignis, est Frater Ray-
nerius, de quo qui cum vidit hæc narrat
Cantipr. lib. 2. apum cap. 10. parte 19. *Vidimus
fratrem in ordine Prædicatorum de domo Brugenſi
in Flandria, Raynerium nomine, iuuenem sagacem
ingenio & secularibus litteris institutum. Hic sta-
tim ut ordinem ingressus est, acriter studio Theolo-
gia cepit insistere; sed cum nondum illuminata mens
nec orationibus preparata, superet ad lumen, & mi-
nus capax animus vento inconstantia fluctuaret: cæ-
pit cogitare velle discutere quæ sectarum, Iudaorum,
Gentilium, Christianorum potiori veritatis culmine
fulciretur. Videbat quidem quod Gentiles & Philoso-
phi naturali ratione regebantur; videbat & Iudaos
legē à Deo antiquitus accepisse, videbat & Christianos
Euangelicis obseruationibus gloriari: sed quid in his
certius tenendū esset, segnius dubitabat. Cōuenit ergo
Iudaos; discussionem legis proposuit. Sed cum fratres
ordinis vidissent ex frequenti collatione hominem
fluctuare; arcendum eum à talibus censuerunt. At
quoniam arctatus ignis acrior consurgit in flammās;
iuuenis in tantum, diabolo stimulante, grauatus est,
ut media nocte fugam omnimodam attentaret.*
Statim

Statim ergo ubi ad exitum porta venit, obuia illi fit maris stella Virgo Maria, ad portum salutis denique reductura. Cui dixit: Fluctuasti à via deuius, & veritatem in fide filij mei te dubitas inuenisse. Noueris certissimè quod diuersis erroribus scatet per orbem Gentilitas: Iudai nihil solidi tenent, diuersas umbras sequuntur, nequitia tenebris obfuscati: Euangelium verò noua gratia per hoc veritatem habere probatur, quod charitate, humilitate, & castitate refulget: quæ tria in ordine quem intraſti, purgato mentis oculo prærogatiuè videbis. Ego autem sum mater Christi, patrona ordinis tui, quæ solita pietate passa non sum tuam castam indolem decipi vel perire. His dictis gloriosa Virgo disparuit, & iuuenem confortatum, ac firmatum in fide, in magna cordis incunditate reliquit. Hic idem in ordine tantum profecit, ut lector in ordine fieret, & consummatus in breui ad potiora transiret.

Cum de hoc Venerabili viro nihil peculiare prodat Cantipratanus, quo eum beatorum numero adscribamus; non est quod quispiam miretur nos nihilominus eum his tabulis inscripsisse, quibus solam sanctitatem exhibemus: id enim tres potissimum ob causas à nobis factum, quibus inducimur Raynerium illum singulari fuisse dum viueret, religione clarum, & nunc felici sanctorum contubernio beatum. Primum siquidem vir sanctus ac prudens Cantiprat. eum in breui consummatum fuisse (vtique recta viuendi ratione) scribit, atque ad potiora transiisse.

Deinde,

Deinde, quod Deipara, materna quadam sollicitudine eum ab erroris deuiō in veritatis tramitem reduxerit, eo fine (ipsa teste) factum est, ne casta Raynerij indoles periret, sed purus ab omni errore & criminis labe animus destinatam sibi à Deo felicitatem cōsequeretur. Postremò, capite 9. suprà monuimus nullos aut certè rarissimos perire aut de salute periclitari, qui in via virtutis & sancto Religiosæ vitæ instituto diuinitus confirmantur. lubet id præter exempla eo loco tacta, insigni historia illustrare, quā sanctū propositū pertēsis nouitijs vtilē, his verbis describit Bzouius ad annum 1234. *Iuuenis quidam delitjjs innutritus recenter fuerat in ordinem Prædicatorū admissus. Paucis post diebus indoluit, quod prioris vitæ iucunditatem reliquisset, & austeritatem monastica complexus esset. Magna tamen veneratione & cultu præcipuo D. Dominicum coluit, & die simul ac nocte aram illius frequentauit, licet in momenta acerrimè vrgeretur, ut ad secularis vitæ molliciem reuerteretur. Decreuit tandem non amplius sustinere, sed ad saculum remeare. Noctem itaque vnā qua sine arbitris egrederetur, elegit: clauēq; Ecclesiæ furtim surripiebat, iam ire perrexit: prius tamen ad Christi crucifixi imaginem, & ad D. Dominici alteram, quasi veniam eundi postulaturus, accessit. Cum autem orasset, & ad ianuā Ecclesiæ perrexisset, Christi effigiem quam modo adorauerat, ante ianuā prostantem, & cænobitam nescio quem sequentem se vidit,*

*vidit. Plenus admirationis retrocessit, & in suum locum Christi imaginem esse restitutam cernens, se falsis imaginibus delusum existimauit; iterumq; ad ianuam Ecclesie reuertit: sedeandem ibi effigiem ac sequentem se cœnositam obstupescens aspexit. Pertinax tamen in sententia, sub Christi brachium sese submittens egredi voluit. Sed id brachium imaginis in ianua prostantis, diuinitus de cruce auulsum, grauem pertinaci colaphum incussit, ex quo iuuenis diuinam voluntatem intelligens, ne instam nuper vitam relinqueret, in monasterio non tantum perman-
fit, sed & sanctè vixit. Hæc ille. Ita ergo Raynerius noster non solum per Dei matrem fuit in veritate instructus, atque in religione confirmatus; sed ne casta eius indoles periret, perpetuo reginæ cælorum patrocínio, vitam sanctè peregit, & consummatus in breui, ad potiora cœlestis patrię gaudia transiuit.*

H

CAPVT





B. M. IOANNES STERLINVS VALLENCÉ

M. F. S.

CAPVT DECIMVM OCTAVVM.

De B. IOANNE STERLINO
Valleceenensi.

ALLENCENAS amœnam Galliæ Belgicę urbem eodem quo Brugas anno, aduenere Dominicani, & pari sanctitatis merito ac exemplo eximium religionis specimen ediderunt, nihil omittentes eorum quę hominem beatũ & Christo coniunctissimum faciunt. Hinc non pauci ex eo pietatis sacrario, in cœlis, cũ eo quem crucifixum hic amarunt & prædicarunt, delitiantur.

Solius Ioannis Sterlini memoria ad nos perdurauit, de quo scripserunt Gerardus Leinouicensis libro quem vitas fratrum inscripsit. Leander lib. 5. fol. 193. Taegius prima parte suę historiæ. Seraphinus Razius lib. de Sanctis ord. Præd. Michael Pius de Viris illustribus eiusdem ord. parte prima, lib. primo, fol. 114. Porro quę de eo narrantur, ipsius Leandri verbis hic subijcio.

Nec omittendum puto Ioannis Sterlini in cœnobio Vallencenensi obitum. Is igitur nobili stemmate ortus, agrotus corpore, mente verò validus, tolerantissimus in agrotatione graui, meditatione altus,


corde lenis, egregius concionator, cuidam amico suo semotis arbitris affirmavit, se per quietem vidisse in domum quandam intromissum, & ibi cum ingenti ac nobilissima societate & gratissima gauisum, & audisse tale eloquiū dulci ac consona harmonia decantari. Iste est qui vitā mundi contēpsit, & peruenit ad cēlestia regna; exorauit altissimū & inuētus est in numero sāctorū. Paucis deinde post diebus (id enim ei accidit grauissimo & supremo morbo laborāti) *sancto fine* quieuit circa annū Domini millesimū ducentessimū quinquagesimū nonū. Conuersus quiaā in eodem cœnobio graui morbo ac ingenti dolore laborans (porrò in partibus obscanis percussus erat graui ulcere) & à medicis desperatus, accessit ad tumultum viri Dei fiducia plenus, & ibi Dei clementia inuocata, & confidens in meritis viri sancti, sospitatem max consequutus est. Hęc Leander.

Eodem vero quo vir Dei obiit anno, Generalia totius ordinis Comitia Vallence-
nis celebrata sunt, in quibus iussu B. Humberti diligens habita fuit ratio eorum quæ de Ioannis Sterlini sanctitate, communi tūc applausu ferebantur. Porrò veteris in eo cœnobio sacelli parietes tantum nunc extant; in quo, maiorum continua traditione accepimus, sancti alicuius Patris ossa sepulta esse; eius tamen nomen non proditur, & sepulchri locus planè ignoratur. quo factum est, vt hætenus non magna fuerit nostrorum
cura

DE QVATVOR PP. ANTVERP. 117
cura, sacra illa ossa, siquę sunt, peruestigandi;
cum etiam si reperirentur aliqua, incertum
foret, alteriúsne ibi sepulti, an Ioannis Ster-
lini essent.

CAPVT DECIMVMNONVM.

*De Venerabili P. ANTONINO TIM-
MERMANNNO martyre Antuerp. &
alijs tribus eiusdem Monasterij pijs
Patribus.*

 DOMINICANOS anno salutis mil-
lesimo ducentesimo quadragesi-
mo septimo, Argētorato Antuer-
piā euocatos suprà narrauimus;
sed, proh dolor! nulla antiquę
sanctitatis testimonia nostro hoc infœlici
æuo supersunt quę proferamus; cùm tamen
certum sit primos illos Patres, maximam,
eam in urbem, religionis & sanctioris vitę
gloriam inuexisse, & insigni virtutum cumu-
lo deinceps auxisse. Quare primorum illo-
rum Patrum merita, eorumq; qui proximę
sequuti sunt priscam religionem, silentio
tantum veneramur: quorūdam tamen etiam
nomina resque præclarę gestas iucunda gra-
tissimaq; memoria repetimus, qui sub finem
H 3 supe.

superioris sæculi, inter medios turbarū ciuiliū æstus, & insanas hæresū procellas, in paucis vexati, & testimonio fidei probati, fortes facti sunt in bello, & cōstantis religionis præmiū nunc consequuti, de infirmitate carnis conualuerunt in gloriam sempiternam.

Præiuit in hoc fidei agone, & sanguine pro Christo fuso nominis sui laudem æternis Belgij fastis inscripsit Pater Antoninus Timmermannus. Is Dunkerchæ maritimo Flādriæ oppido natus anno millesimo quingentesimo quadragesimo septimo, parentes fortunæ mediocris, probos tamen & longè honestos, habuit; quibus magna fuit proles rectè educandi sollicitudo. Adolescēs humanioribus litteris excultus, melioris vitæ desiderio ardens, Antuerpiæ in B. Dominici sodalitatem nomen dedit annos natus viginti vnum; in qua eos fecit progressus, vt prædicandi munere cū laude perfunctus sit, utpote vir planè pius, eruditus, & Flandrici, Gallici, atque Hispanici idiomatis equè peritus. Hæreses quæ id tēporis feruebant, acriter & magno atque assiduo concionandi studio est infectatus. Cumq; bellorū errorumq; incendio arderet Antuerpia, Deo vt & Principi misera seductione rebellis; nostriq; exilio damnati, superiorē Germaniā variāq; Belgij loca peragrarent: ille piorū quos à fide non dimouerat tēporis iniuria, salutē quærens, singulari zelo
& in-

& industria Antuerpiæ hæsit, vbi Catholicorū domos prout ferebat occasio diligenter circuibat, omnēq; nauabat operā vt qui in illatū Babylone fideles supererant, in plenisororū vorticibus naufragium non facerēt, sed in salutis portū seruarentur. Quod dū sedulò exequitur, indiesq; plures ac plures Catholici ei in notitiā veniunt; eorū catalogum conscribit, plateas domosque in schedula notat, quò facilius securiusq; singulos adire & ad fidei constantiam hortari posset. Inter hos ab eo conscribitur Ioannes quidam Tauregny, qui postea priuato quo æstuabat zelo, Guilielmū Nassouiū Auraicæ & perduellū principem adortus est, eiq; necē inferre conatus. Interim, vt sunt astuti & suspicionum pleni, filij tenebrarum, Ioannē P. Antonino cognitum, eiq; confessum fuisse; proinde Principis mortē, nisi cōmunicato prius cū Antonino consilio non attentasse, in vulgus sparserunt Calvinistæ, & ad Principē pertulerunt. Quidā Antonino schedā illā excidisse ferūt, sicq; cognitū Ioannē istū esse ex P. Antonino notis. Porro ad huius prætēsi criminis obiectiōnē cōprehenditur, & in vincula cōiectus rogatur cuius fidei esset. Respōdit se prout notū erat Catholicū esse, & Dominicanū quidem ac sacerdotē. Rursusq;, an Ioannis Tauregny notitiā haberet, eiusq; cōfessionē excepisset: quod promptè affirmauit. Instāt Calvinistæ,

num in confessione consilium occidendi Principis aperuisset, aut quid dixisset. Ille se nihil eorum quæ ex cuiusquam confessione nosset, reuelare posse constanter respondit. Quod responsum impia illa dæmonis mancipia pro suo more irridere cœperunt; & post infamia atque horrenda in religionem conuitia, se omninò velle scire quid Ioannes in confessione dixisset, aiūt: equuleos alioquin mortemque minantur. Antoninus verò per Christi gratiam, fidei & propositi tenax, mortem se tanto piaculo anteferre retulit. Quocirca rabiem acuunt illi, & tormentis constantiam sanctæque religionis cultum expugnare conantur. Antoninum pollicibus fune constrictis in altum suspendunt, maximisque ponderibus utrique pedi alligatis toto corpore distendunt, fustibus cædūt; eoque in cruciatu diu versari patientur. Is verò Dei opem ardentè implorans, frequentius illud Davidis orabat, *Custodi Domine labia mea, ut non delinquam in lingua mea*: & aspirante Martyrum fortitudine Christo, vicit equuleos, & quam minabatur mortem, cum desiderio expectauit. Hæretici furijs acti, verumque (vt aiebant) crimen superstitionis videlicet Papisticæ, & conspirationis in Nassouij exitum, insigni supplicio vindicare decernunt. Ergo fame languidus, carceris situs squalidus, tormentorum acribitate fractus,

fractus, solo animo ac fide integer, vultuque hilaris Antoninus, in publicum forum pertrahitur, pleno theatro fidem Catholicam profitetur, eiusque causa se libentissime mortē obire pronunciat, sicque semper sibi præsentissimus, & cælesti auxilio confirmatus, parata tormenta constanter subiit, atque fune primum strangulatus, dein in quatuor partes ferro sectus, Deo se hostiam exhibuit, Angelis lætitiā peperit, Catholicis lachrymas excussit, hæreticis & admirationi fuit & terrori: nunc verò æterna fruitur vitæ melioris felicitate. Obijt anno salutis millesimo quingentesimo octogesimo secundo, ætatis verò trigesimo sexto. Vidi ego manibusque attrectavi, & nunc quoque ab omnibus conspici potest in clauistro cœnobij Antuerpiensis sacrum Venerabilis Antonini caput, diu quidem alto stipiti ad infamiam ab hæreticis infixum; sed cui nec circumuolitantes corui oculos eruerint, nec solis ardor, pluiæ, venti, grandines, vllave cæli inclementia pellem detraxerit, nec vermes cerebrum exederint; sed quod, carne, pelle, cerebro, oculisque exsiccatis dumtaxat sæpius circumdederit nocturna lux, insederintque innocentia testes columbæ, vt mihi qui viderunt plures testati sunt.

Alterum eiusdem monasterij virum in has tabulas referre lubet, qui quanquam mortem

tem pro Christo non oppetierit, præclara tamen fidei confessione & vitæ integritate insignem nominis sui laudem promeruit. Fuit is Pater Baltazar Dresselius qui cum singulari morum honestate animique modestia præditus esset, incredibili tamen fidei zelo accensus (pro cuius gloria, sacro inquisitionis in hæreses officio fungebatur) adeò omnem errorum pestem derestatus est atque infectatus, vt inter continua concionum exercitia, hæreticos maximeque Anabaptistas, sacris argumentis, eruditisque declamationibus publicè atque acerrimè nunquam non perstrinxerit. Quo factum est, vt illum vicissim implacabili odio ac rabie persequerentur hæretici: Quocirca nullum non mouerunt lapidem, quo eum è vita tollerent. Laudabilis est Dominicanis Antuerpiensibus infirmos quoscumque, quocumque tempore euocatur, nocte etiam intempesta, visitandi consolandi que consuetudo; ex qua, maxima Reipublicæ, eorumque imprimis qui morbo sunt afflicti vtilitas prouenit. Ex hac verò post excogitatas mille nocendi artes, exequendi sceleris occasionem capiunt Anabaptistæ; quare insigni fraude Patrem Baltazarem noctu è monasterio euocant, rogantque animam agenti cuidam adesse, & suprema benedictione migrantem spiritum munire, ac solari velit.

Pro-

Proficiscitur ille doli nescius, pietatis verò plenus; nefario proditori comitem se iungit, domum intrat, in qua nullus erat æger Christiani solatij cupidus, sed ex Anabaptistica sentina rabulæ triginta rogam quem instruxerant cingentes. Hi bene obferatis foribus hostem suum Baltazarem conuitijs probrisque lacerant; paratam tot aduersus eos concionum vindicem flammam demonstrant; vestes detrahunt, atque efferata barbarie multis probris contumelijsque vicinæ morti præludunt.

Porro Catholici quidam, Deo id agente, Baltazarem festino gradu properantē, quamquam nox obscurior esset, conspexerant; atque illius quidem lateri hæretem vnum qui pertinax esset impiorum dogmatum assertor: fraudem nequitiamque illico suspicati, quoniam à perduto illo duceretur pius Pater, obseruāt, domumq; eos ingredi vident, cuius inquilini, improbi erāt hæretici, & ad quoduis scelus perpetrandū faciles. Doli & occulte fraudis suspicionē validè cōcipiūt, & quid factō opus, alijs etiā accitis consilium ineūt, capiuntq; rei sanæ quæ gerebatur oportunū. Etenim fores pulsan; quibus apertis edes audacter intrāt, & neci proximū vestibulq; iam nudatum Patrem ex scelestorum manibus vi abripiunt atque ad cœnobium reducunt.

Non permisit quidem Deus qui cūcta in-

scruta-

scrutabili prouidentia moderatur, Baltazarem nostrum inter illorum carnificum rabiem, quam optabat martyrij palmam consequi; probauit nihilominus cum tanquam aurum in fornace, constantiamq; ei, sua benignitate largitus est, qua tunc cælesti auxilio confirmatus paratum incendium non extimuit, & deinceps exilio damnatus, variaque passus, aduersa quæq; pro Dei gloria forti animo tolerauit. Tandem Antuerpiam reuersus, singulari virtutis exemplo & pietatis opinione vitæ reliquum exegit, præduro frequentius ad nudum cilicio cinctus, atque alijs modis carnem edomans: sicq; ærumnosam hanc vitam cum beata (vt creditur) commutauit, anno 1588. relicto apud omnes maximo sui desiderio, & præclara de sua sanctimonia existimatione.

His addere licet P. Henricum Puteanum & Petrum Ruxiū, viros religione cōspicuos, & hereticorum furorem pro Christi honore, eiusque fidei professione, expertos. Henricus quidem morum innocentia clarus, singulari fuit erga beatissimam Dei genitricē pietate, cuius honorem, sanctissimiq; Rosarij gloriā assiduo studio atque indefesso labore mirificè propagauit.

Cum verò eiusdem Deiparæ meritis, & cælesti prorsus Rosarij virtute, vberes passim fructus salutis in animis fideiū produceret,

res ei memorabilis accidit anno 1578. Etenim mulier quædam eum accessit solatium auxiliumq; supremo periculo ac rebus pene desperatis petitura. Ea (quid causæ, non liquet) cacodæmoni se deuouerat, & in fidem infandi atque horrædi criminis syngraphum dederat: quæ res cum plerosque alios viros pios & eruditos quos illa consuluerat, deteruisset; Pater Henricus insigni in Dei misericordiam confidentia præditus, & singulari beatæ Virginis patrocinio subnixus, mæstam mulierem, grauissimeque animo afflictam, & iam Dei dono, admissi sceleris seriò pœnitentem, salutaribus monitis in spem cælestis auxilij crexit; opportunumque tanto malo remedium, vt scilicet in sanctissimi Rosarij sodalitatem nomen daret; sicq; non iam dæmonis, sed Deiparæ cliens conscriberetur, suggessit ac persuasit. arripuit illa consilium, & maleactam eatenus vitam, atque imprimis infame illud & funestum anathema magno odio detestata, frequentibus suspirijs, calentibusque lachrymis, Dei misericordiam, Virginisq; matris opẽ implorauit, & melioribus votis sacra peccatorum exomologesi ritè peracta, synaxim salutis accepit: tandẽque precibus ardentem incumbens, sub finem missæ quam præfatus P. Henricus faciebat, publicum reconciliationis diuinæ testimonium promeruit: quam enim dæmoni schedam

dam prius in fidem æterni sui exitij dederat; ea, ex aere delapsa est, & coacto hoste restituta.

Grande istud miraculum Deiparæ meritis sanè tribuendum est; Patris tamen Henrici ministerio illa vti dignata est, qui Sodalitytis Rosarij Parthenici Præfectum tunc agebat. Postea verò ab hæreticis proscriptus; & iuxta Aquisgranum captus, atque in Castro quodam aliquamdiu detentus, virgis ac vepribus dirè pro Christo cæsus fuit. Obijt Antuerpiæ Ecclesiasticis Sacramentis deuotissime susceptis anno 1594. mense Octobr.

Biennio post sæliciter etiam obdormiuit in Domino, Pater Petrus Ruxius, qui cum magno pietatis exemplo quo cæteris præluxit, plures annos in ordine exegisset, iniuncta sibi munia, præsertim concionandi, diligenter ac cum laude obiuisset; præclarum quoque multa ab hæreticis passus insignis tolerantia meriti adiunxit. Is cum ad pagum agri Hulstani, vulgò *Hensdijck*; prædicandi gratia se contulisset, hæreticis cuncta vastantibus, atque in eum pagum irrupentibus, ad Ecclesiæ turrim cum incolis, quo barbariem hostium fidei declinaret, confugit. Porro illam ipsam turrim incenderunt Calvinistæ, & serpente flamma, Petrus ambustus & dumtaxat seminiuus

miuius præda fit ac Bommeliæ abducitur, vbi squalido in carcere tredecim mensium moras traxit : tandemque redimijs expeditis Trudonopolim delatus; ibi, post afflictissimam toto quinquennio valetudinem, & continua ab igne illo, à carceris illius prædore, tormenta; quibus patienter ferendis ipsis quoque fidei perduellibus admirationi fuit : diem clausit extremum.

CAPUT





B. M. IOANNES
Harlem.

B. M. ANDREAS
Harlem.

CAPVT VIGESIMVM.

*De beata memoria IOANNE, ANDRÆA, &
NICOLAO Harlembusis.*

BATAVIA siue Hollandia insignis Belgij portio, toto est orbe notissima; atque olim quidem principum pietate & multorum Sanctorum (quos commemorat Molanus in Natal. SS. Belgij) gloriâ illustris, nunc verò (quâdiu Deus iratus castigat) omnium hæresum sentina; quæ nullam pene quantumvis impiam religionis formam, respuit; vt sola Christi fides, vetera Apostolorum documenta, ipsa prisca auorum Religio, procul exulent. Paucula quidem olim ord. Præd. cœnobia habuit; fuerunt tamen illa præclara virtutis sacra, in quibus plures floruerunt viri vitæ sanctimoniâ eximij, sed quorum monumenta vnâ cum fide, infelici naufragio perierunt; monasterijs plane dirutis aut certe profanatis; vt iam sint exedrae impietatis, quæ quondam fuerant Gymnasia veritatis & virtutis. Ita scilicet desæuijt malum, & noxium virus cuncta infecit. Inter funesta tamen illa hæresum incendia, titiones aliquos antiquæ sanctitatis Dominicanorum super-

130 DE BB. IOAN. ANDR. ET NIC. HARL.
stites esse voluit Deus; & viuere etiamnum
quorundam nomina ac merita, quæ hoc ca-
pite ex veteribus memorijs referimus.

Floruerunt igitur in Hollandia, eiusque
Harlemo, amæno sanè opido, tres viri, quorū
meminerūt Michaël Pius lib. 1. de viris illust.
ord. Præd. p. 111. & Leander Albertus, duorū
quidem, lib. 5. pag. 254. tertij vero, lib. 6. pag.
262. Quæ is author de singulis scribit, eius
verbis, dabimus. Primus quidem est Ioan-
nes quidam cognomento Vitnoth, quem
Theutonicum dicit; sed tamen in cœnobio
Harlemensi diu vixisse, & post diuturnos
cruciatu à morbo valde infesto, admirabili
patientia (dicā) & lætitia toleratos, probatū
Deo spiritum reddidisse: sic ergo habet; *Ioan-
nes Vitnoth vir magnæ patientiæ magnæque in ad-
uersis constantia, his temporibus in Harlemensi cœ-
nobio floruit. Hic igitur diuturnâ & valida ulcerum
agritudine iēctus, cū Augustino Beatissimo ad Domi-
nū exclamabat: Domine, hic ure, hic seca, ne in ater-
nū pereā. Domine, lapidē hūc tū sionibus bene dispo-
ne, ut in celesti adificio decentius sublimiusq; possit coap-
tari. Quippe infesto Nat. B. Mariæ sēper Virg. ma-
gnā cū sāctitate ad Dominū migravit, circa an. 1475.*

Secundus est Pater Andræas Noorth,
Ioanni contemporaneus, ut qui biennio
tantum illum fœlici transitu ad cœlos se-
quutus sit; quem Leander magna animi ala-
critate, & ob bene ac religiosè actam vitam
securitate,

securitate, mortē expectasse imo & exoptasse; prodit in hunc modum.

Andreas Noorich, in cœnobio Harlemēsi Hollādiæ, vir bonus & deuotus, vita functus est anno Domini 1477. Hic sedulo beatissimam virginem rogabat cum lachrymis, ut eum ex hac luce decedere minimè permitteret, nisi in festo eiusdē. Igitur ingenti captus agritudine asseruit fratribus, se in festo Assumptionis B. Mariæ ex vitâ ista libili egressurum. Interrogantibus vero fratribus, quam libenter vita desungeretur, respondit: Hanc, fratres, horam semper gaudens animoque letò exoptauī, ac præstolatus sum; & ut in eâ me rectè haberem, mundi percalcaui illecebras, & hanc sanctæ conuersationis togā indui. Cur igitur æquanimiter mortem non ferre debeam? His dictis paulo post obdormiuit in Domino.

Ea sanè sunt eximia duo exemplā, quæ nos imitari necesse est; Insignis patientiæ vnum; Alterū summæ post bene actam vitā securitatis, & in Dei misericordiā cōfidētiae. Beatus Gregorius ōni virtutū genere maxim⁹, morbis attritus atque exhaustus, vitam alterā, illā scilicet miseriarū expertē, trāquillitatis verò plenissimā, vehementer expetebat; quod sub mortē, ad Rusticanā patriciā scribēs, his verbis testatur. *Me (inquit) amaritudo animi, & assidua exacerbatio atque podagra molestia afficit, ut corpus meū, tāquā in sepulchro, siccātū sit: Vnde peto ut pro me oretis, quaten⁹ de hoc carcere citius educar. Ita Ioannes noster interdū morbo oppressus*

132 DE BB. IOAN. ANDR. ET NIC. HARL.
calamitosæ huius vitæ finem exoptabat, &
ad cælestem ac beatam, toto cordis affectu
æstuabat: interdum verò, inter alta suspiria,
dolores suos augeri, & ad eos constante ani-
mo perferendos vberiore gratiam sibi do-
nari precabatur. Sic superiore sæculo Beatif-
simus Pōtifex ac Dominicani ordinis lumē
clarissimum Pius quintus, morti vicinus fre-
quenter illud ore & affectu repetebat. *Dom-
ine adauge dolores, sed auge etiam patientiam.* Porro
quemadmodum Sanctus Ambrosius mori-
turus, confidenter dixit. *Non sic vixi, ut pudeat
me inter vos viuere, sed nec mori timeo, quia bonū
Dominum habemus:* & Sanctus Hilarion teste
Hieronymo, *Egredere quid times anima mea?
quid dubitas? septuaginta propè annis seruiuisti Chri-
sto, & mortē times?* Ita profecto Andreas noster,
bonum dominum atque æquū remune-
ratorem habere se dixit; & illi toto corde
seruiuisse, cætera omnia despexisse, illum v-
num se dilexisse: proinde nihil esse cur mor-
tem timeret: sed potius ingentem sibi esse
lætitiā quod moriens Deo suo esset æter-
nū perfruiturus.

TEX



B. M. NICOLAUS CONVERSVS HARLEMI

Tertius ex eodem cœnobio, est Frater Nicolaus, vulgo Hollandus, quem aliqui cōuersum seu fratrem laicum; alij tertiariū tātū fuisse scribunt. Quicquid verò sit, certum est Dominicanū fuisse & Harlemi magna cū sāctitatis existimatione floruisse. Ita siquidem charitatem, humilitatē, obediētiā ceterasque virtutes coluit, vt omnes in sui admirationē raperet. Cōtinuo operi, cui, pro suo officio ac superiorū iussu incūbebat, eū semper scopū pręfixit, vt singula ad Dei gloriam cāderēt, & fratrū quibus famulabatur, vtilitatē. Superioribus, vti Christo imperanti, sūmo cū gaudio obtemperabat; Patribus, vt Sāctis & Angelis ministrabat. Orationi deditissim⁹ fuit; cui vix vacabat quin copiā lachrymarū profūderet: adeo scilicet cālestiū rerū contēplatione recreabatur, & sūma illi voluptas erat, Deū quē super omnia diligebat, cogitare, admirari ac laudare. Euāgelicā simplicitatē, & quē Christus Apostolis cōmēdauit animi candorē habere ōnimodē studuit, & Deo propitio obtinuit. Plures, illi⁹ (vtpote à miraculo quod hic subnectitur celeberrimi) meminerūt. Leāder lib. 6. de viris illustribus pag. vlt. cum beatum vocat, & hæc de illo scribit. *Beatus Nicola⁹ Hollandinus cœnobij Harlemensis, vir deuotus, & cum vacaret (scilicet à Domesticis & inferioribus occupationibus) meditationi atque lachrymis deditus; mira præfussit obedientia; vs & stupe-*

omnes, atque in exemplum sibi proponerent. Vnum
silere nec volo nec possum, quo eius ingens obedi-
entia ostenditur. Sanè aliquando contigit ad pralibatū
cænobium hospites diuertere, viros moribus probatos
& scientia claros, quos cænobij præfectus abunde ac
laute suscipere cupiens, iussit Nicolaum ad piscinam
accedere (forte in ædium ambitu piscinā habebant),
& pisces afferre paratos & cōcinnatos. Qui dū sedu-
lo pisces diuperquirit nedū quempiāprehendit, verū
nec inuenit. Reuersus deinde præfecto rem defert. At
præfectus viri sanctitatē non ignorās, ubi (inquit) est,
Nicolae, illa tua solita obedientia, ubi charitas erga
hospites? Quantocius itaque reuerrere, & positis ve-
stimentis ingredi aquas, & sic alloquere pisces: Cæ-
nobij præfectus huc iterum me misit, vobis mandans
quatenus ex vestris exeatis caernis, vosquem mi-
hi prahendendos exhibeatis, quoniam vobis opus est
pro hospitibus. Is vero dictum patris audiens, volens
diligenter iussa complere, nihil cunctatus aquas
ingreditur, & quanta valebat voce inclama-
re cœpit: Vobis pisces præfectus meus iubet quot-
quot adestis, ut continuò ad me veniatis. mira-
res; vix verbis modum statuerat, & ecce Lucius
magnus qualis aut quantus nunquam illo in loco
visus est, mox sancto viro sese capiendum præbuit.
Quo viso, vir Dei gaudio ingenti oppletus, illum
capit, & pro voto præfecti, hospitibus parauit. Porro
non minus hospites ut rescierunt tantā rem, ex prō-
pta obedientia & miraculo, quam ex cibo gaudiū &
latitiam sumpsere.

Fœlix nunc profecto ac beatus Nicolaus: de quo post quotidianos sudores in domesticis fratrum obsequijs, & longam in monastica obedientia exercitationem, fidenter dicere possumus, quæ olim de fratre conuerso diligentissime operante, S. Bernardus; & de obediante apud Climacum Achatius, pronunciarunt. Refert siquidem Thomas Cantip. lib. 2. apum cap. 4. p. 2. Beatissimum Bernardum, cum fratrem quemdam conuersum in messe cum monachis ultra vires laborantē conspexisset; Deo intus agēte, corā omnibus præfato fratri dixisse; *Eia F. Age quod agis, nullum aliud post hanc vitam purgatorium sustinebis.* Prodit etiam Climachus gradu quarto de obedientiâ; Achatium in obedientia mirè exercitatum, cum post mortem è sepulchro à sene quodam euocaretur, rogareturque an mortuus esset, respondisse. *Obediens mori nequit.* Viuit Deo Nicolaus, & in hominum recordatione mori nequit. Sudores vitæ huius, Deus illi in alterâ deterfit; quæque hic passus est laborando, ab æquissimo iudice, in pœnæ (si qua luenda erat) solutionem, cessarunt.

CAPVT

CAPVT VIGESIMVM PRIMVM.

De Venerabili Patre CORNELIO PETRO Zirixæo ab Hereticis trucidato.



Nitio barbararum belgicarum cum hæretici sacra omnia impio in Catholicam religionem odio profanarent, & barbaro furore in clerum ac Religiosos desæuissent; Pater Cornelius Petri Goufani, ex Zirixæo conuentu, cuius alumnus erat, in Zurbeuelandiam Insulam concionandi gratiâ à superiore missus; dum extra Zirixææ muros nauem expectat, à duobus hæreticis comprehenditur, & fune ad lumbos constrictus in mare detruditur, ibi demergitur, huc atque illuc pertrahitur, & sub quandam adiacentem littori nauem, eiusque modo vnum, modo alterum latus, cõtis propellitur, sicque truces illi mortem ei intulissent, nisi barbariem hanc conspicati ex alterâ naue aduenientes Catholici, minis terrorem incussissent. diu ergo sic agitatum patrem, ad littus, aliorum minis coacti retrahunt, & nondum exsaturato odio pedibus proculcant, ac tandem fugam inuiti

inc-

238 DE B. CORNELIO PETRO ZIRIXÆO.
 incunt, planè luxato & iam tantum semiui-
 uo Cornelio. Quem aduenientes Catholici
 nautæ, storeæ vimineæ impositum, pro sua
 humanitate ad cœnobium referri curarunt.
 Is verò toto corpore fractus, mensem circi-
 ter quo superstes fuit, semper sanguinem in
 copia expuens, & graues dolores constanter
 tolerans, susceptis cùm deuotione Ecclesiæ
 sacramentis, creatori suo animam reddidit
 anno 1566.

CAPVT .





B.M. MARGARETA IPRENSIS. 1700

M. barf.

CAPVT VIGESIMVM SECVNDVM.

De B. MARGARETA Iprensi.

PAuca hoc loco praefari necesse est. Etenim Margaretam ipsam virginem sanctissimam, cuius vitam damus, liquet nullius religiosi instituti seu ordinis regulam solemniter fuisse professam; & quidem ordinis Dominicani cœnobium virginale, Ipris, ubi illa totius vitæ cursum continuò peregit, nullum vnquam exitit.

Verum cùm à primis initijs illius ordinis piæ ac deuotæ mulieres cuiusuis ætatis, sanctissima eius instituta, quatenus extra cœnobia poterant in ædibus priuatis; admirabili virtute & sanctimonia obseruauerint, à carni-um esu abstinuerint, continua (instar Prædicatorum) ieiunia ab Autumnali festo Sanctæ Crucis, quò eius exaltatio recolitur, ad Pascha vsque, accuratè custodierint, denique ad cætera pietatis exercitamenta Dominicanis peculiaria, voto etiã sese obstrinxerint, atque ad eorum amussim vitam instituerint: existimamus Margaretam præfati ordinis tertiam (vt aiunt) regulam completam fuisse: siue (quod idem est) ex earum numero

mèro fuisse quas Hispani *Beatas* appellât, nos tertiarias: quales fuerunt omni ætate plures patris miraculis clarissimæ.

Porro in eam sententiam adducimus, quod Margareta à sæculi luxu ad virtutis amorem ministerio Venerabilis Patris Zegheri Dominicani adducta fuerit, quod voluntariam paupertatem coluerit, ut patet ex §. 10. vitæ illius, quod carnibus abstinerit, §. 16. horas quotidie persoluerit §. 20. communes cum Zeghero superiores habuerit. §. 25. Quibus de causis nobiscum sentiunt viri quidam eruditi, quorum vnus est D. Auberus Miræus Cathedralis Ecclesiæ Antuerpiensis Canonicus, & serenissimis Belgarum principibus ab Oratorio, à quo apographum vitæ B. Margarete habuimus.

Sanctissimam ergo virginem hanc Ipresem, nostris meritissime adscribimus, & quam incertum sit an palam Dominicanorum vestem detulerit, quod ei fuit liberum, & plures nunc sint etiam in Belgio sorores terciariæ, quæ sic illam non deferunt: nihilominus eius imaginem cum Dominicano habitu hic reponi curauimus, ut cum reliquis ipsa etiam veste conueniat, quæ vitæ institutione, illis simillima fuit.

Nunc quis fuerit gestorum B. Margarete descriptor obiter dicendum est. Putamus enim fuisse Thomam Cantipratanum: idemque

que scripsit in eius vita vir eximius Georgius Coluenerius S. Th. in hac Duacensi Academia publicus Professor, & Collegiatæ Ecclesiæ S. Petri Præpositus Amplissimus, vniuersitatis Cancellarius: cuius hæc sunt verba. *Exiat insuper in prædicto codice Frudonensi, & Domini Mirai, vita Beatae Margaretae Iprensis; quæ, ut ex stylo & varijs circumstantijs datur colligere, à nostro etiam Cantipratano scripta est.* Fuit quidem à suo authore vita Margarete varijs capitibus distincta; nos quatenus illam huic nostræ opellæ inseruimus, commodius per paragraphos distinximus, ut confusio in citandis capitibus, in quæ etiam libellum hunc secuiumus, vitetur.

Postremò aduertendum est, exemplar vite B. Margarete quod nos nacti sumus, & lectu difficile esse, & quod nobis magnas molestias peperit, incorrectissimum. Plærumque enim in eo verba, sententias integras, imo & Capitulorum titulos desiderauimus; interdum eorum etiam ordo immutatus erat: frequens insuper verborum transpositio genuinum sensum planè obscurabat. Quæ omnia, scriptoris cuius authographum Antuerpia acceperamus, incuriâ, euenisse putauimus: Donec in hac animi anxietate, & obscuritate rerum, in qua nobis sæpissimè diuinandum erat, quænam esse posset germana lectio, & quo pacto à tot passim mendis

dis, quæ sanè tolerari non poterant, exemplar illud castigaremus; apographum aliud à præfato Domino Georgio Coluenerio obtinuimus. Et quidem ex eo nonnihil lucis accepimus, & nonnulla genuinæ lectioni restituimus: verum nec ille quoque codex, vndequaque correctus est, prout etiam prædictus vir eximius obseruauit, quàm fateatur illum cum exemplari Louaniensi ad S. Martinum collatum fuisse.

Quare miramur plurimum ac dolemus, vitam hanc vix integram & fideliter ex primo originali descriptam reperiri: siquidem plura exemplaria mutila sunt, aut certè incastigata ac mendosa. In Louaniensi quidem deest inter cætera Prologus. In Coluenerij & Miræi desideratur capitulum 37. in nostro deerat cap. 44. & titulus sequentis. Denique in omnibus plura alia sunt vel detructa vel obscura, vt vix speremus, post tantillum hunc laborem nostrum, omnia fore nativo stylo & sensui restituta. Porro nonnihil veteri stylo concedendum est, ne quædam putentur errore scriptorum accidisse, quæ reuera ab authore cõscripta sunt, cuiusmodi plura deprehendet lector.

INCI:

INCIPIT PROLOGVS AVCTO-

RIS IN VITAM B. MARGARE-
TÆ DE IPRIS.

AMICO & Fratri in Christo charis-
simo F. Sigero & actione, & ordine
Predicatori in Insula, Frater eiusdem
Ordinis cuius nomen ad presens non v-
tile nominari: Salutem & bene hoc quod sibi. Tua
fama Charissime frequenter excitatus, videre te à
multo ante tempore cupiebam. Vnde post Augustum à
Parisijs rediens Ipras me venire cōtigat, & videre, ut
spero nullatenus sine fructu. Recitante etiam te de illa
præclara opinionis iuuentula nomine Margareta,
miratus sum tantâ nouitate perculsus, & licet ipse
dicam, ad melius excitatus. Rogante ergo te vno ma-
ne citra otium dici duabus membranis paruulis, me-
morabilia vitæ illius te narrate suscepi. Sed heu quod
tātum oportuit me festinare, fratris qui mecum erat,
compulsus negotio, quem ante festum Omnium San-
ctorum oportebat in Daciā transfretare. Digres-
sus ergo à te, ubi eadem die ante Nonam fessi insu-
dabamus itineri, subito cælo omni ex parte contene-
brato, alluuiōem pluuiæ grauissimam timebamus,
& hoc eo magis quo remotiores ab oppido distaba-
mus. Tum ego adhuc ex recenti memoria habita re-
rum collationis de sponsa Christi incalescens dixi:
Frater rogemus Dominum ob merita illius de qua
tanta percepimus, ut nos ab imminente pluuiā tuea-
tur.

tur. Orauimus & exauditi sumus pro sua reuerentia. Credasque quòd in eo quo Christū testor, subito deplois nubibus reluxisse calum serenūq; diē redditum, & residuum viæ in magna iocūditate & gaudio peregrisse. Hæc fuerūt Primitiæ bonitatis Spōsa Christi, quas ego in me, quāquam indignus, expertus sum. In hoc verò quod tempus vacandi habeo, eius meritis prorsus ascribo, quia nunquam postquam Ordinem Predicatorum ingressus sum, ita cōtinuò vacare Deo, nec mihi potui, sicut ex quo huic operi manum Scripturus apposui.

Suscipe igitur opus, Charissime, quātum ad materiam multum eximium: Opus verò sicubi corrigendum est, ipse tu corrigas, vel si non vacat tibi, mihi corrigenda committas: quia potius decet ut meis inficiar sordibus, & sordēs proprias lauem, quam alium meis sordibus inquinari. Vade & sicut promisisti ora pro me. Saluta ex parte mea Fratrem Iacobum de Halle & alios ex Fratribus quoscūq; vis: maximè autem Matrem pia memoria Margareta & Sorores eius, receptoresq; Fratrum nostrorum, Matertera illius cum viro suo, quos omnes simul diuinæ misericordia commendo. **Explicit Prologus.**

INCIPIT VITA
S. MARGARETÆ
DE IPRIS.

§. I.

De villa in qua nata est.

IN Villa Flandriæ qua dicitur Ipris, fuit puella quadam nomine Margareta, honestis parentibus oriunda: hæc ab ineunte ætate & à cunabulis Christo Domino sic seruivit, ut Frater Ordinis Prædicatorum Segerus nomine (a quo omnia gesta eius suscepimus) de ea testimonium perhiberet, nunquam eam ad aliquod mortale peccatum animū relaxasse. Siquidem annorum quatuor in monasterio quodam posita, à monialibus educanda iam tū diuini Spiritus habitaculum habilitabatur ad Sæctimonie puritatem, & hoc euidentissimo quodam miraculo patenter apparuit.

§. II.

De eo quod quinquennis suscepit Corpus Christi.

NEcdum plenè ætatis annos quinque compluerat, & accidit quod Conuentus Dominici Corpori

Corporis sacramenta susciperet, & erat puella præsens, sensitque odorem mirificum. Aduertit ergo, quamuis Deum necdum cognouerat, diuina tamen interiori operante & exercete virtute, quod Iesus salus & saluans inesset altari. Nec mora currens ad Abbatissam Monasterij, orat, clamatq; cum lachrymis se cum alijs communicari. Obstupuit Abbatissa ultra quam credi potest instantiam Infantula, & hanc cū lachrymis quaerit, quid esset illud quod tam constanter exigeret. Cui illa: Scio, inquit, scio quod corpus Christi est; quod Presbyter conficit in altari, & iam Monialibus datur: hoc peto Charissima Domina, ne frauder obsecro, quo carere non possum. Quod ubi vidit cum ceteris Monialibus Abbatissa, fecit dari puella Corpus Domini. O verè beatus Deus & prorsus Omnipotens, qui vocas ea quæ non sunt tanquam quæ sunt, ut ea quæ sunt euacuares. Ita Pater, quoniam sic placitum fuit ante te, abscondisti ea à sapientibus, & reuelasti ea paruulis. Et vide quo fructu: Ex tunc, idest à quinque annis ter in anno Dominici Corporis Sacramenta sumebat. Ex tunc quoque omnia puerilia fastidiuit, & cepit amplecti Christum, & ei sacris actibus inhaerere.

§. III.

De Disciplinis eius & ieiunio in ætate septem annorum.

Praterea necdum Septennem ætatem attigerat, & manum suā misit ad fortia, punitionumque Christi sedulo recordata, urticas & aculeos folliculorum seminis lini in sinu suo ponebat ad carnem. Nouē quoque annorum facta, totam antè Pascha ieiunauit Quadragesimam: Sextas nihilominus ferias & noctes Annunciationis B. Mariae Virginis ieiunauit, ita ut bis in hebdomada in pane & aqua per totum anni circulum abstineret. Nulla illi vigilia alicuius Sancti, nullum Ecclesiae ieiunium pertransiuit. Omnia quae appetitum in hominibus excitare solent, comedere deuittauit, utpote sunt allia, piper & consimilia. Circa illud ætatis tempus nocte secretò surgebat, euigilansque pedissequa, super terrā inueniebat eam in oratione prostratam. Quis audiuit unquam, quis vidit talia? ante messem tota prorsus effloruit,

§. IV.

§. IV.

De eo quod Christo Crucifixo compassa flagellauit se spinis, & hoc in ætate Annorum decem.

Annorum postea 10. animaduertit in Ecclesiâ, Christum in figurâ Imaginis crucifixum, & dixit: O verè salutis nostræ I E S V, pro te nihil in repêdendâ vice hæcenus feci: & hoc dicens plorauit uberrimè, & statim sola syluâ intrauit, exutaq; vestibus ad nudum hulsio (id est taxo) spinisque sese usque ad sanguinis effusionem verberauit: nec hoc semel aut bis, sed sæpissimè in recordationem vulnerum Christi cum lachrymis faciebat. Quod cum aliquândo aduerterent nutritores, dixerunt. Quid teipsû affligis, cum sis puer & tenera? Respondit: Iam parata sum omne genus tormentorum pro Christo pati, si se tempus vel locus offerret.

§. V.

De eo quod in ætate annorum decem & octo mundo se implicans Iuuenem adamauit.

Proinde annorum undecim quasi legitime pueritiæ ætate decursa, cum tamen nunquam ante se cum ludentibus miscuisset, capit vehementi Spiritu Virtutû exercitijs inharere. Et hic feruor permâsit
K 3 usquo

usque ad aetatem decem & octo. habens etiam auunculum Presbyterum, hominem per omnia religiosum & pium, & cum eo a puero manens religiosissime vixit. Quo mortuo accidit illud, quod sequitur. Quoniam nemo unquam mortalium dicere potuit, excepto illo & matre eius, qui solus inter mortuos liber, mundus ego sum, & si sit infans unius dici: Nec istam liberam, et si sanctissimam, dixerim, qua inimici persecutis insidias, et si sine labe mortalis peccati, crudeli modo perpeffa est. Iuuenem enim quendam forma egregium incaute prospiciens, amore feruentissimo, sine fece tamen concupiscentie, per tempus adamauit: Et quidem sapius cum eo solascedens & loquens, nunquam vel voluntate saltem vel animo coinquinata est. Castitatis enim amator Christus super omnia placebat ei: & hunc amavit à iuventute sua, & quasiuit illum sponsum assumere, & amator facta est formae illius. Quod si de alio, vel etiam de Iuene illo, quem tantum dilexerat, exortus sermo fuisset, ut maritum sumeret; continuo praè horrore nimio febricitabat; & hoc frequenter còpertum est. Zelus enim illius, qui animarum humanarum aeternus amator est, eam occulta vocatione sponsauerat; nec permisit ut ab amatore alio praeiperetur: Erat autem eo tempore in superbissimo vestium apparatu. Nec mora retraxit pedem, quem in ingressu Mundi leui motu & non fixum posuerat.

§. VI.

De eo quod per Fratrem Segerum ad Statum Religiosum conuersa est.

Sub idem tempus Frater Segerus Ordinis Prædicatorum in Insulis, Ipras veniens, post Prædicationem confedit in Ecclesia, ut compuncti populi confessiones audiret: Qui dum forte Margaretam in habitu seculari inter multas fœminas coniectis oculis inspexisset, vidit quodammodo diuino instinctu eam, quam nunquam antea viderat, habilem ad Dei gratiam suscipiendam; & vas electionis, Christo reuelante futuram. Cumque vocasset eam, & ille admoneret iam cuncta secularia respuere; dixit illa sine vlla retractatione quod Saulus: Domine quid me vis facere? Nec mora, quantum distat calum à terra, tantum à pristinis immutata est: mundumque statim perfectè relinquens Christo tanto ardentius iuncta est, quanto se ab eo trepidabat remotius clongatam. Cumque post horam venisset ad matrem, & mater eam subito videret commutatam, dixit: Quidnam est Filia? Et si hodie Religiosam vitam aggredieris; cras ad sæculum reuerteris. Cui illa: Nihil ait, O Mater, valet hic sermo; cum alium utique sermonem acceperim, quem non dimittam. Ab illa die & deinceps semper etiam venerabatur plagam ad orientem positam, ad quam conuersa fœderat, quando gratiam admonentis accepit ubi orientem solem Iustitiæ ad perseverantem cognitionis affectum sibi sentiebat illapsam.

§. VII

De eo quod semel motum sentiens viriliter
se abruptit.

Circa proximum Conuersionis sue diem, obuiū habens iuuenem illum, quem tantum dilexerat, sensit leui motu animi affectum suum, ab illo nuper abstractum, sua menti quasi blandientem irrepere, & mox aduertens quæ animo reuoluisset, indignata sibi cursim ad Ecclesiam venit, & ante crucifixum in modum Crucis membris extensa cum lachrymis dixit: O Christe IESV, heri ad te conuersa sum; & rediens recidiuo? Non Domine, non; etiamsi corde dirumpar. Sed nunc Domine in confirmationem mei, & ad impetrandam misericordiam tuam gratiam; mentis & Corporis votum facio castitatis. Hoc facto vidit Deus perfectionem cordis in Virgine; & hoc magnum concessit ei in omni vita sua, qua vixit postea; ut nec primos motus tentationis in carne sentiret.

§. VIII.

De eo quod fecit Votum Castitatis & quomodo apparuit ei Christus cum tribus
Coronis.

Nec mora; facto voto, recordata est in immensa cordis latitia, quod iam esset sponsata Christo
& Mundi.

& Mundi nuptias euasisset, excessumque mentis passa, caput super psalterium quod habebat, reclinauit. Renersa igitur ad se, venit ad Fratrem Pradicatorem, qui eum de mundo, ut diximus, euocauerat: *Somniaui*, inquit, *si tamen somniū vocari debet, ignoro, quia nunquam vel in seculo posita in sermone aut Ecclesia dormitaui. illa hoc dicens necdum cognouerat Dominum, nec unquam ei fuerat reuelatus. Cui idem Spiritualis Pater eius, ridendo respondit. Quid, inquit, Filia somniasti. vidi ait, quasi in somnijs, euidentius tamen, vidi, inquam lucidissime Dominum meum Iesum Christum, cum tribus mihi aureis Coronis astare, & unam capiti meo imponens dixit; hanc tibi filia pro Voto Castitatis (quod mihi fecisti) confero; & reliquas duas sororibus tuis, Si tecum perseuerauerint promitto. Quo audito, ille Spiritualis Pater eius in Domino excitatis visceribus exultauit, animaduertens & videns, quod Deus sua gratia iuuenulam visitasset, & quod acceptus ei iam esset fructus, quem in nouella planta efficaci sermone rigauerat.*

§. IX.

De Constantia eius & qualiter sanatur
à Christo.

Circa idem tempus diabolo nequiter instigante, fama falsa & pestilēs euolauit, quod unaquaq; sororum suarū haberet puerū, quæ tamen pudicissimæ
erant

erant & prorsus omni honestate clarissima. Cumq̃ fama ista vexaret multos ex suis, Margareta quasi columna immobilis permanebat, conscia nimirum quod Dominus innocentes suos seruaret indemnes. Et sic factum est hoc. Quadam grauiissima infirmitate detenta, introductus Physicus respondit: Nisi maritum acciperet eam non posse curari. Cui illa respondit: Voluntas Domini de me fiat. Ego verò ex hac sponsata amplius sum Christo, & vide dignum miraculū: quoniam contra iudicium Physici, & contra naturam Deus mox curauit illam.

§. X.

De eo quod videbatur ei Christus
offensus.

Post hac Beata iuuenula & in alijs fructificare laborans, sorores primò suas ab aetibus secularibus reuocauit. Per idem tempus cyphum ligneum frangens, reficiendum illi iuueni, quem in saeculo dilexerat, misit, nihil sibi ex hoc mali simplex columba discutiens: Timebat enim offensam matris cypho fracto nihilque proprium habens, cum matri omnia reddidisset, hūc volebat occultius refici. Iuuenis ergo mandatum Virginis gratanter accipiens reparatum cyphū sine mora remisit. Nec mora: Cum Margareta in Ecclesia ad orationes consuetas venisset, pacem solitam cordis minimè reperit, sensitq̃ ex hoc Dominum suis meritis à se elongatum, statim
ergo

ergo ad Patrem suum Spiritualem cum maximis lachrymis veniens, conquesta est Christum se suis meritis perdidisse: tunc ille quæsiuit, si causam auersionis agnosceret. Nihil, inquit mihi conscia sum, nisi hæc forte causa sit, quod iuueni cyphum trās miserim reparandum: sed in hoc mihi etiam Christus offensus testis est, quod ex nullo affectu quem erga illum nunc habeam, vel habere velim, sed quia nullum circa me habui, qui hoc citius & secretius facere potuisset. Tūc ille: Hæc, inquit, causa est, quare à te Dominum senseris elongatum; quia etsi nullum damnum in te ex mutua senseris missione, iuuenis tamen ex hoc nactus occasionem, credit te suis affectibus inhere-re, & per hoc sollicitabitur ex condigno. Quod ubi verecunda Virgo percepit, supra modum erubuit, & silens dolensque supra factopœnitentiam egit, astutiam ergo serpentis addiscens, & similem casum ultra deuotans, nunquam postea dictum Iuuenem vel videre curauit.

§. XI.

Deco quod Beata Virgo Maria apparuit ei & dixit ei, peccata sua esse dimissa.

QUVM esset, ut diximus, innocentissima vita, tãquam si infinita mortalia perpetrasset, ita in lachrymis & afflictionibus permanebat, semper se reputans pessimam & sceleratissimam peccatricem. Accidit ergo ut tribus diebus & totidem noctibus,
continuè

continuè sua peccata desleret, & ecce illa adhuc in luctu & lachrymis decumbente, apparuit ei Beatissima Virgo Maria, & (ut ei in Spiritu videbatur) Venerabilis Domina manum posuit ad pectus eius, quaerens si hic esset locus doloris & mali, quo grauaretur. Respondit illa: Ita, inquit, Domina. Et B. Virgo: Quae ait, causa tanti languoris & luctus? Quia vos, inquit, & filium vestrum offendi in tot & tantis flagitijs peccatorum. Nec mora; B. Mater quasi compatiens similiter, appropinquauit, & manum traxit per totum cordis & Corporis locum; dicens haec propria verba, quae scribo: Sano te in anima & corpore; & scias tibi à filio meo omnia peccata tua esse dimissa? Vere haec Beata & planè dignissima, quam gloriosa Virgo Maria inuisere dignata est, & de omni dolore sanare languentem! Et vide quo fructu: Ex tunc ulterius non sensit aliquem ex penitentia quantumcumque laborem, sed semper facilis ad orandum, semper ad ieiunandum, semper praesto erat ad afflictiones corporis tolerandas. Antè verò patiebatur ex nimio labore defectum; sed hoc ei remediū in defectu. Ad quindenam semper Christi corporis Sacramenta sumebat; quibus ad hanc penitus cōualescens, sana surgebat. Ex hoc tamen postea consuetudinem tenuit, ut ad quindenam communicaret.

§. XII.

De gestu & dispositione eius forinseca, & quod facies virorum formidabat.

DE gestu tuo & compositione forinseca, ô bona puella quid dicam? & quidem quàm pulchri gressus tui in calciamentis, filia Principis Christi! In calceamentis, inquam; qua omnium Beatorum exemplo tuam habitudinē ordinabas. Oculi demissi erant, caput languidum, gressus fractior, lenis & moderatus incessus, Vultus eius tanta reuerentia fuit, ut celestis gratia, & maiestatis vestigium in eius facie reluceret. Vix erat aliquis ita peruersus & durus, quin viso eius vultu & habitu disciplina, commoueretur ad melius. Unde accidit quiddam quod recito. Erat quidam in remotioribus partibus Flandrie, qui audita fama Sanctitatis eius, eam videre decreuit: fuerat idem omnibus diebus vite sue homo tepidus & remissus in actu. Nec mora: ubi vidit vultum eius, & verba eius non intellecta audiuit, gratiam in ea aduertit magnificam, & corde compunctus ex facie meliorationem vite satis inopinata suscepit. nec potuit postea eius faciei memor esse, quin statim salutis caperet incrementum. Igitur Beata hac, virorum aspectum sustinere non valens, villam multoties pertransibat, ut virum vel feminam non videret. Erat puer masculus
in domo

in domo matris, annorum forè duodecim, qui scutellas lauare consueuerat. Hunc remoueri à domo, matri supplicauit, & hoc quia virilem sexum habebat: ita enim horrebat Spiritus eius virorum præsentiam, ut in conspectu alicuius quasi tota tremula pauitaret. Et hoc unde? utique à Sponso eius Zelatore IESU, qui olim per Isaiam Prophetam prædixerat: Coangustatum est enim stratum, ita ut alter decadat, & pallium breue utrumque operire non potest. Nulla leuitas in aspectu eius, nullum verbum in ore eius, nulla in gestu leuitas erat. Si quid de Deo audire contingeret: cooperta facie ad cælum oculos erigebat. Secundum Salomonem; Verba dura & aspera molli sermone frangebatur. Gestus ita simplex & celer erat, ut vix unquam videres eam quin eam crederes aliquid de celestibus cogitare. Hac eius dispositio forinsecus fuit.

§. XIII.

De silentio eius.

Secundum Isaiam, cultus Iustitiæ silentium. Quod ita in ea laudabile fuit, quod etiam multis claustralibus incomparabiliter præferatur: conquesta enim matre eius, Spirituali Patri ipsius, quod parum suis omnibus loqueretur; præcepit ei idem, quod spatium 7. Psalmorum, ad solatium sororum & Matris, quotidie post prandium

prandium loqueretur. Quæ, ut in omnibus obedientissima Patri, loquebatur quidem secundum quod ei fuerat constitutum, sed nulla prorsus alia quam de Deo. quod si aliqua coram illa de communibus, vel rumoribus, conferrentur; statim inclinata facie dormitabat. Si verò ultra horam constitutam sedere & loqui à Matre quandoque coacta fuisset; obediebat quidem matri sedendo, sed sine mora cadebat ad parietem inclinata, & statim facies eius & manus in pallorem terrenum mutabantur. Non erat aliquis ita dilectus ei, quin eius verbis, etiam modicis, gravaretur; excepto tamen solo Spirituali Patre eius, per quem salutem fuerat consecuta, ad cuius verba suspensa sedebat, & eius colloquia incorporabat sibi anima illius, velut corpus cibum quo vivit. Pro pace tamen hominum, ad interrogata brevisiter respondebat: Sed si modici spatij momentum excederet, cruciabatur acerrimè & præ dolore lachrymas retinere non poterat. Ex hoc etiam quandoque defectum Anima passa est. Magnam tamen gratiam habebat in verbis, sed maior ei meditationis, & contemplationis fructus coram omnipotente Domino videbatur.

§. XIV.

De eo quod seruabat pacem cum
proximis.

Proinde, secundum Apostolum, pacem cum omnibus obseruabat, nec de facili pati poterat ut verbis vel factis eius aliquis laderetur. Vnde etiam propter hanc grauissimam tribulationem cordis & corporis est perpeſſa. Et quidem cum anima illius verba dilecti Patris sui hianti corde ſitiret, nunquam tamen ei loqui volebat, quamdiu aliquis eſſet, qui expectaret eum, vel alias neceſſitatem aliquam allegaret; & hoc pro bono pacis cum proximo. O quam remoti ſunt à tanta perfectione cõcordia, qui ſemper querunt, quæ ſua ſunt, non quæ aliorum, ſed ſuam pacem reputant pacem eſſe communem! Et ſi eis quod voluerint ſuppetat, omnibus exiſtimant ſatiſfactum. Igitur cum B. iſta infirmitate quadam grauiter angeretur, & Pater ſuus Spiritualis coram ea ſederet, mandatusque à Venerabili & Deo digno Magiſtro Gouardo Cameraceniſi & piſcopo, nec non & Flandriæ Comitiffa, venire diſſimularet; illa reuerſis oculis eum reuerberans, inquit: Pater mi, non erit ſic Quæ enim ſum ego miſerrima, ut pro me ad modicum honoris Chriſti aliquid relinquatur? ſed perge citò quo vocaris à talibus, nec de me ſolliciteris in aliquo, ſed ſcito, cum redieris, me reperiſſes ſaniorẽ. O verè modèſta ouis Chriſti, patiens & diſcreta, quæ non quaſiuit quæ ſua ſunt

sunt, sed quæ IESU Christi! Verbum eius effectum consecutum est, & pater suus Spiritualis rediens eam inuenit alleuiatam. A matre quandoque correpta, cur semper vacaret orationi, & non cum suis sororibus laboraret; illa pro pace colum arripiens vel tale quid, ut laboraret, defectum animæ patiebatur. Quod ubi frequentius Mater vidit, dilectam, humilem Christi tribuit libertati, nec suscitauit eam neque euigilare fecit, quoad usque ipsa vellet. In nullo reprehendebat se tantum B. Iuencula sicut in hoc, quod commanentes sibi in longis vigilijs & ieiunijs conturbaret, hac sola excepta causa, postquam conuersa est, nunquam aliquid dixit, unde aliquem conturbauit: Nec aliquid ei dictum est; unde turbaretur, & hoc quantum ad molestiam corporalem.

§. XV.

De eo quod oua proiecta, eius prece integra reperta sunt.

Hinc audi summa admirationis miraculum, quod ex eius sancta simplicitate, multis agnitum, accidisse refertur. Rediens ergo Ancilla Christi, ab Ecclesia supernis delicijs inebriata intrauit domum, vasque plenum ouis crudis super sedile reperiens, & testas ouorum credens, extra domum excusso vase proiecit, ut scilicet aliquid utilitatis & commodi fecisse videretur in die, quâ alijs laborantibus vacasset orationi. Nec mora: Mater circuiens & quærens

oua, ut coquenda deponeret super ignem; cā proiectā, confracta & dissipata reperit extra domum. tunc Mater nulli prater soli filie tale factū imponens, exclamauit ad eā. Quid fecisti, o recte satua & stultissima omnium? ut quid proiecisti oua, quae sola residua comedere hodie debebamus? At illa contrita in Verbo matris, quoniam multum reuerebatur: Non statim respondit ei, sed curuatis paululum genibus, breuissimè perorauit: Et surgens, Ignosce, ait Mater dulcissima, quoniam ouorum tantum testas credebam, sed nunc ad locum redi, in quo proiecta sunt oua, & vide si aliquid supersit inconfractum, Verè magnū & stupendum miraculum, & retroactis seculis inauditum! Et mox mater verbum filie probatura progrediens, ipsa oua integerrima reperit, nec ullum dissipationis indicium pra se ferebant. Tunc mater, super id quod credi potest miraculum admirata, Dominum benedixit, & collectis ouis ac coctis, ea cum laude diuina comedit, & familia sua comedenda distribuit. Ancilla verò Christi non modicum crubescens tota die illa sine cibo manens inclusa thalamo, latitauit.

§. XVI.

De austeritate poenitentiae illius.

Austeritatem Poenitentiae eius in ipsa extollere dignum est, quoniam & ita magnam & Deo dignā audiuimus, ut digiti discretorum operum eius pleni myrrha

myrrha probatissima gloriantur. Frequentissime quidem accipiebat usque ad effusionem sanguinis disciplinas. Vix puer annorum trium vivere cibo posset, quo illa degens in carne vivebat, & tamen oportebat quod à circumfidente socia ad unamquamque ferè buccellam, quasi cibi nescia, moneretur, & cum corripereetur à matre, cur non intenderet cibo, illa suspirans: Multa, inquit, habeo adhuc cogitare, quæ alias distrahunt, sæpè diebus duobus aut tribus cōtinuabat ieiunia, quod non comedit. De potu verò, ferè continuum erat, quod non bibebat: A vino & carnibus & cibis delicatis penitus abstinebat.

§. XVII.

De Vigilijs & somno eius.

DE Vigilijs & somno eius quid dicam? postquā mundum perfectè reliquit, vix unquam una nocte tantum dormiuit, quantum ad unam leucam quis ire posset, & tamen veram dormitionem esse eandem sapius ignorabat, talem enim se ferre dicebat in somnis, qualem in vigilijs recordabatur, Dei semper & dormiens & vigilans reminiscens: Induta vestibus & calceata iacebat in lecto; & tamen nunquam caput, beneficio diuino, dolebat. Frequentissime noctes ducebat insomnes. Erubescant nostri temporis contemplatiui; qui si semel fleuerint pro deuotione, Christi memores, vel ad horam; si semel vigila-uerint solito amplius: si ieiunauerint ultra horam,

mox cum Helisei puero, & verè puero, clamant, caput meum doleo, caput meum doleo: Si enim verè virtutum viri in veris Animæ viribus attigissent; nunquam effeminati tam citissimè redderentur. Memor sũ illius Beatiss. feminae Mariae de Oignies: de qua Venerabilis Iacobus de Vitriaco in Vita ipsius eam commemorat respondisse. Hæ, inquit, lachrymæ refectio mea sunt, quæ caput non affligunt sed mentem pascunt: nullo dolore torquent, sed Animam serenitate exhilarant; non cerebrum euacuant, sed Animam satiât: Econtrâ, ista lachrymæ, inquit, cerebrũ exhauriunt, pulmonem confundit Vigilia, Ieiunia membra debilitant: & quia in tali destitutione membrorum Deo seruire quis non potest, Aromatica repleât caput, pulmonem releuet somnus, & quidquid terra vel mare in piscibus & carnibus poterit, membra dilapsa reficiat. Va qui sine causa vel causa quidem modica dicta factaque Patrum inuertunt; de quibus ipse Paulus Spiritualis & maior, apertissimè dicit: castigo corpus meum & in seruitutẽ redigo. & illud, istis manifestè contrarium: Cum, inquit, infirmor tunc fortior sum & potens. Exceptis Sanctorum dictis, quæ habemus omnibus firmiora, in hac de qua loquimur tenella Iuencula, evidentissimum signum inuenio, quod Corpus humanum, super id quod carnales credunt, sine detractiõne sui multa potest & magna, maximè ubi amor omnia tolerat. Vnde Augustinus Expositorum maximus dicit: Qui amat, non laborat. Vis non sentire laborem? cogita mercedem. Nunc ergo in Margareta vide quid actum

actum sit, ut diximus, iam septennis vrticis & aculeis se pungebat. postea annorum nouem, 4. & 6. ferias in pane & aqua; Vigilias & ieiunia Ecclesia & totam continuè quadragesimam ieiunauit. Tu autem quid agis mulier potens in alijs? & tu, barbatus & fortis! Amor utique tepet; non est idcirco qui tolerat. Hac spe gaudens, præ amoris magnitudine, nulla ei quæ faciebat, videbantur; & ideo sine destructione sui omnia tolerabat.

§. XVIII.

De eo quod nesciens transegit noctem
Natalis Domini.

NOCTE Natalis Domini Pater suus Spiritualis partem noctis illam dormire precepit. Mane ergo quod non dormisset apud Patrem à Sororibus accusata, correpta est; quæ respondit Verbum planè mirabile: Dulcissime, inquit, Pater, parumper in oratione me disposui; & cum recederem, ut dormire; vidi quod iam dies in Aurora consurgeret. Quo responso (non mirum) ille in risum maximum concitatus: Ostulta, inquit, parum te, orasse fateris, & longissima nox anni iam interim pertransiuit: & tamen reuera non brevis & parua fuit si charitatis longitudinem & latitudinem metiatur. Proinde contèplemur in Margareta virtutem mirè mirabilem: Cum quidem esset sibi durissima, tamen cum pace cordis pati non poterat, ut aliquoties etiam citra posse in

L. 3

abstinentijs

abstinentijs laboraret, & cum se in minutissimè grauitè accusaret, nullum penitus indicans, gratia proximorum facta prout poterat excusabat.

§. XIX.

De Instantia orationis.

Virtutem & continuationem eius Orationis quis explicaret? Nec credo quod aliquis posset de facili, quanto minus ego. Orationis instantiam, tantam me in aliqua alia nostri temporis vix audisse fateor: nihil enim aliud in omni Conuersione sua fecisse narratur. Si quid autem aliud facere videretur, ut est in comedendo, colloquendo, laborando, vel alijs consimilibus, quæ fuere rarissima; semper tamen meditabatur, orans & cogitans, quomodo diuinis aspectibus complaceret. Et ex hoc dici potest quod in calo cordis eius factum est silentium quasi dimidiâ hora, & ponitur ibi (quasi) non pro silentij veritate, sed pro similitudinis ostensione: Nunquam enim vel dimidiâ horâ diuini in calo Spiritus ab Omnipotentis Dei laudibus cessant; sed nec hac Margareta à Dei laudibus siluit, sed quasi dimidia hora silere visa est, cum aliud non alienum foris in similitudine ostendit, & intus tamen Oratio sine cessatione non tepuit. Ibi enim deliciæ eius, ibi cum Christo sancta colloquia; & erat ei totum aliud miserabilis

bilis cruciatus. Nunquam satis tempestiuè intrare Ecclesiam, nunquam satis tardè eandem se exire credebat; unam tantum plicam pepli in capite portabat, ne multis pepli reuolutionibus, ab orationibus tardaretur. Et cum super hoc à Matre corripere: O bona, inquit, mater non cures; quia dum occupata essem caput tanta cura contegere, interim potuissim Ave Maria dixisse. Sicut enim aliquis ab aliquo amico dulcissimo, cum grauedine separatur; sic & ipsa ab oratione. Si verò eam surgere oporteret, vel aliàs ad colloquium vocaretur; Flebat quidem, sed ibat, quia pro pace dimittere non audebat. Locum secretum in solario habebat superius, & ibi die media in orationibus & meditationibus quiescebat: hunc cum post prandium deberet ascendere, in primo eius gradu quasi anhelans & debilis quiescebat, & cum hoc ex debilitate sorores eius putarent euenire accusarentq; eam super hoc apud Patrem suum Spiritualem: Secretum, inquit, hoc & certum, Pater dulcissime, habeas, quia nequaquam ex debilitate hoc est, sed cum recordor liberam me esse debere à necessitatibus quibus inferius detinebar, & in meditationibus Christo me in solario iungi superius; tantis gaudijs intus afficior, quod in pedibus ad horam stare non possim. Quid ergo erat cum in secreto cordis Domino familiariter cohareret; cum in spe futuri gaudijs, tanto tripudio replebatur? Vtique Anima eius liquebat ut dilectus locutus est; proinde orationes

abstinentijs laboraret, & cum se in minutissimam grauitatem accusaret, nullum penitus indicans, gratia proximorum facta prout poterat excusabat.

§. XIX.

De Instantia orationis.

Virtutem & continuationem eius Orationis quis explicaret? Nec credo quod aliquis posset de facili, quanto minus ego. Orationis instantiam, tantam me in aliqua alia nostri temporis vix audisse fateor: nihil enim aliud in omni Conuersione sua fecisse narratur. Si quid autem aliud facere videretur, ut est in comedendo, colloquendo, laborando, vel alijs consimilibus, quae fuere rarissima; semper tamen meditabatur, orans & cogitans, quomodo diuinis aspectibus complaceret. Et ex hoc dici potest quod in calo cordis eius factum est silentium quasi dimidia hora, & ponitur ibi (quasi) non pro silentij veritate, sed pro similitudinis ostensione: Nunquam enim vel dimidia hora diuini in calo Spiritus ab Omnipotentis Dei laudibus cessant; sed nec hac Margareta à Dei laudibus siluit, sed quasi dimidia hora silere visa est, cum aliud non alienum foris in similitudine ostendit, & intus tamen Oratio sine cessatione non tepuit. Ibi enim deliciae eius, ibi cum Christo sancta colloquia; & erat ei totum aliud miserabilis

bilis cruciatus. Nunquam satis tempestiuè intrare Ecclesiam, nunquam satis tardè eandem se exire credebat; unam tantum plicam pepli in capite portabat, ne multis pepli reuolutionibus, ab orationibus tardaretur. Et cum super hoc à Matre corriperetur: O bona, inquit, mater non cures; quia dum occupata essem caput tanta cura tegere, interim potuissem Ave Maria dixisse. Sicut enim aliquis ab aliquo amico dulcissimo, cum grauedine separatur; sic & ipsa ab oratione. Si verò eam surgere oporteret, vel aliàs ad colloquium ueretur; Flebat quidem, sed ibat, quia pro pace dimittere non audebat. Locum secretum in solario habebat superius, & ibi die media in orationibus & meditationibus quiescebat: hunc cum post prandium deberet ascendere, in primo eius gradu quasi anhelans & debilis quiescebat, & cum hoc ex debilitate sorores eius putarent euenire accusarentq; eam super hoc apud Patrem suum Spiritualem: Secretum, inquit, hoc & certum, Pater dulcissime, habeas, quia nequaquam ex debilitate hoc est, sed cum recordor liberam me esse debere à necessitatibus quibus inferius detinebar, & in meditationibus Christo me in solario iungi superius; tantis gaudijs intus afficior, quod in pedibus ad horam stare non possim. Quid ergo erat cum in secreto cordis Domino familiariter cohareret; cum in spe futuri gaudijs, tanto tripudio replebatur? Vtique Anima eius liquebat ut dilectus locutus est; proinde orationes

suas tam deuotè dicebat, vt si audires & non videres cum Christo eam colloqui reputares. Vnde multos ex hoc ad deuotionem & lachrymas prouocabat. Super hoc Spirituali Patri suo verbum quoddam memorabile dixit: O quam magnum damnum est, Pater, quod hi qui scripturas diuinas, & in illis quod orant, intelligunt; debitas tamen orationes suas, ad aures Omnipotentis Dei, in modica suauitate, & cum tanta celeritate transmittunt. Bene quidem & dignè dixit.

§. XX.

De eo quod mirabiliter timuit pro eo quod die quadam horas dicere prætermisit.

A*Liquando Pater suus Spiritualis dixit vt Regulares horas secundum horas temporis obseruaret. Accidit autem quod die quadam in excessu mentis rapta horas debitis temporibus non dixisset: qua negligentia pauescens non modice, ad præceptorem suum clamans & eiulans venit. Quam vt vidit ille ita amarè dolentem, suspicatus aliquid graue esse quod fleret; expalluit subito, & residens iuxta eam hortabatur quid haberet, edicere; Quod vbi illa cum lachrymis maximis fateretur; Pater eius gratulatoria indignatione commotus, Vade, inquit, vade miserrima, quia me præ angustia tremulum & excordem ferè reddideras,*

§. XXI.

De eo quod duo Angeli eleuabant eam etiam sensibilibiter, quando fessa erat in Oratione.

Quotidie quadringentas Orationes Dominicas, & toties *Aue Maria* dicebat, & hoc cum flexionibus totidem, scilicet de Psalterio *Quinquagenā*, & super hoc tamen diutissimè in oratione iacebat. & quidem, cum auaritia contemplationis quotidie raperetur, difficulterq; surgere posset aliquando, præ debilitate corporis & labore, ut stando psalleret & persolueret solitas orationes, contremulabiliter etiam in corpore forinsecus sentiebat, quod duo Angeli dextra leuag; eam per cubitos eleuabant. Et cum sic B. Mariam decies salutasset; ita recens efficiebatur & agilis, ut in persolutione caterarum orationum nihil penitus laboraret. Ita fortis erat in fine Orationis, sicut in initio, & multo quandoque fortior, Orans etiam ita feruebat in corpore, ut asperissima hyeme sola tunica contecta esset, & sicut olla bulliens fumat super igne, sic illa in oratione persistens. Nec mirum, quia de illis montibus erat, de quibus David gratulabundus exclamat: *Tange montes & fumigabunt.*

§. XXII.

§. XXII.

De habitu eius despecto & eius Elecmofyna.

HAbitum despectum & humilem habebat, novas vestes abijciens semper dicebat: Mihi paupercula & abiecta vetustæ vestes sufficiunt, paupertatis Christi sedulo recordata. Matrem & materas quandoque fugit, ut mendicaret, sed sæpè iussu dicti Patris sui redire & manere cum Matre est coacta. Curiositatem cum maximo studio fugit, & cum esset in seculo constituta sapiens & mirè provida, ad Christum conuersa horum omnium oblita erat. Proinde cum leprosi ad mendicandum via media residerent, & à Margareta transeunte aliquid petcrent, illa eis cum lachrymis respondit: Libenter darem si haberem: Petam autem pro vobis, si quid accipiam. Mox humilis ancilla Christi in terra geniculans coram populo transeunte petebat sibi obolum dari: & verè nimium fuisset durus & impius, qui tali paupercula denegasset. Acceptum ergo oblatum munus leprosis dabat. Ex hoc Presbyter Ecclesiæ consuetudinem habuit, ut Margareta quandoque obolum daret, quo conscientia sua satisfaceret & mendicis.

§. XXIII.

§. XXIII.

De dilectione quam habebat erga
Christum.

A Moris ignem quò seruebat in Christum, quis
unquam verbis ostenderet? nec ipsum poterat
nominare nisi planè dulcissimum: & cum pium pa-
nem ad ostium pauperes peterent, eos ut pro dulcissi-
mo Domino I E S U Christo peterent, instruebat.
& ex hoc in villa Iprensi consuetudo apud multos
mendicos obtinuit, ut pro dulcissimo Domino Iesu
Christo peterent: sed & religiosæ mulieres, cum ex
consuetudine venirent ad eam ut de Christo eis ali-
quid diceret; cum indignatione turbida respondit:
Quid ego dicam de Christo seruo vestro? non po-
testis sicut decet vocare dulcissimum Dominum
Iesum Christum: & verè dignè dixit & valde di-
gnissimè. Dominus in Apostolis suis consuetudinem
commendauit, dicens, vos vocatis me Magister &
Domine, & bene dicitis, sum etenim. & B. Thomas
dicit: Tu es Dominus meus & Deus meus, quomodo
ergo nos indignissimi eum vocare debemus simpliciter
Christum, qui à dignissimis Apostolis vocatus est magi-
ster & Dominus? proinde quadam religiosissima Domi-
na cum illa loquens, illa quasi iocunda prædixit, Non
semper sic, inquit, eris filia, ut semper in amplexu
Christi sponsi meditatione quiescas, sed postmo-
dum relicta tibi incommoda patieris, quo audita
illa

illa subito paucifecta exclamauit in planctu; & cum non posset ab omnibus coërceri dixit ei Spiritus Pater suus: ergo mi filia aduersa pati iam improba formidas? non, inquit, Pater, nulla pati aduersa formido: sed seiungi à dulcissimo Domino meo IESU Christo, vel ad modicum sustinere non valeo.

§. XXIV.

*De eo quod ab ipso Christo suscepit
Corpus Christi.*

Cum egeret aliquando instructione & correctionis solatio, ei quandoq; Pater suus Spiritus quasi per Spiritum præsens videbatur adesse & tunc quadam cognitione interius replebatur, quæ illi ad tempus sufficiebat, accidit autem quodam manè ut surgens secundum consuetudinem Domini gratiam non sentiret: sed hoc quare, sentire non potuit. Cum ergo nequaquam Patrem suum Spiritualem præsentem haberet, nec solita cognitione interius repleteretur ad quendam virum religionis in villa plorando cucurrit, & cum ille discretionem talium non haberet eam irridendo depulit & despexit, quæ statim cum confusione reuersa intrauit Ecclesiam: & ad Christum conuersa cum lachrymis dixit: nec Patrem meum Spiritualem præsentem habeo, nec in amicis tuis solamen inuenio: quid ergo beni-

benignissimè Domine, quid ego misera faciam? Nec mora. In excessu mentis facta, ei Dominus apparuit dicens: noli flere Filia mea: hodie à dilecto tuo consolationem accipies. quo in responso iam spe alacrior sub certa expectatione Dominum prestolabatur. Nec frustra. Quippe cui Dominus sub Corporali specie panis participationem sui Corporis dedit: & hoc certum indicium veritatis Patri suo spirituali postea reuelavit, quia quod ore foris accepit dentibus masticabat, & secundum quod in specie remanet, saporem distinxit. Hec ei per 15, dies gratia permansit. Nec hæc sola probatio, sed id quod maius est, in hoc beneficio Domini talem gratiam hausit, ut nulla postmodum otiosa, nulla etiam mundo communia audire potuit, vel videre. Et si propter scandalum proximorum quandoque audire talia cogeretur statim intellectus eius alienabatur à talibus, vel quasi oppressa vigilijs præ tædio dormitabat.

§. XXV.

De eo quod plus diligere timuit Patrem Spiritualem quam alium.

I*gitur cum Patrem suum spirituales super omnes & omnia quæ in mundo habebat, eo quod eam à mundo reuocasset, diligeret, cepit ex simplicitate cordis, ne hoc contra Dominum esset in aliquo, animo pavitare, & dixit Domino in oratione: Benignissimè*
I E S V

Iesu Christe, te ut nosti super omnia diligo, & propter te illū qui me te recognoscere fecit & ad te diligendū instruxit; At quia mutua dilectio & frequens collocutio viri cum femina maioribus nostris suspecta videtur, rogo te per excellentissimam humilitatē tuam, ut mihi ancilla tuæ clementer ostendas, si in dilectione & colloctione serui tui damnum aliquod tui amoris incurram, & ego spondeo si tuæ charitati aduersum inuenero, nunquam ei postea loquar: absit enim ut pro omnibus quæ in calo & in terra sunt, tuam erga me charitatem velim diminui. Vix verba cōpleuit, & ei Dominus respondit in spiritu. Vice mei illi credere non formides, quia ex ore illius tibi in necessarijs respondebo: non oberit tibi in carne vel spiritu quicquid ille praeceperit. Verus Deus & vera veritas ipse est. vide ergo quid actum sit.

§. XXVI.

Deco quod quatuor diebus ieiunauit ante Pascha, & tamen sine vlla læsione.

I*Taque cum Margareta à 4. feria post ramos Palmarum vsque in vespertum diei Paschæ sine vllō cibo vel potu continuo ieiunasset, ut sciuit Pater eius spiritualis responsum Domini, voluit veritatis indicium experiri. Cū ancilla Christi ex quatruiduano ieiunio & prompto animo, corpore tamen debilitata fuisset, multis audiētibus atque præsētib; ei adhuc ieiuna in die Paschæ post prandium dixit: Sermone*
vespere

vespere ad unam leucam propè facturus sum: tu autem ieiuna surgens sequêris nos. (Mirare miraculū) In cuius verbo illa protinus roborata surrexit, & sine difficultate iussū dicti Patris implevit, & quod plus est, videbatur ei quod instar avis in aëre portaretur.

§. XXVII.

De reuelationibus Domini factis ad eam.
Primò quomodo B. Maria ei apparuit, & dixit sororem suam esse sanandam.

Hinc sequuntur reuelationes Domini ad eam facta, & utique tales & tā excellenter magna, quod multum vereor eas in notitiā hominum ferre, qui animales sunt, & ea qua spiritus Dei sunt, nequaquā percipiūt. Sed nunquid non ideò bonū nomen Christi quod est odor vitæ, in vitam omnibus communicandum est, quia fit malis odor mortis in mortem? absit. dicamus ergo. Multas quidē ancilla Christi à Domino reuelationes accepit: sed nulli penitus aliquas, nisi soli Patri suo spirituali voluit reuelare. Et in hoc verè multis laudibus extollenda. Multa enim nostri temporis Religiosa perniciosum gallina habentes modum, statim clamore produnt cū ouum ediderunt. Tempore quodam soror sua carnalis ab omnibus qua aderant desperata, usque ad mortem ferè periclitabatur in partu. Redarguta ergo Margareta à matre sua, quare
sorori

forori sua morienti non assisteret, illa in oratione prostrata pro sorore sua Dominum precabatur; sic enim melius eam se iuuare credebat. Nec mora, vanti apparuit Beatissima Virgo Maria dicens; vade & dic forori tue: Sanaberis in momento & nascens infans, vitam incolumis consequetur. Mox illa sororem adiens iam in supremo spiritu vita harentem indicat protinus liberandam. Mirum spectaculum. Nec temporis interstitium intercessit, nec excessit verbū Ancilla Christi, & in momento viuente puero pariens liberatur.

§. XXVIII.

*De eo quod Christus ostenderit ei pauenti
in quali corde susciperet Corpus
Christi.*

Sub eodem tempore cordis scrupulo satis grauitè cruciata se reputans peccatricem, Corpus Christi secundum quod consueuerat, suscipere non audebat: tumque Pater suus spiritualis præsens non esset, qui eam in talibus confortaret, rogauit Dominum, ut ei cordis sui statum in aliquo demonstraret. Nec mora. In excessu mentis rapta ostendit ei Dominus cor suum interius in modum parua capellæ mirabiliter perornatæ & dixit ei: Ne verearis filia ad me tuum sponsum accedere, quoniam in tali loco & in tali cordis tui schemate mihi met hospitium praparaui. Veridica ergo Pauli sententia, qui dixit templum Dei sanctum

Etum est, quod estis vos.

§. XXIX.

De eo quod quandam Dominam illustrem
ex responso Domini redarguit.

Ipsa aliquando graviter decumbente Pater suus
spiritualis cum illustri quadam è principalibus
Domina visitavit egrotam, cui & dixit: Ecce filia
mea, mi Domina, quam tibi frequentius comendavi:
adduxi eam nunc ad te, ut pro ea sollicitius Domi-
num depreceris. Tum illa oculos avertens à Domina,
verè, inquit, sicut nunc & frequenter intimè rogasti
me pro Domina hac, pro ea saepe Dominum exoravi:
sed nunc in hora hac de ea mihi Dominus revelavit
& dixit: Preces quas fundis pro eà nequaquam ex-
audiam, quoniam manus eius sanguine plena sunt,
cum per tallias suas in meos quotidie pauperes debac-
chatur. hoc audito horruit Domina ultrà quam
credi potest, & semetipsam agnoscens exclamavit in
planctu: sed & Pater eius spiritualis miratus immo-
dicè adiuravit eam per nomen Christi, si ei Dominus
ipsam talliarum nomen evidentius expressisset. Et illa:
non, inquit, ne esse erat Pater sancte, ut in aliquo con-
iurares me, quoniam spero quod verbo meo simplici
credas, tamen ut Domina ipsa certius credat, iuro ti-
bi per nomen Christi Domini nostri, quod nunquam
in vita mea nisi hodie tantum in revelatione divina
talliarum nomen audiui. Credat ergo, si velit, verbis

Domini, quia nisi de spolijs pauperum resipiscat, vindictam Domini sentiet euidentem. Quibus in verbis prædicta Domina in plurimis emendata non solum exactionibus pepercit, verum etiam spoliatis multa restituit.

§. XXX.

De eo quod Dominus reuelauit ei, quod Pater suus Spiritualis oraret pro ea, & quomodo diem & horam dixit ei.

Dile quadam intrans Ecclesiam miro gaudio subito replebatur: dixit autem postea quod nunquam tantum gaudium concepisset, nisi ad contemplationem spiritus eius excessisset. Cumq; à Domino quæreretur, quæ causa esset consolationis tam subita, sensit, Domino reuelante, quod Pater suus Spiritualis pro ea sollemnia celebraret: nec magnum postea tempus excessit, cum ille ad eam gratia consolationis accederet, eiq; illa diem, horam, locū, & missam diceret quam pro ea Domino celebrasset: addens quod nunquam eius Missam audisset, nisi alicuius virtutis gratiam à Domino accepisset. Nec mirum, quia si maledictio matris filium execrabilem reddit, quanto magis benedictione Patris filia confortatur.

§. XXXI.

De eo quod solum Christum cogitare poterat, & quomodo B. Maria apparuit ei in festo Annunciationis.

Domino IESV CHRISTO tantis precordijs adharebat, ut non nisi gloriosam matrem eius, nec nisi solum eius filium poterat cogitare. Unde accidit ut in Annunciatione Dominica ei benedicta & Venerabilis Virgo Maria in maxima luminis gloria appareret dicens: oportet hodie charissima filia quatenus mihi cor tuum ex integro prabeas, & nihil aliud quam meam dignitatem in tuis cogitationibus mediteris. Cui illa respondit: Cras ergo mihi o dulcissima Domina in dilecti filij tui adhesionem restitues: quod in te solum diem istum expendam. Et B. Maria: Filius, inquit, meus & se totum reddet tibi, & me secum, & nobiscum tibi quidquid continet Paradisus. Verè magna & beata promissio: utique, qui filium, & matrem habet, qui autem matrem cum filio & vitam aeternam habet: quæ consistit in cognitionis fruitione IESV Christi Domini nostri.

§. XXXII.

De eo quod ipsa, aliaque sancta mulier viderint Angelum cuidam Prædicatori astare.

Cum quidam F. de ordine Prædicatorum predicaret, & illa cum alia religiosissima Domina ad fratris.

fratris pedes pariter confedissent, viderunt amba simul corporalibus oculis quod Angelus Domini prædicantis faciem mira claritate circumdaret, & in aure suggereret quid foris populo predicaret. In qua visione Beata & Deo digna mulieres perhibuerunt testimonium veritati: quia non in ore duorum tatum secundum Ciuile lus, viros intelligas, sed etiam in ore duarum, subaudi mulieres, secundum Ecclesiasticum & diuinum, stabit omne verbum.

§. XXXIII.

De eo quod visa est manus aurea super ipsam & quendam Fratrem Prædicatorem.

Q*uidam ex ijsdem Fratribus Prædicatoribus sermonem facturum in Ipris manè venit ad illam conquestus grauitè quod aliàs præpeditus nihil præcogitasset, quomodo aut quid populo loqueretur. Nec mora, visa est manus aurea super ambos, & non sicut Iacob, diuaticatis manibus filiis Ioseph, sed sicut filiis suis communiter benedixit: & vide qualis benedictionem consequatur effectus. Prædicauit dictus frater & tantam sermoni eius gratiam diuina misericordia donauit, ut totus populus quasi repentino sonitu consternatus uberrimè fletet, & præferuore spiritus in eiulatus maximos exclamaret. Ipse autem frater tanta dulcedine Spiritus interius replebatur ut tota die velut inter Paradisi delicias versaretur:*

saretur: ipsa autem Ancilla Christi nec benedictionis suae parte frustrata, cum Frater in sermonis fine illud sponsa in Canticis diceret: trahé me post te, curremus in odorem unguentorum tuorum, & hoc eleuatis ad calos oculis exclamasset, statim uidisse visa est, se trahi calitus & in excessu mentis subito rapi: ibi autem quid uiderit, aestimare possumus quidem, sed non effari.

§. XXXIV.

De illo stupendo Miraculo quod uidit Patrem suum Spiritualem in Insula corporalibus oculis.

R Eferam rem ad intelligendum difficilem, sed tamen coarctor Spiritu, conceptum sermonem diutius retinere. Occupatus aliàs Pater suus Spirituális in Insulis, in domo cum Fratribus ad cōsolandam ancillam Christi diutius morabatur: desiderio ergo aestuans non modicè grauabatur, cum ex illius Anima ut ita dicam, eius Anima dependeret, quia scrupulis conscientiae saepius angebatur: surgens ergo illa, die quadam & oculos versus Insulam dirigens uidit super omnem aestimationem lucidius ipsis Corporalibus oculis illum quem in feruore Spiritus mente conceperat, & hoc interiecto spatio s. Leucarum, consolationemque plenam de eius visione suscepit: Hinc ergo quaerendum est quomodo oculi humani distinctiue aliquid uidere tanto interiecto spatio &

multis fortè obstantibus potuerint. Planum est, si vidit oculis corporalibus, in loco vidit quod vidit, si in loco vidit, ergo visus continuus, & contiguus fuit ad rem visam: sed patet quod non continuus, quia non terminus idem, nec contiguus, quia inter eius partes cecidit medium eiusdem generis. Quid ergo dicemus? nunquid fas erit credere tanta perfectionis Christi sponsam fuisse mentiam? absit: neque enim credimus quod pro perdenda vita mortali; ex deliberatione & certa scientia mendacium & maxime tale dixisset. Quid ergo? utique si absque omni miraculo, ut dicit Liber de Naturis rerum prater consuetudinem omnium animalium, animali, quod Lynx dicitur, natura indidit ut solida & obscura corpora oculorum luce valeat penetrare; Quare Christus qui in sanctis suis mirabilis est & pradicatur, ad horam conferre non potuit, ve etiam noluit, ut in consolationem sui, illum videret etiam in remotissimis partibus, sine cuius presentia pacem pectoris ad tempus habere non potuit? sed tu fortè respondes, quia nec credo in puella miraculum, sicut nec in Lynce animali posse visu obscura & solida corpora penetrare. Respondeo probare in puella diuinum miraculum necesse non est, quia Christus qui sic facere voluit, sic facere potuit, & hac sufficiens ratio, opus enim natura in lince animali volo probare, & hoc secundum rationem natura. Constat secundum Philosophum quod oculus situs est in humido: tria autem in aqua sunt, aquea humiditas, diaphaneitas & perspicuitas lucis, hanc ultimam communicat cum natura caelesti, & hac est

hac est ultima depuratio à materia in natura lucis, & propter hoc quod lux est, quid maximè penetrabile in natura lucis, & quia lux est ultima perspicuitas in corpore terminato, ideo si penitus substantia aquea, ultima sua depuratione, quantum ad perspicuitatem in oculo Lynceis, poterit penetrare corpus solidum & obscurum: In puella verò non potuit, nisi miraculo visu oculorum ad horam in melius commutato, & hac melioratio naturaliter in Aquila est qua à remotissimis partibus pradam respicit. Quid ergo si Deus natura conditor sua sponsa conferat immediate per se, quod Aquila & multis alijs avibus rapacibus mediante natura dedit? constat quod convenientius sponsa sua.

§. XXXV.

De eo quod viderit CHRISTVM quasi Crucifixum in Parasceue.

Feria sexta in Parasceue, cum secundum Ioannem Passio Domini legeretur, vidit manifeste Christum in crucis stipite crucifixum, cumq; Euangelij recitator illud Euangelij verbum dixisset, Inclinato capite tradidit spiritum, vidit quod Spiritus Domini super se & super celebrantem Presbyterum ferebatur: quo in facto sensit statim cor suum quasi Christo in passione commortuum, & in die Resurrectionis Dominica in receptione Corporis Christi quasi vitam resumere incunditatis: Et in hoc patuit veridica Pauli sententia dicentis: Si fuerimus socij passionum, erimus & consolationum.

§. XXXVI.

Deco quod frequenter vidit status hominum.

DE statu aliorum hominum frequenter multa ei Dominus reuelauit, quos utique pie monitos reuocabat à malis, vel si in bono videbat aliquos, ad melius hortabatur: nulli tamen ut dictum est, nisi soli Patri suo Spirituali de his quæ in hominibus vidit, aliquid reuelauit. Et in hoc reddebat eam causam Christus fama ipsius foris prouidus conseruator, qui intus praecefferat reuelator.

§. XXXVII.

De eo quod videbatur ei quod raperetur ad cælos, & de his quæ ibi videbat.

Frequenter ei visum est, Dum in Spiritu raperetur quod cum Maria Magdalena ad pedes Christi iaceret: nonnunquam verò videbatur illi, & hoc frequenter & quasi quotidie quod dimidia intra, dimidia extra in limine Paradisi prostrata iaceret, ibique ad aliquem Sanctorum conuersa consolaretur. Frequenter etiam inter ipsos Angelorum & Virginum choros sursum transuecta est, ut quasi ad auro-ram post meridiem cum Domino in Paradiso voluptatis Angelica deambulare. Vbi etiam unusquisque ordo

ordo ei in multa gloria congaudebat: aliquando etiam ei in Spiritu videbatur quod obuia ei Christi matre facta ab ea deduceretur ad loca mira amenitatis & gratia. Idem ei factum est à B. Maria Magdalena quam miro venerabatur affectu.

Et hoc mirabile satis in ipsa fuit quod festum vniuscuiusq; Sancti interius discernebat recipiebatq; gratiam & consolationem magnam in singulis ad augmentum.

§. XXXVIII.

De eo quod Stella apparuit in humero eius.

SEdens aliquando cum matre sua & sorore illius sua matertera, de Deo inuicem conferebant: nec mora. In momento stella clarissima lux visa est in humero Margareta, & cum mater obstupescita exclamaret, quid est hoc filia? Respondit: non paucas mater, quoniam Dominus in medio nostri est: & hoc secundum illud, quod olim dixerat Dominus: Vbi duo vel tres congregati fuerint in nomine meo, in medio eorum sum.

§. XXXIX.

§. XXXIX.

De eo quod Beata Catharina apparuit ei.

Beatissimam Virginem Catharinam singularem amore complectebatur, & factum est in festo illius, quod ei B. Catharina in regali ornatu & cycлада deaurata plenè mirabili appareret: cuius gratiam se adeptam videns rogavit eam ut pro se accederet ad Dominum rogatura. Quod ubi annuit B. Virgo vidit Margareta quod illa ad pedes Christi pro se in magna supplicatione iaceret. Nec mora, reuelata à Christo ad puellam reuersa dixit: Non tadeat filia mi, animam tuam vita sua, neque amplius fatigèris quoniam in proximo est, ut à sponso tuo tuum desiderium consequaris.

§. XL.

Quomodo primò cœpit infirmari.

Hinc sequitur B. mors ancille Christi, quæ tantò gloriosior, quantò vita dignior fuit. Anna integro ante mortem suam vix aliquid quod fuit proprium corporis sensit, cibosq; nullos palato significans discernebat. Quotidiè ferè nouum aliquem cruciatum sentiebat in membris. Dominico verdè die post receptionem Corporis Christi nullum dolo-

rem

rem penitus sentiebat, & hoc secundum B. Doctorem Augustinum qui dixit: hoc, inquit, supple Corpus Dominicum, medicamentum est occurrens languoribus, & alimentum succurrens defectibus. Post Dominicam verò diem 2. feriã, eam replebat infirmitas, & solitis cruciatibus angebatur. Ex hoc certissimè comprobantes sui, quod in hac vita sua purgamenta complerat, & ad calos instar avis euolaret.

§. XLI.

De eo quod prædixit mortem suam, & de graui fluxu, qui eius prece est aliquando restrictus, & de bono odore circa eam.

V Espere quodam iuxta eam sua matertera consedente, mortē suā, implicite tamē in hoc verbo prædixit: Ecce charissima, vitā aliam ducā ulterius. Nec mora: mane factō eā acutissima febris arripuit. Sudabat tamē quotidie, & ille sudor ita intolerabilis erat fœtore, quod eā nec ipsa mater eius vel sorores paterant sustinere. Sexta ergo die Pater eius spiritalis adueniens ei cōmunionem Corporis Christi dedit, & sensit statim quasi quandā reuelationem criticam in corpore, nec tamen crisis fuit. Hinc eam grauissimus internprum fluxus arripuit, cumq; matertera illius quæ illam specialiter diligebat, cū ea diebus & noctibus laborasset, nec aliquo modo posset quiescere Margareta cōpāssa matertera dixit: Vade nūc, o charissima Domina, & tota nocte quiesce securius, quia ad hoc tantum

tantum ut dormias, infirmitate interim releuabor. Illa ergo mirata, sed tamen credula verborum ancilla Christi, dormitum perrexit. Margareta vero ad Dominum dixit: non peto Domine ut ab infirmitate ista prorsus absoluar, sed dormiente matertera mea, alia interim crudeliori infirmitate discrucier, & factum est ut prædixit in spe orationis ad Dominum faciendæ. Reuertente manè matertera eius a somno, fluxus eam in tantum peruenit & fuit hoc in ipso internorum fluxu contra omnem naturam stupendum & admirabile mirum, quod totus locus ille in quo iacebat puella odore aromatico quasi ex pigmentis pretiosis replebatur. Et hoc veraciter credimus, quod eius preces & digna merita meruerint ne amici visitaturi eam horrerent morbi immanitate. Proinde cum in eodem continuè fluxu laboraret, & fratres Predicatores sederent ante eam, nullo impetu grauebatur, sed sine molestia erat. Cum autem recederent continuò resoluebatur in fluxu, & hoc idem Fratres quasi maximum miraculum sæpius & per moras diutinas probauerunt.

§. XLII.

De eo quod Christus apparuit cum vase crystallino, & refecit eam in gutta à vase stillante.

I*Taque præcepit ei Pater suus spiritualis ne in ipsa infirmitate desiderio aliquo aliter seipsam affligeret*

ret affligeretur; iacuit ergo tribus diebus & noctibus, quod nec in multis cogitationibus de Deo, patri suo in omnibus obediens, ausa est occupari. Quibus transactis apparuit ei Christus planè in forma visibili cum vase pulcherrimo & crystallo, in quo erant multa coronula aurea opere subtilissimo perornata. Cui Christus manum cum vase inclinans quasi guttulam parvam sorbendam dedit, coronis ostensis innuens multa se illi premia pro multiformi virtutum gratia largiturum. Nec mora, ubi guttulam de vase in manu Domini sorbens hausit; ad plenum refecta est, quæ tamen ante triduum nihil gustauerat.

§. XLIII.

De verbis mirificis quæ matri suæ in morte dixit.

PRoinde non modicum grauabatur, quod sollicita custodia seruaretur, eo quod in hoc eius resolutio differretur: sed cum in hoc suam simplicitatem reprehendisset, licet hoc ex desiderio videndi Dominum esset, dixit matri suæ: Mors mea assimilatur in parte morti Christi: In hoc speculiter gaudeo, quia omnia membra mea excepta sola lingua ita ligata sunt, quod nec unum pedem vel manum mouere possum: & hoc vellem si tamen Dominus meus **IESVS CHRISTVS** vellet, quod in isto statu usque in diem iudicii permanerem, cumq; mater eius
in hoc

in hoc plurimum miraretur, immò, inquit, in inferno esse cum beneplacito Christi, & in hoc facere aliquid dignum Christo, optimum reputarem; Quanto magis infirmitatem istam? quoniam respectu inferni modicum patior.

§. XLIV.

De eo, quod rapta est in excessu, quando vidit gramina virentia in recodationem paradisi.

ET quidem in ipsa infirmitate mortis ante oculos mentis sue divinam presentiam & amantissimam paradisi semper habebat; & sicut avis clauso ergastulo egressum horis omnibus meditatur, ita ancilla Christi, ut ad auras cœli liberè euolaret, horam mortis hianti mentis ore captabat. Ergo die quadam allata pelvi ante faciem eius, quâ sputum oris eius reciperetur, in ea graminibus positis, cum subito fuisset viriditatem graminum contemplata, recodatione illius aternaliter virentis paradisi, excessum mentis incurrit, in quo iam quibusdam refecta primitiis anima à corpore, cui viro amore coniungitur, libentius solueretur.

§. XLV.

§. XLV.

De mirabili cruciatu infirmitatis eius, & quid dixit super hoc.

Tribus diebus ante mortem cepit in mēbris omnibus super omnē estimationē hominis cruciari: ex quo cruciatu ossa illius ineffabili modo concussa tantum strepitum faciebant, ut sonus collisionis extra domum clarius audiretur. Aderat & adustionis dolor, ac si in unoquoque membro ignis tormenta sentiret. Si quis autem eam alicubi tetigisset, quasi parturiens exclamabat: & quidem corruptionis mirabilis indicia præferebant fluxus capillorum eius; sed ungula manuum eius & pedum de locis suis motæ sunt: cumq; nullius membri nec solo motu potestatem habebat, sola lingua libera dicebat Domino: Flagella Domine I E S U, flagella hoc corpus miserrimum, & in eo vindictam sume multiplicium scelerum, quæ contra te diutius attentavit. His similia multa ingeminans, nunquam in aliquo cruciatu eius facies mutabatur, sed semper in faciem Christi sui respiciens, lata & ridens apparebat in vultu. Et quidem cum hora quadam Pater suus Spiritualis eam ad patientiam instantius hortaretur, anxio vultu eum reuerberans, nunquam, inquit, Pater in verbo lassisti me nisi in isto, quod quasi diffidens, esse me præcipis patientem, quæ non solum istud minimum, sed etiam
vniuersa

uniuersa tormenta ab initio mundi excogitata in voluntate Christi Domini mei ferre parata sum . In quibus verbis ille puella constantiam recognoscens, congaudens ei laudauit nomen Domini.

§. XLVI.

De eo quod dixit matrem non dolere, sed gaudere debere de morte sua.

Post hac matri dixit filia: *Multum te gaudere oportet mater, quoniam Christus Dominus mortem meam tot tormentis accelerat . Et mater: non, inquit, gaudeo filia, sed potius tibi præ dolore commoriar. Cui filia: Absit, inquit, mater, absit à misericorde omnium conditore, ut te deserat desolatā: Scio enim quod in ipsa morte mea consolabitur te, ut me etiam gaudeas emigrasse: quemadmodum autem hæc prophetia ancille Christi veritatis consequatur effectum, suo loco postea referemus.*

§. XLVII.

De eo quod corpus Christi sine vlla læsura suscepit, cum tamen nihil aliud posset sumere .

EAdem die qua ex hac carne migravit ad Christum, quasiuit à Presbytero, si Corpus Christi susciperet: debilitata enim in tantum erat & hoc diu ante,

ante, ut guttam aqua recipere non valeret, cui Presbyter bene & dignè respondisse fertur: Si, inquit, alius esset nullo modo consulerem, sed nunc tot bona tibi Dominus fecit quod credere non possum quin adhuc in parte hac suum sit miraculum ostensurus: alatum igitur Corpus Christi adoravit & sumpsit, & hoc ita liberè, ut in nullo penitus difficiles suscipientis arteria inuenirentur.

§. XLVIII.

De eo quòd Christus apparuit ei ante mortis horam, & dixit ei quod statim mori deberet, & Purgatorium peregisset.

N Ec mora: Facto vespere in ea penitus omnis dolor absorptus est: ita ut nihil habere nisi debilitatem corporis videretur, in tantum ut aliqui qui circa ipsam erant recederent & in proximo surgere crederent iam sanata, & non multò post hore spatium, iteratò apparuit illi Dominus, & mira oris gratia sicut dilectissimam sponsam & filiam consolatus est dicens: quod Purgatorium suum totaliter peregisset, & quod statim secum victura migraret.

§. XLIX.

De eius mirabili laude in mortis hora, & de luce quæ circumfulsit faciem eius.

INteriecto igitur modico spatio tēporis manus suas aspiciens risit, & contra omnium opinionem, qui eam sanari credebant, dixit: Ego quidem iam delibor & momentum meæ resolutionis instat. & matri dixit: Ecce iā caro mea a matri tērra, terrea comparatur. Tunc accurrentibus omnibus qui in domo aderant, releuate, inquit, me: cumq; omnes renuerent, debilitatem corporis eius formidantes, coëgit illos, & in lecto releuata est quasi sedens. Tunc præcepit suis, ut manus sibi & brachia tenerent in altum, & ait omnibus, in magna cordis & vultus hilaritate: iuuate me ut laudem Dominum meum Iesum Christum, & dixit: tibi laus, tibi gloria, tibi gratiarum actio, pro omnibus innumerabilibus bonis quæ mihi pauperula indignissima facere dignatus es. Cum hac igitur in honore SS. Trinitatis tertio replicasset, dixit in magna vehementia spiritus, & ipsa vox eius multo maior & fortior facta est: Laus, inquit, tibi Christe bone, Domine & optime ac dulcissime IESU, laus tibi, sit laus per omnia & in omnibus tibi: laude tua repleatur hac domus, laude tua mundus iste totus & ipse cali ambitus cumuletur: laudet omnis creatura terrestris, laudent in celo Angeli & Sancti tui, & pro
me

me indigna laudes tibi exoluant: hæc audiens mater eius & qui circumstabant eam, intenderunt in faciem eius, & viderunt eam tanta claritate mirabilem, ut extra naturam humanam posita videretur. Et verè sic erat.

§. L.

De eo quòd dixit quod in morte nihil videret, nisi solum Christum & matrem eius, & quomodo migravit à corpore.

Post modicum igitur matre sua de admiratione sua nimia respirante dixit filia: *Vidēsne nos filia? & illa leni voce respondens, non inquit te video mater mea, sed tantum audio: video autem præsentem solum Dominum Iesum & benignissimam matrem eius. Nec mora, hæc dicens per se brachia sua leuavit & sub silentio diu sic iacuit: & cum post horam brachia replicasset, decessit pars non modica claritatis, non tamen tota, & dixit: iam plus non video Dominum Iesum Christum. hæc dicens quasi terrea facta est facies eius, oculosq. dimisit, & post modicum spatium subridens paululum spiritum reddidit: & remansit schema oris eius in risu. gestu corporis demonstrante, quoniam fidelis & prudens, Domini sui gaudium introiuit anno ab Incarnatione 1237. anno autem etatis sue 21.*

§. LI.

De scala quæ apparuit in morte eius.

Quidam amicorum eius spiritualium in eius morte vidisse se dixit scalam argenteam à domo in quâ iacebat ancilla Christi usque ad cali fastigia pertingentem, in cuius summitate gloriosa Dea genitrix Maria cum innumerabilibus virginibus stabat, iam iamq; animam resoluendam expectans; tunc duas de collegio suo virgines mittens precepit eis ut mox defunctâ sursum per scalâ adduceret: quod & fieri prædictus vidit, & in maxima gloria sursum perductam ut diuinis aspectibus offerretur. O verè tu Beata & felix anima, quoniam transeuntem de corpore Christifera Virgo Maria inuisere dignata est, & cum sacris virginibus suo collegio sociare.

§. LII.

De eo quod completum fuit verbum eius, matrem scilicet suâ cōsolandam in morte, & de gaudio quod effusum est in omnium cordibus, & quomodo sepulta est.

Mox igitur ut à corpore anima beata migravit, nequaquâ fleuerunt eam sui, iuxta consuetudinem mundanorum; sed tantum gaudium in omnium cordibus effusum est: quale multi eorum nunquam

numquam ante senserunt: Et hoc usque in sepulturā eius integra iucunditate permansit: Tunc impletum est verbum ancilla Christi, quod diximus, quo consolandam suam matrem in ipsa sua morte prädixerat. Et hoc in tantum ut cum spiritualis pater iam defuncta, matrem eius consolari vellet, vidit eam tanta iucunditate repletam, ut rubicunda præ gaudio in facie videretur. Manè autem factō populus in magna constipatione ex omni parte confluit: oblato autem sacrificio Dominici Corporis cum maxima solennitate Corpus traditur sepultura.

§. LIII.

De primo miraculo, quomodo brachium mulieris sanatum fuit ea sepulta.

N*Ec mora: haud procul à sepulchro eius, Patre suo spirituali confidente, accessit ad eum mulier cum brachio ab humero usque in maxum conflato, ut fieri solet in talibus, consilium exposcūlans, quo posset recipere sanitatem. Tum ille gaudens in spiritu, & in meritis mox sepulta confidens, vade, inquit, & dic filia mea, ut nunc mortua mihi, sicut quondam vivens obediat & roget Dominum ut te sanet. Mox mulier in verbo Fratris accedens ad tumulum sepulta, dixit: Frater Zegerus per me tibi in hæc verba mandat, ut ei mortua, sicut quondam vivens obedias, & pro me Dominum roges, ut saner in brachio. Et vide quanta vis sermonis in Fratre,*

& quanta obedientia iam defuncta: mox namque sub eodem temporis spatio, & hoc multis videntibus, mulier in brachio restituta est sanitati.

§. LIV.

De mitra illius quæ post nouem hebdomadas sub terra inuenta est candens cū odore aromatico & sine corruptione.

Idem F. Zegerus cū matrem Margareta ante mortem illius sapius iam rogasset, ut sibi omnia quæ illius erant sicut sunt mitra, corrigia vel consimilia reseruaret. Post mortem illius singulatim singula requisivit. Mox allatis omnibus coram ipsa, sola mitra capitis eius linea, inter cætera defuit. Tūc dixit matri illius: Vbi est, inquit, mitra? cui illa: putrefacta est, inquit, mitra illius: vulnus enim horrendū habēs, cū fuisset solutū, sanie infecit mitrā, & hoc ita abominabiliter quod mitrā horruī lauare fædatā, & extra domum terra abscondēs putrefacta fuit, & hoc diu, quoniā nouē hebdomadarū tempus excessit. Tūc ille quasi obstomachās, oportet, inquit, ut mitram habēā etiam putrefactā. Mirum spectaculū. Aperta ergo terra, vbi mitra iacuerat, integerrima, candēs & sine macula saniei reperta est, & hoc pluribus videntibus & admirātibus valde. Et hoc supremū in ipsa mitra miraculū, quod pro fæore saniei, tanto odore respersa est, ut eam inter species crederes aromaticas iacuisse. Pro quo miraculo, tanta ipsam mitram dictus F. veneratione

neratione complexus est, ut eam illustrissima ac deuotissima matrona Domina Margareta, sorori Flādrice Comitissa sepiissimè denegaret, sed per eandē mitram sanitates fieri à dicto Fratre percepimus.

§. LV.

De eo quod quidam amicorū eius vidit eam quasi crystillino corpore, & in pectore rubicundam.

Non diu post mortē ipsius, quidam amicorum eius spiritualium eā cum diaphano, id est, crystillino corpore, & rubicundam in pectore vidit: arripit ergo illi cui apparebat, & dixit, illo beatiss. Agnetis utens eloquio: Ecce quod concupiui iam video, quod speraui iam teneo, illi sum iūcta in calis, quē in terris posita, tota deuotione dilexi. Et vide F. quā dignè hæc duo cōueniant, dū liliaceo candori translucido, rubor roseus & transparens iucundius admiscetur; in cādore notatur virginitas, in rubore eius charitas designatur.

§. LVI.

De tribus locis quæ quidā vidit in paradyso, & locum vnum sortitam Margaretam.

Vidā amico eius spirituali in vita ancilla Christi, tria loca varia in Paradyso per visionem fuerant demonstrata, ex quibus locus vnus Margareta, reliqua verò aliorum duorum esse debebant. Post mortem ergo iam defuncta, vidit ille qui prius, Margaretam locum suum esse sortitam:

200 DE B. MARGARETA IPRENSI,
*reliqua verò duo adhuc quidem vacua remanebant,
sed implenda suis seſſoribus fida mente ſperamus.*

§. LVII.

De eo quod ipſa viſa eſt aſtare cuidam Præ-
dicatori cum libro aperto, & oſtendere
quid dicere deberet.

CUm quidã ex Fratribus noſtris in ordine Præ-
dicatorum in populo predicaturus exurgeret,
viſa eſt manifeſtè Margareta cum libro aperto in
exedra ſtare coram ipſo, & quaſi predicanti oſtende-
re quod dicebat. Poſtquam verò predicauerat Fra-
ter, librum claudere viſa eſt, ſubitoq; diſparens cala-
rum ardua penetrauit.

Hic finis vitæ & libri præclara iuuenſcula Mar-
gareta de Ipris. Orent ergo pro me qui hunc librum
legerint, quatenus virtutem illius experiar, cuius
virtutes ſideli narratione deſcripſi, ad laudem & glo-
riam Chriſti, qui cum Deo Patre & Spiritu ſancto
viuit & regnat Deus per omnia ſacula ſæculorum.
Amen.

CAPIT





B.M. ALANVS DE RUPE. ZVOLIS.

36. f.

CAPVT VIGESIMVM TERTIVM.

*De Beato ALANO DE RUPE
Zuolla sepulto.*

ALANVM de Rupe virum ex ordine Prædicatorum, eruditione eximium, vita sanctissimum, constat plerasque Belgij partes peragrassè, atque in ijs assiduo concionandi studio ac labore indefesso, pro Christi eiusque sanctissimæ matris gloria, prout ab illa monitus fuerat, plures annos strenuè decertasse: ac tandem Zuollæ supremum diem feliciter clausisse. Quare quem nonnulli patria Germanum, alij longè melius Britannum fuisse existimauerunt, nos tanto potiore iure nostratibus adscribimus, quanto illi magis faustū fuit, omni virtutum merito cumulatissimum, è Belgio, sempiterna cælestis vitæ gaudia adiisse, quā ex ea in qua demū natus sit terra, huius peregrinationis calamitatibus, maximisq; de salute periculis obiectū fuisse. Alani patria cum, in prælium contra spiritualia nequitie grauissimū crudelissimūq; produxit; Belgica verò victorē vidit, & ad immortalitatis arcem, vbi perennes agit triumphos, feliciorē sorte transmisit. Ergo Belgicis sanctis

sanctis iure optimo eū adnumeramus, vt nō minus Zuollanus & Belga dicatur, quā sanctissimus ille Antonius Vlissipponæ natus, Patauinus est appellatus: & sicut illū alij Patauij decus vocant; ita nos Alanum Belgij lumen ac columen, pia gratulatione, pleno ore acclamamus, & tutelarem patriæ vouemus.

Porrò quæ fuerit vitæ eius series, quæ ei diuinitus collata beneficia, admiranda sane ac pene incredibilia, partim probatorū scriptorum verbis, partim ex ipsiusmet, ea de se suppresso nomine ad maiorem Dei gloriam narrantis, iurato testimonio, proferemus.

Imprimis igitur eū in minore Britānia natum testatur P. Cornelius Sneckis Rostochij in Saxoniā S. T. publicus olim professor, qui Alano iā cano & ætate fesso iuuenis virefcebat, Michaelis Insulani Colonix discipulus. Is (inquā) in opere sermonū de Rosario, Alanū Britannū facit; cui Leāder Albertus consentit li. 4. f. 150. & breuiariū ord. Præd. nuper à sapientissimo P. M. Thomā de Maluenda castigatū, in festo sanctissimi Rosarij. Fuit etiam Alanus ord. Præd. ab ineunte ætate adscriptus; in quo studijs Philosophicis ac Theologicis diligenter incūbens, eximiā sibi eruditionē comparauit, & emeritam Magisterij laureā S. Theo. professione promeruit. Eius discipulū fuisse se fatetur in quodlibeto de Rosario fol. 25. Michael ab Insulis, vir
eximius

Eximius & Salubriensis postmodum Episcopus. At verò utrùm doctrinæ, & eruditioni, virtutis studium perpetuò coniunxerit Alanus; haud constat, nisi quod ipse lib. de dignitate Rosarij B. Virginis cap. 5. scribit se aliquando fuisse variis peccatis obnoxium; sic enim habet. *Iste (de se non nisi tanquam de alio vnquam loquitur) dudum magnus fuit peccator, à multis peccatorum speciebus undique tempora per multa ligatus: ut hoc viso confidant peccatores. Ideo enim B. Maria innocentem non elegit, sed peccatorem: sicut Christus Magdalenam in sponsam.* Nihilominus vitam malè prius institutam seriò postea correxit, & Deo vberem gratiam largiente, tantos in virtute progressus fecit, ut diuinis reuelationibus recreari frequenter, Iesu Christi, Deiparæ ac B. Dominici alloquiis demulceri, insolitis donariis è cælo augeri, denique admirandis prodigiis celebrari, meruerit.

Cùm enim Rosarij amor eiusq; recitandi studium, quo cultu Virgo Deipara oblectatur, & ad preces fidelium audiendas prouocatur, penè interiisset; aruissentq; in cordibus hominum illa gratiarum rosæ, quorū semper verni flores hyemem nesciunt, peccatis medicinam præstant, cælorum reginam vario virtutum colore adornant, odore recreant, & (ut ex spiritali cantico dicamus) præ amore Dei sui languentem fulciunt:

Cum

Cùm (inquam) aruissent diuina illa rosaria, quæ vel plantauerat olim sanctissimus ordin. Præd. fundator Dominicus, vel fecundis concionum ac virtutum suarum fontibus irrigua, ad pristinam viriditatem & pulchritudinem reduxerat: Beatissima Dei genitrix, Alanum nostrum eiusce sui cultus restauratorem elegit; qui sedulò Rosarij sibi longè gratissimi amorem, qui tum intepuerat, rursum excitaret, priscumque eius recitandæ feruorem sacrarum exhortationum facibus inflammaret.

Quare ei se conspicuam fecit, de neglecto Rosarij cultu eum admonuit, quem vt totis viribus promouere satageret, rursumque sacra illius sodalitia aggregaret, imperauit. Diabolum hominum saluti inuidentem, magnis molitionibus pio illi instituto remoram injicere conaturum prædixit, atque ipsi Alanus grauia illaturum: Affore se tamen in omnibus opitulatricem promisit, sælicemque totius rei progressum sibi curæ futurum spopondit. Et verò vt in munere hoc persequendo instructior esset, atque confidentior, anulum ex sanctissimi capitis sui crinibus mirabili opere contextum dedit, beneficium sanè rarum atque inestimabile. O certè vana omnia quæ miseri mortales in pretio habemus; aurum, argentum, gemmas, & quidquid diuitiarum deliciarumve natura donare potest.

test. At virgineum hoc donarium, est beatorum quoque Angelorum, qui peritura ista contemnunt, æstimatione maximum; cuius reuera homo pretiū nescit nec inuenitur in terra suauiter viuentium. Annulus est è cælo delat⁹, ex illis cincinnis cōpositus, quos aded⁹ studiosè extollit cælestis spōsus Cant. 4. vt se vnico illorū inspecto virginis amore saucium fuisse fateatur: & tamen, ô admirandam Dei benignitatē! Alanus illorum fasciculum possidet, intimi eiusdē virginis erga illum amoris symbolū; quæ etiā præsente Christo sanctisq; cōpluribus sponsū illum sibi asciuit, spōsalitiasq; arrhas dedit annulum illum, & Rosarium vnum quod eius collo inlecit. Hæc publicis scriptis, viri quidā pij iuxta & eruditi cōsignarunt, quorum verba hoc loco referre lubet. Primò quidē P. Ioan. Bonif. ē Soc. Iesu l. 2. historiæ virginalis c. 15. ita narrat. *Cūm Rosarij rosa defluerent, ac feruor inteperesceret quem quōdam Eloyus Carthusianus accenderat, quæ sauiissimam Germania pestem Rosarij medicina fugaret, quemq; D. Dominicus omnium maximè inflammauerat; Deipara Virgo animorum medicina inuentrix expultrixq; morborum Alano mandauit, vt Rosarij sodalitates rursus aggregaret; quo autem ad id muneri paratior & pronior redderetur; concionibus adiutricem se fore virgo promissit, edituramq; miracula. Quorum vnū annuli fuit, quem ex digito virginali detractum, deq; sanctissimi sui capitis crinibus capillisq;*

lisq; contextum Alano dedit induendum. Quo ille done erectus ac recreatus, annos quindecim Rosarij concionator fuit, diuinisq; flores varijs mundi locis sparsit, qui odorem suauissimum exhalarunt. Subscribit Iodocus Beysselius opusculo de Rosario, qui præterea refert beatissimam Dei matrem Alano cælestium rerum cōtemplatione atq; admiratione occupato, sensibusq; abstracto, ex illis suis vberibus lac Virgineum in os infudisse, quæ sponsi testimonio, botris assimilata pulchriora sunt vino. Scilicet versanti Alano in areola aromatum & castæ voluptatis horto, ibi dedit ei sponsa vbera sua, suauissimi nectaris fōtes. Verba Beysselij sūt: Circiter annos Domini mille quadringētos septuaginta, deuotissimus doctor Alanus de Rupe Dominici patris ut professionem, ita pietatem erga Christiferam imitatus, antiquatam penè & aliquot iam seculis deficientem coronariorum fraternitatē in lucē reuocauit, utique eiusdē diuæ monitu, quæ quondā Dominicū ad hoc ipsum impulerat. Siquidem ei diua Virgo ut alia pleraque, ita hoc reuelasse traditur, horrēdas uniuerso orbi minas impendere: Itaque ad intermissas salutationum quinquagenas populos reuocaret; sic posse quamplurimos ab exitio liberari. Quā reuelatione affectus vir sanctus, tanto ardentiore animo diuæ Christifera coronarios suscitauit, quanto remissiore iam defecerant. Nam tanta cura atque diligentia huic rei predicandæ incubuit, cum alia pleraque loca, tum maximè Septentrionalem omnem

omnem Gallia Belgica oram, & Saxonum in Germania terras perlustrans, ut multa hominum milia breuissimi temporis spatio huic sanctæ militiæ inscripserit. Et quid mirum, si Mariam iste in tantum zelaret, quando cum hac talem tantamq; habuisse familiaritatem inueniatur, qualem homo cum homine mortali vix habet? siquidem hunc & desponsatum fuisse ab ipsa Diua asserunt, & cælesti insuper ore deosculatum. Quod autem addūt, omnem fidem exuperat, virginæam Diuam exerto ubere lactis copiam oranti aliquando & contemplanti in os fudisse. Quid non penetrat Mariæ pietas! Putaret meritò quiuis hac nec verò quidem similia esse, nisi diligere iustos ac pios, quamquam mortales, potissima superiorum natura esset. Iam verò harum veritatem rerum idem Mariæ sponsus tam grauissimo sub iureiurando astruxit, additis insuper diris imprecationibus si falleret; ut fidem cuique facere, etiamsi talis vita non fuisset, debuerit. Nomen autem suum cum illa scriberet ad gloriæ humanæ fugam (ut ferè in talibus faciunt) suppressit. Hactenus præfatus auctor. Operæpretium verò est ipsum Alanum de Deiparæ nouello sponso (sic enim se nominat) hæc eadem commemorātem audire. Is ergo cap. 6. Compendij de Rosario, ita scribit: Et nihilominus ex Mariæ Virginis nouella desponsatione mirandis cum signis & prodigijs, psalterium hoc approbatur, & valde confirmatur. Quamquendam nunc viuentem desponsauit, magnis cum intersignijs, & anulo ex crinibus virgineis facto
mirificè

mirificè desponsando: & eum simul gratia sapientia
 & potentie singulari prædotauit abundantius. Mā-
 dauitq; ei frequentius cum Domino Iesu Christo, sub
 pæna mortis corporalis, & diuina offensa, hoc sacra-
 tissimum prædicaret psalterium ad placandum diui-
 nam iracundiam: & contra instantiam tam in Ecclesia
 & in religionibus: quam in seculo pericula inen-
 narrabilia, dictum est ei ab eisdem, quod omnes per-
 orantes, in breui erga se diuinam sentirent benedi-
 ctionem. Quæ omnia vera esse, iā plurimis in terris
 facta inenarrabilia clamant prodigia, & extollunt
 opera Dei miranda. Eandem prædicandi Ro-
 sarij prouinciam ipse Christus, cuius vitæ
 præcipua capita sancto illo prædicandi modo
 percurruntur, Alano (cui sacris operanti ma-
 nifestus apparuit) serio demandauit. Nec de-
 fuit sanctissimus eiusce precarij instituti in-
 uentor, aut certè primus ac mirificus propa-
 gator Dominicus. Is enim eximiam illam
 Spartam, quam admirabili opera & clarissi-
 mo vitæ genere exornauerat, in Alanum de-
 stinatum à Deo salutatis illius precationis
 renouatorem, transmisit; hæc ut lib. de di-
 gnitate Rosarij, Alani posthumo cap. 18. re-
 fertur, illum admonens: *Vides quomodo profeci*
per Virginem Mariam in sermone isto; id ergo fa-
cias etiam tu, & omnes Mariae amatores: ut sic trā-
hatis populos ad veram scientiam omnium virtutū
& morum per psalterium Mariæ Virginis.

Portò Alanus talibus tantisque monitis

excitatus, armis instructus, præsidijq; subnixus; Iesu Christi, eiusque sanctissimæ matris nomina, tanquam alter gentium Apostolus & vas diuinæ electionis, per Britanniam, Belgicam, ac Saxoniam circumtulit: eorum gloriam sacrique Rosarii amorem longè lateq; diffudit; totosque quindecim superstites vitæ annos Mariæ laudibus prædicandis, sodalitijs ad eius honorem aggregandis, conuertendisq; ad meliorem frugem hominibus, assiduo labore incubuit atque insudauit.

Dolebat autem tenebrarum princeps diabolus, Mariam periculosi huiusce maris Cynosuram, sereno vultu splendentem, Alani opera, discussis scelerum nubilis, naufragantibus fidelibus monstrari: iniquè ferebat tot vbique institui virtutis palæstras, Confugia pœnitentiæ, Asyla pietatis. Quare in Alanum primarium omnium Coryphæum, bellum molitur, grauissimisq; illum malorum incendiis circumcingit, ijs præsertim quæ in vasta solitudine atque inter feras olim in frigido ac præmortuo Hieronymi corpore sola bulliebant. Datus siquidem fuit ei stimulus carnis suæ, qui cum acriter colaphizaret, & libidinum flammæ casto pectori subjiceret. Nec verò singulare fuit illud certamen, quāquā è plurimis alijs prædurum: Etenim truculentus ille seu qui S. Iob, seu qui Antonios, Macarios, Paulos, similesque complures ad insignem

insignem immortalis patientiæ palmā exercuit; septem annos Alanum nostrum crudelitate mirabili, & aperto, vt aiunt, Marte persequutus est. Ita verò, modo horribilibus spectris eum deterrebat; modò immani barbarie dirissimo verbere affligebat, variisq; tormētis excruciabatur. quæ quia de se, more quidem suo, suppresso nomine Alanus lib. illo posthumo de dignit. psalterij cap. 4. & 71. aliisq; locis commemorat; eius verba hic subjicere lubet, quæ etiam, refert Pater Andræas Coppenstein lib. 2. de Fratern. Ros. cap. 17. Sic ergo habet: *Antequam ad Rosarij admirandam gratiam peruenit; assiduè cantabat hoc Canticum Maria, cupiens liberari à malis diaboli, carnis & mundi, & quidem a quibusdam est liberatus: sed alijs maioribus pugnis est impugnatus. Septem enim annis continuo à diabolo fuit crudelissimè tentatus, percussus & flagellatus; adeoq; fuerunt saua hæc verbera, vt sæpius ei vitam extorsissent, & ipse in desperationem corruisset; nisi Maria Virgo eum adiuuisset. Quinimo sæpius tam vehementer agitatus fuit à spiritu desperationis, vt sæpe ei vitam extorsisset, & signanter semel; nisi visibilissimè in Ecclesia ordinis eiusdem, Maria eum liberasset, subito tentationem profugando. Manus enim illius bene trahabatur ad ferrum, & ipso nolente flectebatur brachium cum ferro ad guttur proprium, tã valide, vt tunc se iugulasset nisi brachium eius Regina pietatis tenuisset, alapa eum feriendo, dicens: Quid, &*

miser, quid agis? si me debite inuocasses ut dudum solitus es, nequaquam in tantum periculum incurris- ses. Dixit & disparuit. Sed & paulo post grauissima & incurabilis infirmitas eum arripuit; ut omnis hanc sciens, indubie iudicaret hunc mortis vine fuisse filium. Cum igitur à demonibus undique agi- tatus, turbatus conscientia, infirmitate grauatus, mi- serabiliter iaceret: vehementissimis suspirijs ad Vir- ginem Mariam ita ferè clamabat: Heu me miserum mortis filium! Heu, quid faciam! cœlestia mihi repu- gnant. Speraui me habere tuam, ô Maria, gratiam; & ecce grauiorem undique decidi in maledictione. Heu me, cur natus sum? cur religionem hanc intraui? Quò mihi valuit seruitium Dei tam durum? ubi veritas dicentis: Iugum meum suauē est? &, quod non permittat tentari ultra quam possumus? Ita ille cum Iob & Hieremia clamans deficiebat. Cum ecce subito post decimam noctis horam, resplēduit claritas Dei in cella, apparuitq; beatissima Virgo Maria, quæ suauissime salutato, & colloquijs multis lactato, la- thalia demonum vulnera rigauit, & mox sana red- didit; simulq; eum sibi, Domino Iesu Christo prasente & multis sanctis realissime desponsauit. Hactenus ex Alani verbis.

Grauiā verò ista sunt & admiranda, nec tamen hic finis aut à tentationum turba cō- cessa quies. Etenim & à falsis fratribus, Pauli instar, plurima passus est Alanus. Nonnulli siquidem viri Ecclesiastici, seu quæ ille euul- gabat miracula, atque eximia Virginis Dei-
paræ

paræ beneficia, utpote insolita, non admodum probarent, seu (quod interdum fit) inuidiæ stimulis agitati iniquè ferrent summa omnium gratulatione prædicationis palmã Alano tribui: obloqui primum, deinde calumnias texere cœperunt; tum verò cōcepto odio etiam eas asserere sunt ausi, & innoxium Virginis clientem, dicam etiam (ut ipse se nominat passim) nouellum sponsum, apud Ferricum Tornacensium Episcopum impudenter criminari. Alanus verò ex iniqua illa diaboli per emissarios quosdam machinatione, non iam se solum impugnari, sed & ipsum Rosarij institutum periclitari ratus, Apologeticum scripsit, quo muneris sui rationem reddidit, & quæ à se vnquam de Rosarij admirandis dicta fuerant, verissima esse demonstrauit. Nihilominus periculosus ille cum personata (ut creditur) contrariorum pietate conflictus, ei causa fuit cur non nihil remissius, & minus quàm par esset prædicandi Rosarij munere perfungeretur. Quod Christo eiusq; matri ingratum fuisse, ex eorum admonitione & increpatione cognouit. rem his verbis narrat ipse, præfato libro de dignitate psalterij cap. 13. *Vidit is aliquando, tempore celebrationis, in S. Eucharistia Dominum nostrum Iesum Christum quasi crucifixum, sicut fuit tempore passionis suæ; audiuitq; Crucifixi vocem, Tu me iterum crucifigis. cui ait*

persona hoc videns. O Domine Iesu Christe quomodo infelix ego scelus tam nefandum perpetrare possum? Et Dominus Iesus. Tua peccata me crucifigunt, etsi non operando tamen omittendo. Cum enim habeas scientiam & potentiam ad officium predicandi, tu es reus omnium malorum quae auertere posses, si predicares psalterium meum. Factus enim es sicut canis non valens latrare, cum tamen totus mundus lupis repleatur: & nisi te emendaueris, in Patre omnipotente iuro, quod tu de salso prandio mundanorum ista accipies. Et subito videbat quasi barathrum infinitae voracitatis, ubi cernebat viros Ecclesiasticos & religiosos, & mundi potentes in copia innumera discumbentes, ubi nix, grando, ignis, glacies, & spiritus procellarum pars calicis eorum erat, omneque genus serpentum, cunctaque mundi turpia & horrenda: comedebantque usque ad plenum. Tunc Christus ad eum dixit: Ecce, ibi tua requies, si amplius silueris. At ille dixit: Domine quid me vis facere: & Dominus Iesus Christus; Predica psalterium meum, & ne timeas. Ego pugnabo contra omnes, te pro ista materia impugnantes.

Alio quoque tempore affuisse sibi sanctissimam Deiparam, itemque secum de tempore & animi remissione expostulasse, scribit idem eiusdem lib. cap. 52. in hunc modum. Sponsus nouellus gloriosissima Virginis Mariae fuit aliquando raptus; postquam diu psalterium Virg. Mariae perorasset. In quo raptu vidit assistentem Beatissimam Virginem Mariam, quae sic eum allocuta est: Cur more solito

solito non deseruis mihi in psalterio meo? Rectè incepisti: sed acedia multum intepefcis. Et ne modicam putes mercedem esse quæ tibi dabitur, si fideliter seruiueris, ultra eam quam accepisti; veni mecum, gloriã & excellentiam tibi manifestabo ampliozem. Sic igitur Maria ducente ad cælestia peruenit palatia, ubi vidit ciuitatem &c. Et post multa ac miranda, Beata Virgo inquit; Similes sponondi ciuitates cūclis seruientibus mihi in psalterio meo. Tunc piissimus Iesus ait: Ego, ô sponsa charissima, tui amore me eis, cum omnibus postulatis in aeternum condono, si perseuerauerint in psalterio nostro. Tu verò (ad Alanum sermonem conuertit) adde, & fortius orare memento, & attentius si ciuitatem tuam volueris facere ampliozem; clariozem & suauiozem. Sicq; volens nolensq; cælestia dimisit, & in terra se tristem reperit in parte, de tanta gloriæ dimissione. Excitatus autem his correptionibus, sedulo omnem nauauit operã vt intermissum prædicandi studium, frequentioribus concionibus & multiplici fidelium fructu, maioreq; sacri Rosarij incremento compensaret; semper in ore salutationem Angelicam (verba sunt Episcopi Salubriensis) ambulando, loquendo, prædicando habebat, & quandocunque aliquid pronunciare aut dictare volebat, prius quàm inciperet, genibus flexis, salutationis suffragio diuinum auxilium requirebat. Cū autem (vt aliis plerisque sanctis accidit) semel ad cælestia contēplananda animo esse ieiuno & arido; eaq; de causa

anxiè torqueretur: apparuisse sibi & solatium attulisse mundi Reginam, in hunc modum scribit, cap. 56. *Speciositatis immensa & ineffabilis misericordiae & dulcedinis benignissima Virgo Maria suum addidit visitare sponsum, infra octavas quasdam omnium sanctorum. Cuius infinita videbatur pulchritudo; adeo admirabilis, ut omnis mundi pulchritudo huic comparata, videretur sola esse pietura & umbra veritatis. Tantæq; suavitatis ac gloriofitatis ipsa erat in suo aspectu virgineo; tamq; profunda in eloquio; ut omnium estimationem hominū penitus excedat mortalium. Cumq; iam prefatus multis elapsis antea diebus satis vagabundè officium psalterij dixisset; de hoc suprà modum dolebat, quod attentè & sapidè illud psalterium dicere non valeret. Estimabat enim psalterium nihil sibi prodesse, cum ad idem non posset attendere, singularissimè ex demonum maxima tentatione, quā mente quam plurimum totus erat obtenebratus. Hunc igitur Domina nostra trepidantem & de Ecclesia fugere volentem, alloquitur, dicens. O dulcis fili, ne fugias. Illicò diuina tunc virtute pedes eius terra inseparabiliter adhaferunt. Rursus Domina ad eum: Si de me meisq; puellis dubitas: signa me signo sanctæ crucis, cunctasque mecum quas vides puellas. Et si quidem à maligno sumus, fugiemus: sin autem, fortius stabimus, & clarius tibi apparebimus, quoniam & fecit, &c. Quibus peractis Domina ad eum ait: O fili iam non dubites; tua enim sum sponsa, sciasque non sine afflictione in hoc mundo posse quenguam vivere.*

viuere. Nam nec ego, nec filius meus, nec alij sancti hoc habuerunt. Quinimò te prepara sub armis fidei & patientia ad variaplus quàm vnquam, sustinendum tentamenta. Nec te, ò fili, elegi vt pigriteris; sed vt bella mea tanquam miles inuictus praelieris. Et peramplius non terreat te ariditas mentis, quam me volente aliquibus diebus passus es. Hoc enim debes capere tanquam supplicium in pœnam pro tuis peccatis; & ad promotionem patientia & virtutis, atque pro salute viuorum & defunctorum.

Plurima alia sanctissimo Alano contigerunt diuini erga eum amoris argumenta; plura etiam Belgio pietatis exēpla reliquit; quæ tamen nos consequi non potuimus. Dabit quod speramus, aliquando Deus vt huius sancti viri aliorumque Dominicanorum qui Belgicam magnis sanctimonix radijs illustrarunt, gesta ac nomina è tenebris situque eruta, lucem plena fronte aspiciant: nos transennam tantum damus; & futuro operi rudera tantum, & impolitas materias præiacimus. Ex ijs tamen quæ percēsuimus, cōstat Alanum nostrum sanctitate insignem & eximium patientiæ decus, Belgio, concionum frequentia, editisque miraculis non parum profuisse: & nunc quidem etiam prodesse confidimus, quando calamitatum & grauissimorum certaminum, quorum illi cessit victoria, iucunda recordatione percurrit. Multæ illi, vt pote iusto, tum alibi tum in Belgio

Belgio tribulationes fuerunt; verum de omnibus illis liberauit eum Dominus.

Quando in continuo atque durissimo agone fuit; vires suffecit Christus, Deipara tutelam attulit, spectarunt & auxiliati sunt angeli: Nunc verò quâ putas victorem corona donauit Christus; quas addidit gemmas intexitque Deipara: qua modulatione beati illi spiritus ter fœlicissimum Io accinuerunt; quo celestimate in æternitatis portum indutum Alanum exceperunt, quando bonum certamen certauerat, cursum consummauerat, Deo & Virginis sponsæ suæ fidem seruauerat? Porro ad cælestem illam gloriam sanctissima Alani anima commigravit anno salutis 1475. celebri Natiuitatis Deiparæ festo, cum eiusdem Virginis Assumptionis die morbo affligi cœpisset. Obijt verò ac sepultus est Zuollæ, quæ ciuitas est Belgica Tripoloos Transisalanæ. Meminerunt Alani Tritheimius lib. de scriptoribus Ecclesiasticis, Sixtus Senensis lib. 4. Bibliothecæ sanctæ, Historici omnes ord. Præd. & plures alij.

CAPVT VIGESIMVM QVARTVM.

*De Beata memoria MARGARETA DE
GERINES Bruxellensi.*


PROXIMVM erat vt de veterum patrum ex conuentu Bruxellensi sanctitate sermonē faceremus, si quæ nobis ex temporum iniuria antiquæ virtutis vestigia superessent. Floruisse quidem in eo Danielem quendam Iscanū vitæ sanctimonia clarum scribit Ioānes Gramaye in sua Bruxella, ex vetustis illius cœnobij tabulis: nihil tamē de eius gestis cōpertū est. Quocirca Bruxellā ultra nonnihil progredimur; & inter plurimas virgines ē celebri monasterio Vallis ducissæ ex ord. Prædicatorum ab Aleide Brabantix ducissa extructo, in Margaretæ laudes excurrimus. Situm est Virginale illud Dominicanarum iuxta Bruxellam rubeæ vallis Regularium S. Augustini cœnobio proximum: ex cuius bibliotheca 2. p. noualis Sanctorum, auctore R. P. Ioanne Gilemans B. Margaretæ vitam deprompsimus, & vt ab auctore conscripta est, damus.

GESTA

GESTA VENERABILIS AC
RELIGIOSISSIMÆ VIRGINIS

MARGARETÆ
DE GERINES.

NATIONE BRUXELLENSIS,
CONVERSÆ IN VALLE DUCISSÆ
Cœnobio ordinis Prædicatorum, iuxta
Bruxellas.

 *Emporibus nostris in quos fines sac-
lorum deuenerunt, floruit in Braban-
tia quidam flos virgineus, omnium
virtutum decore adornatus, qui in
quodam cœnobio Sanctimonialium ordinis prædica-
torum degens, totius sanctitatis & perfectionis exē-
plar extitit, dum aduixit. Nam tanta charitatis,
humilitatis, puritatis, paupertatis voluntaria, obe-
dientie, patientie, ac deuotionis semper fuit, ut ego
qui hæc scribo, tester, cunctis familiaris mortalibus
eam noscens: quod similem ei per omnia non cogno-
uerim in diebus meis. Hac de honestissimis nata pa-
rentibus in ciuitate Bruxellensi, a patre suo viro no-
tabili plus ceteris liberis amabatur; quia à sua pue-
ritia non solum decorafacia, sed etiā Deo deuota erat
in voluntate, & opere. Huic nomen Margareta co-
gnomento de Gerines, quæ in ætate puellari vsque ad
annum*

annum vite sua decimum octauum deguit in saculo: nihil tamē constat eam puerile gessisse in opere. Quin imò magnum tadium concepit, videns aliquas vanitates mūdanasque delectationes exercere. Sic saepe contigit ut se sequestraret ab his, & in camerulā suā libenter sola habitaret. Cum autem esset undecim vel duodecim annorum postquam redisset à scholis, statuit in animo suo permanere casta & munda apud parentes suos: nam de statu monastico nihil penitus nouerat, & per consequens, affectum ad eundem nondum conceperat, eo quòd secundum saculum educata fuerat. Mansit itaque in hoc proposito, domi, usque ad annos duodeviginti, legens aut scribens siue quodpiam aliud iuxta matris desiderium, operans. Inter ea dum ex aliquo monasterio audiret campanulas pulsari, corde clamauit ad Deum apud quem erat totum desiderium eius: & consuevit noctis clanculo de lectulo suo surgere, & cum locum opportunum haberet se solotenus extendere: instanter obsecrās Dominum quatenus adhuc sibi tempus & locum aptum prestare dignaretur, quo ei deuotè ministrare valeret. Insuper in pueritia existens consuevit super nuda carne se quadam nodosa cordella circumcingere: quod quidem genus longo tempore exercuit, concernens pœnalitatē pœnitentialē. Quā cito autē valuit sese à mundi vanitatibus abstraxit. Nam cum in domo parentum aliqua solatia exhiberi conspexit, ingens tadium exinde concepit, & ad secretarium cubilis sui confugit. Præterea cum genitrix illius sibi discumbenti præciperet ut surgeret, & quoquam

iret;

iret; illa in ipso itinere locum secretum captans, super nudā terram se extendebat, & intensissimè Deū exorabat, quatenus eā ad talem locum perducere dignaretur, ubi a ~~omni~~ mūdā vanitate libera, eiusdem seruitio aptari mereretur. Denique cū anno vitæ suæ vigesimo appropinquaret, prouidente Deo concepit amorem ad statum conuersarum: tum quia humilis erat, tum quia ad statum monialium sufficienter instructa non fuerat.

Demum consecuta est desiderium suum, & suscepta in ordine & numero conuersarum; in quo usque ad finem vitæ suæ religiosissimè Deo seruiebat: multa tamen aduersa & tentamenta tam ab intra quàm ab extra perferebat. Nam frequenter dolores capitis sustinuit, & surditatem aurium circa initium suæ conuersionis acquisiuit: pro cuius incommodo remouendo, mellifluos rithmos in materna linguā, ubi tacitè plangit spiritualem delectationem quam in auditione diuini officij haurire consueuerat, sibi ablatam, composuit. Hac enim vna causa fuit quare surditatem incurrisset adeò se doluit, quia videlicet diuinum officium dum decantaretur, audire non valuit. Alia causa extitit pro eo quod confessor illius propter eam vexatus fuit. Attamen in omnibus huiusmodi corporalibus aduersitatibus patientissimè se gessit; imò in cunctis quæ Deus illi immisit, se promptam & hilarem, cum quadam gratitudine animæ, ad suscipiendum, præbuit. Testificata est autem aliquando quod contra voluntatem Dei non optaret ad momentum oculi, suas mitigari pœnalitates:

tates: pro earum tamen ablatione Deum aliquando deprecata est, propter causas præfatas; videlicet quia contigit alios, præcipue confessores, vexari propter eam: & quia diuinum officium audire nequaquam valuit dum cantaretur, aut legeretur; quod eide valde graue extitit, pro eo quod tantum delectari consueuerat in auditione canticorum Ecclesiasticorum, quod aliquando sibi visum fuerit calum desuper apertum. In his omnibus patientissima inuenta fuit, ac semper Deum laudauit, & ipsum laudari ab alijs flagitauit pro omnibus aduersitatibus suis, quas nihil aliud quam dona Dei aestimauit. Denique aliquando tam debilis fuit quoad caput, siue occasione aliarum grauitatum superuenientium, quod vix potuit legere horas suas: & tunc consueuerat se conferre ad aliquem locum secretum & liberum, & sic offerre Deo cunctas aduersitates suas pro sacrificio singulari laudis & honoris, orans cordialiter eum, & dicens: *Mi dilectissime anime mea, opera mea non sunt talia ut ex se tibi placere queant: verumtamen paterna voluntas tua in me adimpleatur, ita ut si perspexeris mihi non sufficere aduersitates quas patior, addas mihi maiores, secundum quod nosti imbecillitatem meam cum gratia tua posse tolerare.* Et quamuis non valeam te laudare cum his qui seruiunt ac iubilant tibi die ac nocte, secundum desiderium tuum: saltem me dignam facias ut te sequi merear onusta pondere sanctæ crucis tuæ, ac grauaminum meorum.

*Intrinsēca quoque tentamenta quæ pertulit, non minima erant, tum ex naturali timore, tum ex diabolica immissione. Nam cū frequenter diuinis consolationibus & dulcedine spiritali perfrue-
retur; peruēnit ad notitiā eius vulgare illud pro-
uerbium quod communiter recitatur, quod non est
nimis bonum plurimas internas dulcedines in præ-
senti tempore sensibiliter experiri. Hoc attento insur-
rexit aliquando timor quidam in cor eius, ne fortē
Deus in posterum tanto minorem consolationem illi
conferret, quanto maiorem in presenti tempore præ-
rogauit: nam sensibilem deuotionem & lacrymarum
gratiam non modicam persentire in oratione consue-
uit. Hinc accessit aliquando diabolus, tentans eam
ac dicens: Putāsne quod hæc sit seruitus Deo placita?
Æstimas te de dulcedine ad dulcedinē peruenturam?
Non utique sic ad illam pertinges. Huiuscemodi tu-
multuosus insulibus nitebatur eam debellare hostis
antiquus; cui illa corde, pariter & verbis, respondere
consuevit, dicens: Amore Dei & Domini mei præ-
dilecti libenter volo aternaliter damnari, dummodo
ita placuerit illi: nec desidero ad ielū oculi in celo
consistere contra voluntatem eius. In omnibus igitur
prompta est voluntas mea, in quibus quoquo modo
propagari laus sua possit. Neque enim Deo seruo
propter gloriam (id est, qua ipse me glorificet) suam,
sed propter seipsum & bonitatem suam: nam si nec
cælum esset, nec infernus; vellem tamen illi ministra-
re, & adharere totis visceribus anima mea. Aliquā-
do etiam diabolus suggererat illi, & immittebat quod
nunquam*

nunquam veniret ad fruitionem Dei; quasi opera sua mala essent & insufficientia; & quod Deus vellet ei in presenti tempore tribuere quod deberet in posterum aternaliter possidere. In his quoque tentamentis patientissima inueniebatur & longanimis; sperans quod Deus eam à se finaliter non separaret, si ipsa eidem fidelis & obediens usque in finem consisteret. Confortabat quoque sese & consolabatur contra diaboli suggestiones, nitentis eam in desperationem inducere; per diuersorum sanctorum exempla: ut puta Petri Apostoli, Dominici, siue Arsenij: quibus gratia lacrymarum & spiritualium delectationum copiose in hac vitâ donata extitit; quos tamen diuina misericordia usque in finem non deseruit, imò in calce præ multis beatorum spiritibus altius sublimauit. Non tamen illos sanctos in exemplum assumpserrat quasi equiparando se ipsis, cum è conuerso sese magnam peccatricem confiteretur: sed in augmentum suæ spei, illos assumptos in memoriam reuocabat. Insuper & Deum in omnibus euentibus laudabat, siue prosperi essent, siue aduersi: nec enim sensibilem deuotionem magnipendebat, sed quando spontè se offerebat, eam cum gratiarum actione sumebat, & quamdiu sibi licebat, frequentabat & continuabat. Porro quando diabolus hanc deuotam ad pusillanimitatem inclinare nitebatur: illa frequenter, conuersa ad Dominum, flebilibus oculis dicere consueuerat: Domine Iesu, sicut vis, & sicut scis, miserere mei. Si fuerit honor tuus, libenter volo condemnari. Etsi nunquam premiarer, à tuo seruitio non separabar in æternum.

P. æternum.

aternum. Tribulatio verò corporis & omnia aduersa
 sunt mihi ad sustinendum solatioſa, propter te; et ſi de-
 berem aternaliter infernum poſſidere. De amore Dei
 proteſtata eſt hæc fidelis ſpōſa eius, quòd nec in calo nec
 in terra quiſquam viueret, pro cuius amore magis læ-
 gueret: nam ſi calum & terra ſui iuris eſſent, prius ea
 mergi in profundū ac deperire ſineret, quā Dei amorē
 relinqueret. Dilexit igitur eum ex toto corde, id eſt,
 ſapienter; ne in errorem deduceretur, ad quem eam
 diabolus deducere conabatur, ut dictum eſt: ſed illa
 ſemper in amore Dei conſtanter perſtitit, ac proinde
 ipſius molimina vicit. Dilexit igitur eum ex tota a-
 nima ſua, ne illiceretur carnalibus deſiderijs & ille-
 cebris; quia mundanas delicias non amauit: imò nec
 ipſa neceſſaria corporis ſuſtentationi ſumpſiſſet, ſi eis
 carere potuiſſet. Sunt & alie ſpirituales deliciae, quas
 etiam propter ſciptas non appetiuit, propter ſui ſapo-
 rem aut dulcedinem ſenſibilem: ſed mera intentio ac
 deſiderium ſuum fuit honor & voluntas Dei, in a-
 maris & dulcibus, in carētia & fruitione. Nam qua-
 litercunque Deus opus ſuum operabatur, ipſa ſemper
 eū laudabat & veneratione. Dilexit etiā Deū ex tota
 mente, ne ab eo auerteretur per diſtractionē & incu-
 riam. Nam meditatio eius in conſpectu Dei ſemper
 fuit; ſciens quoniam nos omnes in corde Dei conſcri-
 pti ſumus. Et admirans quomodo in unico temporis
 momento cor noſtrum ab eo ſeparari patimur, & ob-
 ſequium amoris illius obliuiſci; conquerebatur in hūc
 modū, dicens ad Dominū: O mi chare Deus, quale ex-
 rat cor illud quod ſui Creatoris poteſt obliuiſci? hic
 planè infidelior eſt quā fur & latro: cum tu, amabilis

Domine, locutus sis per prophetam Isaiam dicentem: Nunquid potest mulier obliuisci infantem suum ut non misceatur filio uteri sui? Etsi illa oblita fuerit, ego tamen non obliuiscar tui. Postremò dilexit Deum ex totis viribus suis, ne deprimeretur aduersitatibus ingruentibus, assumens pro se illud Apostolicum dictum, & dicens cum B. Paulo: Quis nos separabit à charitate Christi? neque tribulatio, neque angustia, neque nuditas, neque fames; neque pericula, neque gladius, neque instantia, neque praterita, neque futura, neque creatura aliqua poterit nos separare à charitate Dei quæ est in Christo Iesu. Vnde satis admirabatur quomodo cor humanum aliquam querelam deponere valeat in quacunque aduersitate; præsertim cum Deus nullo in tempore sit nobis propinquior quàm in aduersitate. Ad hanc igitur dilectionem Dei consequendam, hortabatur & alios, in hunc modum: Prebeamus nosmetipsos integro corde ad amorem Dei: Atque utinam cuncta quæ facimus ad dilectionem eius inflecteremus, quanta putatis, dilectione & quàm amabiliter Deus sese ad nos inclinaret! Porro dilectio eius ad homines tam pura fuit, quod nunquam ex ea detrimentum passa sit anima suæ, sed principale conamen illius erat cum Deo occupari & amoris illius inharere. Nunquam immunda somnia perpeffa est, nec in vigilia quidem tentationes huiusmodi notabiles persensit, præcipuè cum consensu. Imò quando tales insurgebant, statim restitit: ac nihilominus eas sacerdoti humiliter confessa fuit; & cum puro desiderio coram oculis diuinæ maiestatis semper ambulauit.

Rigorem natura sectabatur, & illud quod erat in se acerbius, gratius ipsi semper exitit. Semper bene contenta fuisset nunquam dulcedinem aliquam in cibo aut potu experiri; nec unquam tam parum de alimentis percepit, quin ex hoc contenta fuit: quin imo sibi visum fuit quod nimium habuit aut abundauit. Siue comedebat, siue bibebat, semper oculos Dei supra se attendebat. Inter prandendum, cum nimia sitis eam inuasit; recolere cepit amaram sitim quam Dominus in cruce pertulit: & tunc de plenario hancstu aliquid abstraxit. Similiter de cibis, sicuti ad mensam ministrabantur salsi vel insulsi, contenta fuit; nec aliquem defectum in his emendare curauit ad saporem augmentandum & appetitum pronocandum; nec aliquid additamentum in edulio ad dulcedinem vel salsamentum pertinens adhibuit. Aliquando dum de gratia Dei & hominum aliqua tosta in partem suam suscepit, valde parum inde gustauit, dummodo id sine nota prestare potuit, alioquin, se alijs conformare maluit, potius quam de singularitate notaretur, aut superstitionis argueretur: aut excusare se curauit, dicens quod stomachus suus consumere non valeret tosta pinguedine perfusa. Reuera stomachus anime fuit, qui in ea in tantum elanguit, quod nullam penitus dulcedinem terrenorum ciborum appetiuit, sed solummodo gratiam diuinam ad faciendam voluntatem dilecti sponsi sui. Denique quanto illam plus imitabatur in maceratione carnis sue, tanto magis languebat. Aliquoties quoque satis anxie anhelabat ad sponsum suum, & omnia qua
ad eius

ad eius laudem & amorem prouocabant, libentissimè amplectebatur. Aliàs, nulla letitia sub celo ualuit eam letificare; & quamuis inter gaudentes consisteret, Dominus tamen nouerat cor illius. Sæpe tamen ingens gaudium in spiritu persentire consuevit, quod cor & corpus eius adeò letificauit, ut si illud non compefceret, reuera ipsum per risum, siue per cantum manifestare eam oporteret. Statimq; post hac altius ingemuit, & soli Deo laudem dedit, recolens quod si prædicta gratia maximo peccatori totius mundi donata fuisset, forsitan felicior & sanctior & Deo gratior extitisset. Cum de sero lectum petere cogeretur; quamuis in culcitra communiter dormiret, potius elegisset nuda stramina ad cubandum, si aliarum sororum notitia & offensa non obstitisset. Cum omnes in quiete consisterent, illa cervical de sub capite suo abstrahere consuevit, & abscondere, ne à custode videretur, qua ipsam ad matutinas suscitare venit: quod tamen raro fuit, quia ipsa penè semper ante pulsum uigilerat. Deinde ingens pæna fuit ipsi sollicitudo corporis; cui eam necessario tantum commodi & seruitij impendere oportuit, quod tamen discretè ipsam fouere necesse fuit: quemadmodum ager utitur medicinis. Cum aliquando licentiaretur manere de matutinis: surrexit secretissimè de stratu suo, & mansit pernox in orationibus, extensa super nudos asseres, solâ cooperta tunica, orando pro cunctis amicis & pro uniuerso mundo. Insuper singulis noctibus, antequam stratum peteret, etiam sese, faciendo uenias & petitiones,

nes, extendebat, ut prius; ob ræmoriã Domini nostri Iesu Christi iacētis in principio noctis cum sanguineo sudore super nudã terram: & post hæc cū magno timore disposuit se ad dormiendū, cōmittens se diuina prouidentia: Adeo mortificata fuit à mundanis ælicijs, diuitijs & honoribus, quod non optasset existere domina totius mundi, ut cogeretur illi seruire ac per omnia satisfacere, imò potius passa fuisset mēbratim diffecari, ac deinde singula membra detrūcata coram oculis suis iac̃lari, atque tandem truncum proprij corporis in sanguine suo volutari: quàm à statu suo religioso ad conuersationem secularem reuocari. Denique in nulla delectatione mundana unquam delectari potuit: neque saporem notabilem in cibis & potibus, ut prætactum est, requisit. Solatia & visitationes amicorum penitus recusauit; his duntaxat exceptis, qui sibi in verbis & moribus conformes existerunt. De sanguineis enim secularibus non curauit, siue sorores essent, siue uterini fratres: hoc tātum gratuite præstitit eis, ut in eorum prosperitate cōgauderet eis, & in aduersitate condoleret, orans Deum ut illos ita purgare dignaretur in vita præsentī, quatenus fieri apti mererentur ipsius faciali visione in futura. Siue diuites fuerint siue pauperes, a quē roganit pro eis Deum, nihil appetens de bonis eorum. Cū autem venissent ad visitandam eam, patienter sustinuit, quia præferebant imaginem Dei sui: alias præsentiam eorum agerrimè tulisset, & quod domi mansissent prælegisset. Porro quod diuitias superfluas reliquit; patet præcipuè ex hoc quod nihil in his præter

sobrium

sobrium victum requisivit. In habitu & vestitu, omnem decentiam & munditiam dilexit, ad modum earum cum quibus deguit. Non erat sibi tam charus amicus, à quo consensisset accipere aurum vel argentum, siue aliud quodcunque notabilis precij; quin potius illud praelegisset diuidere communitati. Insuper & illa qua sibi erant ad usum concessa optabat sibi auferri, & nihil prater simplicem vestem, qua corpusculum proprium tegeret, derelinqui.

Optabat quatenus corda sororum suarum adeò vacua fuissent ab appetitu temporalium bonorum, quemadmodum erat cor suum; & quod pro hoc colum nudare potuisset corā spiculatore, adeò mori desiderabat pro amore ac salute proximorum. Nuper venit ad eam soror quaedam de conuentu suo, cui obsequium manuale praestiterat, volens ei recompensare ac beneficiale munusculum in gratitudinis aliquale signum rependere. Cui illa respondit: O bona soror, munus tuum sit tibi, & donum tuum serua, quoniam nihil horum qua sunt huius mundi requiro, prater ea qua mecum portare poterò, cum de hoc seculo recessero. Sicque sororem illam contentauit, & à sua largitione cessare fecit.

Praterea famam, honorem, ac laudem hominum nec appetiuit, nec quasiuit: sed inuisa & neglecta inueniri summè desiderauit. Idcirco sese alijs cum quibus viuebat, bono modo in exteriori conuersatione conformabat: quia opera sua virtuosa nullius reputationis aestimabat. Cum quidam amicus

eiusdem spiritualis ab ea sincerissimè dilectus, cui etiam frequentes litteras direxerat, ab ea flagitaret quatenus permetteret sibi eas alijs communicare ob Dei laudem & proximorum salutem propagandam, propriumq; meritum augmentandum, non consensit; sed eidem in hunc modum rescribendo respondit. Mi dilecte frater, Desiderasti à me quatenus non displiceat mihi, quod in scriptis lectis, & operibus meis in eis perspectis; laudetur Deus & adificetur proximus, ac meritum meum propter perfectum inde prouenientem, augmentetur: quod utique non displiceret, si opera mea essent digna, ut tanta bona ex eis prouenire possent. Sed, probo dolor, non est ita: cum sum peccatrix egena & indigna. Quod autem me aliter dilatas apud deuotas mentes, quas familiariter diligis, non mihi placet: nam quanto maiorem me aliquis reputat, tanto amplius obligor Deo vivere, ac virtutes illas exhibere & exercere, quæ mihi forsitan indebitè adscribuntur, cum actualiter non possideam; quod utique exiget à me, propter quod non sum contenta; quin occultes, & mea sub silentij modio recondas.

Bene puto scire quod ex bono affectu famam meam dilatare desideras: sed ego timeo quod Deus abstraheret à me mercedem, postquam suscepero humanam laudem. Iacirò obnixè desidero, quod litteras meas non proferas in publicum, nec eas ab alijs videri sinas, sed abscinde aut abrađe ab eis dulce nomen Iesu, & conculca eas sub pedibus tuis: quia sicuti de illis sentio, sic sincero corde tibi notifico, quod propter uilitatem

ditatem persona mea aliter de ipsis iudicare non valeam. Non solum ex pramissis, sed euidentius ex subsequentijs testimonijs eius, humilitatis ipsius profunditas considerari potest. Nam sicuti sensit; ita protulit, quòd licet digna fieri posset ut cum B. Paulo Apostolo usque ad tertium subleuaretur cælum; hoc ipsum non ponderaret prorsus: sed si sentire posset cor abyssaliter mortificatum, ad tolerandum probra & opprobria, propter Deum patienter, imò libenter, paratum: hoc modo sese aliquantisper consolari posset. Sed propter affectus suos adhuc sensuales; talem consolationem non admisit. Proposuerat tamen in animo suo, & seruare contendebat, ut cunctas aduersitates ex diuina prouisione sibi aduenientes, grato animo susciperet. Præterea, cum ex charitate cogeretur dona ei commissa suo familiari amico reuelare; opponebat ex aduerso defectus proprios, ut sic ipsa in humilitate firmiter perseueraret, ac illum ad compatiendum sibi incitaret hoc modo, & ut ipsa illum de seipsa sentire humilia informaret, nihil singulare sibi indebitè attribuendo, sed ipsum Deum pro ea tanquam pro defectuosa peccatrice suppliciter exorando. Altiora se non quasiuit, & profundiora scrutata non fuit: quia sese dignam non esse putauit cōfectatu viarum Dei sublimiorum, neque singulariū bonorum ipsius, quæ largiter distribuere consueuit electis suis qui se continuè altis exercitationibus occupare consueuerunt. Igitur via communi ac simplici gradiebatur, ac alijs in conuersatione exteriori se conformabat, pro eo quod laudem humanam nimium verebatur.

verebatur. Aliquando conuersabatur læto vultu inter suos, recreans eos hoc modo; sed Deus nouit grauitatem cordis eius. Denique, postquam saporem alicuius gaudiij, non disco secularis, quod penitus non amauit, ut prætactum est, sed etiam spirituales, persensit: statim intra se rediens gemere consuevit, ac soli Deo laudem ascribere, recogitans quod non sit tam grandis in mundo peccator, cui si diuina pietas semel tribueret sentire, quod ipsa sapissimè fuerat experta; sacratius forsitan ac beatius viueret.

Quando igitur oculos reflexit ad opera propria, fluebant lachrymæ multiplices de corde illius, cum sedulo consideraret quod vita sua nō foret digna equiparari conuersationi, qua electi Dei in hac vita illi placere studuerunt. Præsertim autem nouit multorum deuotorum corda mirabiliter per subtiles raptus ad diuinum amorem pertrahi: sed ad tales raptus non aspirauit, quia nec se dignam aestimauit; ac propterea se in humili ac simplici conuersatione fundauit; præcipuè quia tam debilis capitis extitit, quod tam arduos aditus, nisi raro, attentare non valuit: præterquam tantummodo per intimum desiderium, quod excedebat vires natura sua. Super alta fundamenta adificare nolebat, nisi tantummodo super humilitatem suam ac simplicitatem: hoc affectans ex toto corde, atque ad hoc laborans, ut nullius reputationis haberetur apud omnes homines, propter amantissimum Dominum Iesum, qui nos hoc ipsum docuit, verbo & exemplo, ab anno vite sue duodeci-

mo usque ad trigesimum; in quo tractu temporis omnibus hominibus ignotus permansit. In orationibus suis adeò pura extitit, quod super nullam penitus creaturam sensibiliter requieuit: sed quoniam pro suis charis apud Deum intercedere voluit, pactum cum suo sponso facere consuevit, quatenus omnes & singulos eius precamina flagitantes, nominatim in libro aperto cordis Iesu ascribat, orans atque obsecrans ut illis conferat illa, quæ nouit eam ipsis optasse.

Mentales orationes potius quàm vocales frequentare prælegit, & corde tenus orando internas meditationes Deo libentius obtulit, quam ore tenus legebat. Inter orandum, Deum laudabat, admonebat de omnibus beneficijs suis, eidem regratians, ac si corporaliter cum amico loqueretur. Vnum verbum continuo versabatur in ipsius ore, quod proferre solebat quando cordialiter orare volebat: O diligibilis dilecte anima mea. Ita Deum suum nominare consuevit; sed continuo intra se rediens & reminiscens magnitudinis eius, contremuit quoniam tam audacter regem regum & dominum, labijs nominare præsumpsit. Aliquando etiam visum est sibi quòd in presentia & in memoria ipsius penitus liquebat, absorbebatur & deficiebat pro incòprehensibili magnitudine ipsius: dubitabat igitur qualiter eum congruenter inuocare deberet. Verùm recogitans amorem cordis diuini exhibitum humano generi in assumptione naturæ illius, spem & fiduciam concepit ipsum alloquendi, & familiariter inuocandi; quoniam, ut ipsa confessa est,

nomen.

nomen illius extitit dulce tanquam mel labijs suis, & veluti nutrimentum quoddam cordi ipsius: propter quod fiducialiter depromebat, dicens: Oro te dilectissime anima mea, non te offendat quod nominare praesumam sanctissimum nomen tuum: sed laudando te purgetur in me quodcunque tua maiestati displicuerit. Quotidie affectavit spiritualiter sumere Eucharistiam, & ad eius gratiam percipiendam deuotè se disponebat: aliquando etiam quando sibi vacabat actualiter se ad eam praeparabat ac si debuisset eam suscipere corporaliter. Itaque in venerabili Sacramento altaris experta est aliquando quandam profundam & integram visionem spiritus sui cum Deo, veluti dilecti cum dilecta sua: praebens sese illi, & iterum attrahens eum ad se, atque stringens inter brachia cordis sui castissimis amplexibus, ac si eum corporaliter coram se praesentem haberet; addita sibi aliquando gratia lachrymarum, non tamen abundanter; sed de hoc non multum curauit: quippe quae fierat dilectum suum, & nihil aliud in calo & in terra; ipsumq; inuenerat quem amabat: idcirco nihil amplius desiderabat. Tumq; sibi visum fuit quod dilectus suus integraliter redactus fuerat in ius & possessionem suam: & reciproca vice ipsa concupiuit totaliter fieri iuris eius. Quanto autem illa deliciosius eo perfruebatur, tanto anxius eum sitiebat. Cum igitur cogitaret quod dum ipse visibilis ac mortalis incederet super terram, non sibi licitum fuit deosculari vestigia sanctorum pedum eius; neque in eius passione aut morte acquirere unicam guttam sanguinis illius,

illis, ad purificandam & diluendam animam suam: cum eum in Sacramento altaris integraliter haberet presentem, hoc sibi dulcius extitit ad recolendum: & in eo adeò liquebat memoria & meditatio eius, quod affectabat per effusionem proprii cruoris recom- pensare illi amorem illum; quamvis martyrio sese dignam non iudicabat; quatenus hoc modo posset intrare in cor diuinum. Proinde si licuisset sibi ea die qua communicabat, propriâ uti voluntate; & fragilis natura ipsam non coegisset nec molestasset: corporalem cibum aut potum pro tunc non gustasset. Itaque pro tam mirifico beneficio Deum ex totis precordijs suis, Deum inquam quem presentem habebat, & in venerabili Sacramento Altaris corporaliter vel spiritualiter acceperat, magnificauit: & ut opere ex parte sui, ipsum cum seipso & in seipso laudaret, intensè obsecrauit: admirans intra seipsum & dicēs: Quid potuit Deo esse cordi; quod nobis praearet cymelium seu iocale tam preciosum? Ideo praeiussit illi singulis horis millies cor suum; orans & interpellans singula casta corda, insuper cælum & terram, montes & valles, quatenus eam iuuarent laudare atque benedicere Dominum Deum suum pro tam beatifico dono in hoc tempore, ac post modum in aeternitate. Cum multi ac diuersi reperiantur modi contemplationum; ne unum quidem assumpsit hac deuota pro se aut pro suo exercitio ex scriptis, aut elegit ex libris, praeiurquam solummodo ex vita Domini nostri Iesu Christi: cum omnia quae ex libris doceri possunt, in ipso reperiantur esse conscripta. Itaque fatebatur se esse simplicem

simplicem & indoctam; inspirationes tamen diuinis sequi, dixit esse scholam suam; & in vita & passione Christi cōtinuum studiū ipsius. Primum & præcipuū ac dulcissimū in contēplatione assumēdum, iudicauit effluxum deitatis in humanā naturam; quo largiter videlicet tanta maiestas se ad nostram exilitatem inclinauit. Ipse quidē nos ad suam similitudinem & imaginē creauit; cum tamen non indigeret opera nostra neque seruitio nostro: In Christiana fide nos propagauit & plantauit præ multis, qui ab hac gratia sunt exclusi; & per consequens filij æternæ dānationis relictī. Hac & his similia reuoluens, sese nimiam debitoricem illius recognouit, ac proinde cor suū in diuinum amorem accendit. Dehinc in sua cōtēplatione processit, quomodo Deus hominem exaltauit per humiliationem unici filij sui usque ad formā seruilem: sicq; pertractans benedictam vitam & opera filij Dei, dehinc passionem eiusdem & resurrectionem, ac tandem gloriosam in calum ascensionem.

Non remansit dies aliqua in hebdomada, quin accessum haberet in sua meditatione ad aliquod præmissorū, non sine lacrymis & deuotione multa. Singulis igitur diebus ad hoc exercitium aptabat horulā vnā: & quia nec infrā vnā horam, nec infrā vnā diem potuisset singula debite ruminare: diuisit meditationem suam in septem particulas, assumendo quolibet die vnā pro suo exercitio spiritali. Igitur, ut de cæteris virtuosis meditationibus reticeamus, quibus singulis horis abundabat: exercitiū hoc Dominice passionis describemus, quod semper feria 2. inchoabat
à tem-

à tempore, quo Christus postremò venit in Ierusalè, ac post modũ à charis & amicis suis separatus extitit. De cœna nouissima, & de illis quæ ibi contigerunt, vsque ad tẽpus quo ligatus adductus fuit in domũ Anna Põ-
tificis, & illic retrusus extitit in obscuro penu: illicq; cũ eo & ipsa requieuit illo die, non sine lacrymis & profundis cogitationibus singula quæ illic cõtigerunt, interim deuota mente reuoluendo. Insuper eundo post hanc horã, & redeundo, stando & sedendo, edendo & bibẽdo, aut aliud quid faciẽdo semper penè erexit meditationẽ suam ad illũ passũ, in quo illa die coluit & recoluit Deũ suũ, recogitans & reuoluens eius humilitatẽ ac dilectionẽ & patientiã vbique locorum: & post hæc nitebatur se illi in his virtutibus cõformare pro suo modulo, cõsiderãs & retractãs quod Dominus dominorũ erat penitus expers cõmodi corporalis, & preciosis ferculis caruit: & sic opuscula & exercitia sua ad rectitudinis illius normã correxit, & ministeriũ corporis in omnibus requisitis, Christũ sequendo, aliquatisper tẽperauit. Hoc itaque modo singulis diebus cõtinxit familiare contuberniũ cũ Domino Deo suo, & recreabatur atq; quiescebat in eo, sicut ipse donabat: quod sigillatim longũ esset hic recensere; & ideo conuenit nobis dies subsequẽtes expedire. Feria 3. contemplata est quã ignominiosẽ perductus est dominus Iesus ad Pilatũ, & omnia quæ interim & postmodũ cõtigerunt circa eũ vsq; ad flagellationẽ: illicq; tãdẽ requieuit die illo. Feria 4. recogitauit qualiter tenera caro eius flagellata, & caput coronatũ extitit: & omnia quæ illi cõtigerunt vsq; ad iudiciũ mortis inclusiue, illicq;

pansauit

pausauit illo die. Feria quinta reuoluit qualiter maledicti illi canes cum opprobrio multo eduxerunt ipsum de ciuitate ad crucifigendum per tam laboriosam viam, & illic recoluit quàm fatigatus stetit in monte Caluaria: amplexans eum inter vlnas animæ suæ, & suscipiens eum in mundo linteo conscientie propriae, illicq; repausans illo die. Feria 6. recoluit consequenter omnia quæ contigerunt illa die circa crucifixionem Domini vsque ad expirationem illius; insuper & sepulturam eius, ac materni cordis dolorem. Sabbatho requieuit cum Christo in sepulchro, reuoluens qualiter amicos suos in limbo inferni detentos visitauit & liberauit, attendens etiam nimium amorem illius erga humanam naturam, quoniam tabernaculum corporis sui dignatus est tam diu relinquere in sepulchro, cum statim post mortem potuisset illud eleuare in calum. Porro Dominica die studuit & intendit profunda meditationi coram aliquo altari, eleuatis manibus, sed magis eleuato corde; & tunc percurrit itinerarium filij Dei à principio, videlicet à tempore quo dignatus est de caelo descendere in uterum virginis vsque ad annum vitæ ipsius trigesimum quo baptizatus fuit à Diuo Ioanne Baptista: inchoando semper ab eius diuinitate, ac benedictam vitam ipsius in generali & compendiosè commemorando, cum breuibus & profundis meditationibus; secundum quod ipse Dominus donauerat. Dehinc ommissa passione ipsius, in qua singulis diebus hebdomada sese exercitauerat ut prætactum est: assumpsit memoriam resurrectionis eius incūda,

atque

atque ascensionis gloriosa, quæ super omnia ipsam exhilarabat. Illicq; miscens amabilia & familiaria colloquia cum Domino, congaudebat illi, quem cernebat tam potenter & virtuosè conscendere in gloriam suam, quam quodammodo deseruisse videbatur, cum propter excessus nostros expiandos degeret nobiscum triginta annis in hac valle lacrymarum, tribus additis. Nos eramus omnes nati filij mortis: sed per sanctam fidem Catholicam ille regenerauit, nos in spem viuam: faciens nos heredes & participes regni sui. Non esset explicabile quantam dulcedinem concepit in huiusmodi meditatione, præsertim cum attenderet naturam humanam hoc modo super omnia exaltatam, ipsamq; materiam esse dulcedine plenam. Itaque regem ascendentem in multitudine gloria sue prosequabatur passibus amoris intimi: fauens ei ex corde omnem honorem. Tuncq; salutauit quinque vulnera, offerens illi proprium corpus & animam; Insuper & charos amicos suos, atque vniuersum mundum. Salutauit insuper regale caput illud, quod in passione fuerat spinis multipliciter perforatum; sed & singulos crines eius, qui sanguineo sudore fuerant madefacti; ac deinde vultum eius gratiosum, qui propter nos extitit percussus & consputus; dehinc oculos, genas & os eius benedictum: orans eam & obsecrans quod amabilem faciem suam ad eam inclinare dignaretur, in remissionem peccaminum suorum in hora mortis ipsius. Coram patre caelesti cum rex gloria sederet in sede maiestatis sue, accessit illa fiducialiter ad eum cum profunda reue-

rentia, supplicans pro necessitatibus suis & aliorum
 instanter: nouerat enim quod principes in tempore
 gloria & ostentationis sua non renuunt dare id quod
 petitur ab eis. Sicq; illa frequentauit curiam die hac
 Dominica, inter Deum Patrem & Filium eius
 unicum, inuocans consolatorem Spiritum sanctum,
 atque hoc modo tractauit dilectum sponsum suum.
 Tandem presentauit Patri celesti dilectissimum fi-
 lium suum cum uniuerso thesauro meritorum eius
 in tempore & in aternitate, pro omnibus creaturis:
 ut eas per ipsum gubernare & conseruare dignaretur
 in eum. Sicut lilium inter spinas: sic amica mea in-
 ter filias. Etenim sicut lilium seu rosa quæ redolet,
 crescit cum spina quæ pungit: sic hæc electa Dei sponsa
 redoluit per memoratas virtutes inter ceteras so-
 rores suas, quæ ueluti spina computabantur quæ pun-
 gunt animū possidentis; & hoc propter diuitias, quas
 illa in usu habebant, leuabant, distribuebantq; illas
 quibuscunque volebāt, data illis licentia à Presidente:
 hæc autē non sic usquequaq; imò ea quæ ad eā ex pa-
 trimonio attinebāt, altera ex parte Priorissæ procura-
 bat; de quibus tamen necessaria sua paucissimè ista su-
 mebat. Et licet illa quātum ad hoc cōpetenter steterit;
 nihilominus tamen pro sororibus suis uehementē do-
 luit, quod mos ille distortus inoleuerat in collegio ea-
 rum, in tantum, quod timuit se nunquam letam fu-
 turam quamdiu uiueret: imò fatebatur quod hoc sibi
 maiorem pœnam generaret, quàm experta fuerat in
 hoc mundo, quo ad pressuram & angustiam cordis
 quæ multiplex fuit in ea. Qua de causâ sapissimè in-
 gemiscebatur

gemiscebat & exorabat Deum nocte dieq^{ue}, quatenus rectores ordinis sui dignatione ac prouisione illius ita illuminari mererentur, ut per eos illa, quæ sibi in ipso ordine displiceret, abscinderentur, ac penitus eradicarentur; utq^{ue} videre posset diem illum quo sorores cum bursa, more aliarum religiosarum sub regula Beati Augustini uiuentium, degerent: & omnia quæ ad proximi usum sibi tanquam licite concessa gaudebant, promptè ad usum communitatis, iuxta intentionem sanctorum Patrum, participarent. Ipsa verò inter illas sic vixit & sic stetit, quod si omnia earum bona, redditus & prouentus sola possedisset; libenter & ex sincera charitate eisdem impartisset ac diuississet; potius illas, quæ minus prouisa fuerant fouens quàm eas quæ magis: nec ex hoc penitus murmuraſſet si ex præfatis bonis non plus quàm alia in hoc articulo participasset. Adeò cor eius liberum erat à terrenarum rerum appetitu, quod esset penitus inexplicabile. Vnde & commemorare consuevit earum labilitatem, dicens in corde suo: O Deus, quæ sunt facultates istæ mundana, quibus miseri homines ardentissimo amore innituntur & inhaerent? sed v.æ illis qui plus eas diligunt quàm sunt diligendæ. Licet autem ut prædictum est ipsa prouisionem bonorum suorum non haberet, sed altera eius soror à Priorissa sibi deputata; propter maiorem securitatem conscientie suæ, in manus eiusdem Priorissæ ipsa bona, prona voluntate, plurics resignauit. Quare respondit illi, quatenus ratum habuit quidquid soror illa de ipsis bonis actitauit, quamuis illa personaliter

ipsa bona sibi non ministravit. Sed & confessorum suum Sacra pagina professorem super huiusmodi statu suo sollicitè consuluit: qui sibi respondit quod totum onus animæ ipsius super se tollere vellet, sub hac conditione, quod singulis horis parata foret omnia & singula quæ in usu habebat, verbi gratia ea quæ soror præmissa sibi reservabat, sine murmuratione in manus præsentis, quandocunque ipsa voluerit & petierit reponere. Hac igitur posuimus ne putetur hac fuisse proprietaria, sicut nec fuit.

Desiderium ingens habuit hæc beata longo tempore ante mortem suam, dissolvi & esse cum Christo: unde contigit ut tandem votis potiretur, ut speramus, optatis. Interea evenit ut in cœnobio eius construeretur habitatio sororibus admodum opportuna; ad cuius etiam maturam perfectionem plurimum anhelabat. Ipsa verò peroptasset adificari sepulcrum suum ad quiescendum in eo; ut hoc modo spiritus eius astra peteret, & cum Deo suo requiesceret, non propter gloriam suam adipiscendam, sed propter seipsum: quoniam omnia quæ ipse aut ipsius non erant, crux & tormentum ad audiendum & videndum sibi fiebant. Sustinuit itaque tempus peregrinationis suæ patienter, cum attenderet ubi erat & ubi non erat. Cum interim aliquando deambulare in pomerio, ac cerneret flores & herbas diversimodè germinantes iuxta proprietates suas, saporèmq; & odorem mirificum producentes; vix continere valuit cor suum. Cum igitur attenderet dulcedinis illius Creatorem, & pulchritudinis omnis quam illic cernebat, autho-

rem: replebatur cor eius ingenti gaudio, & desiderio ad locum tabernaculi admirabilis usque ad domum Dei. Præterea quando in noctibus aspexit lunam & stellas clarè rutilantes; vix se continere potuit quin in cantum vocalem prorumperet, psallendo hymnum Ambrosianum seu aliud quid gratiosum: imò putavit quod cor suum rumpi deberet, præ desiderio celestium. Habuit tam ingentes commotiones & affectus ad Deum suum ex intimo amore, quod neque comedere neque bibere valuit, sine magno tadio & multiplici gemitu cordis sui. Nempè cæteris gaudentibus, ipsa oppressa erat inzimis & gravibus pressuris, sine aliqua forinseca ostentatione; & propterea sibi graviora erant quæ pertulit, quoniam desiderium eius semper stetit in quadam restrictione ac repudio ab omni solatio temporali, quod natura quoquo modo requirere consuevit. Cum sederet ad mensam inprandio siue cæna, diuersas meditationes concepit, videlicet de pœnis inferni siue purgatorij, ad quas anima sua propter temporale solacium (quod timuerat sese nimis admisisse) forsitan deputanda erat. Aliquando etiam de gaudijs super celestibus, considerando gloriam summi Patrisfamilias cum sua dilectissima comitua, cui præest in conuiuio celesti. Harum cogitationum tot ac tanta generabantur in ea, quod de nullo solatio quod in mundo inuenitur gaudere poterat; neque in celo, nec in terra quidquam reperiri poterat in quo cor ipsius requiesceret, præterquam in Deo solo. Diligebat tamen sanctos & electos illius

*Propterea, ut fatebatur, non habuit adeò dilectum
sive dilectam ex omnibus charis suis secularibus, qui
eam corporaliter affectabat, quin libentius habuisset
quod non venisset. Tota verò intentio sua totumq;
desiderium erat cum Deo semper occupari in hoc tem-
pore; & nihilominus cum illo latari in aternitate.
Denique si vidisset eos coram oculis suis, qui illi mor-
tem inferre, & vitam auferre voluissent, libenter ac
voluntariè illam amore Dei sumpsisset; quatenus hoc
modo citius ad ipsum peruenire potuisset.*

*Hæc sunt quæ ipsa Christi sponsa mihi, in Christo
præ cunctis mortalibus sincerè dilecto, reuelavit: qui
etiã præ cæteris viventibus merui ita scire ac oratio-
num eius assiduitate potiri. Idcirco autem ad noti-
tiam fidelium ea protuli, ut laus Dei exinde augef-
cat, & profectus legentium seu audientium crescat.
Vale Margareta, & cultoris tui senectutem ora-
tionibus inua. Amen.*



B . M. BRIGIDA HOLLANDA . *M. bas.*

CAPVT. VIGESIMVM QVINTVM.

De B. BRIGIDA Hollanda.

ANTONIVS Senensis in chronico ord. Præd. ad annum 1390, refert floruisse illius instituti virginem quandam in Hollandia, vitæ sanctimonia celebrem, Brigidam nomine; qua tamen vrbe locove nata sit aut vixerit, non meminit. Eam ex tertio B. Dominici ordine (quem vulgo de penitentia vocamus) fuisse, affirmat Michael Pius prima parte suæ hist. pag. 506. ex vetusto alio Dominicanæ Religionis chronico. Fuit verò Brigida illa quatenus præfati scriptores prodiderunt, virgo sanctissima, mundo eiusque illecebris mortua, soli que Deo perpetuo vixit, quem toto cordis affectu vnicum dilexit, atque omni virtutum studio anxie quæsiuit. Carnem ieiunijs perdomuit, eamque durissimis modis exagitans, animi mancipium esse fecit. Vulnerauerat etiã adeò charitas Christi coreius, vt iugiter patientis & è cruce pendentis sponsi meditatione ac commiseratione exardescens, quæ ille pro generis nostri salute vulnera est passus, animo assiduò perlustraret, fleret, & adoraret, lachrymasque inter & suspiria

& suspiria sacras illas plagas cordi suo, doloris scalpro insculperet. Et verò vt in e-
languida iam carne & mundo crucifixa,
etiam apparerent quæ cordi infixæ erant sa-
crorum vulnerum stigmata, raro magnoque
beneficio concessit Christus. Is è cruce pen-
dens (qualem scilicet illa perpetuò contem-
plabatur) Brigidę conspiciendum se dedit, &
quinque præcipua, pedum scilicet, manuum
& lateris vulnera, illi impressit: vt cui mūdus
crucifixus erat, & illa mundo, animo nimi-
rum & sancta atque cælesti conuersatione;
meritò tum, cum Apostolo dicere posset:
*Christo confixa sum cruci. &, Stigmata Domini
Iesu in corpore meo porto.* Non vulgaris profe-
ctò fuit Brigidæ sanctitas quam adeò illustri
fauore dignatus est virginum sponsus & glo-
ria Christus. Præter hæc verò, (quæ tamen
maxima sunt) de rebus præclarè à Brigida
gestis, nihil vidimus: imò & quo anno vixerit
non satis constat.

Porrò non existimamus cuiquam insolens
futurum, quod B. Brigidæ sacrorum Christi
vulnerum signa impressa fuisse scribamus.
Quamquam enim id de sanctissima virgine
Catharina Senensi, vlloue alio præter sanctū
Franciscum ord. minorum fundatorem di-
ci, pauci quidam olim ægrè permiserint: vix
tamen est hac ætate quispiam in sanctorum
historijs vtcumque versatus, qui nesciat plu-
res

res in diuersissimis mundi partibus, sacris
 stigmatibus celitus insignitos fuisse. Et verò
 vt exterarum nationũ sanctos prætereamus,
 in Belgio præter Brigidam nostram aliæ etiã
 eo munere donatæ fuerunt. Siquidem bea-
 tam Gertrudem Oostensem, Beghinam qui-
 dem, quæ tamẽ Dominicano tota penè vita
 cõfessario ac directore vsa est, quinq; Christi
 Saluatoris nostri plagas ita luculenter rece-
 pisse, vt palã purum cruorem crebro profun-
 deret; refertur apud Sur. to. 7. de vitis SS. die
 6. Ianuarij. Sanctissimam quoque Lyduuinã
 patria Schiedanensem, eiusdem cælestis be-
 neficij participem fuisse narrat Ioãnes Brug-
 manus ord. Minorum, lib. 3. de vita præfatæ
 virg. cap. 3. Vide de hoc argumẽto sacrorum
 stigmatum, eruditam disputationem P. Vin-
 centij Iustiniani Antistiti Valentini, viri ex
 ord. nostro S. T. Eximij Prof. Antuerpiæ re-
 cusam anno 1671. in quã quidem deprehen-
 des aliquot ex S. Dominici ordine virgines,
 adeò eximia charitate Christo sponso confi-
 xas cruci extitisse, vt admirando priuilegio,
 etiam ipsi carni sacra vulnera inhæserint.
 Has inter, Brigida Belgica varijs (vt scribit
 Senensis) reuelationibus illustris, pedes ma-
 nus, ac latus confossa habuit, quò sponso cõ-
 pateretur in lachrymosa hac vita, vt in beatã
 corregnaret.

CAPVT VIGESIMVM SEXTVM.

*De beata memoria DODONE
Frisio.*

IN Frisia Dodonem quendam ex ord. Prædic. se vidisse virum eximia sanctitate præditum scribit Thomas Cantiprat. lib. 2. de Apibus cap. 1. p. 15. *Vidi (inquit) & alium eiusdem ordinis. virum beatum valde longæua etate prouectum, Dodonem nomine, Frisonem natione, qui predicatione sedula tantum in sua Frisonum gente profecit, ut eam à ferocitate sua plurimum mitigaret. Ab antiquissimo enim tempore in consuetudinem immanissimam hac habebant Frisones: ut occiso homine unius cognationis ab altera, occisum corpus non sepeliebatur à suis, sed suspensum in loculo seruabatur & desiccabatur in domo, quousque ex cognatione contraria in vindictam occisi, plures vel saltem unum aduersa cognatio pro morte vicaria trucidaret: & tunc primum mortuum suum sepultura debita cū magna sollemnitate tradebat. Hunc crudelissimū & inauditum morem, dictus frater in illa gente remouit, & ad mitiorem statum crebra exhortatione promouit. Hactenus Cantipratan. cui, nomen & laudem Dodonis debemus, vtinam*

utinam plura de illo perscripſiſſet. Porro, ſunt qui Dodonem noſtrum, non diuerſum ab eo fuiſſe ſuſpicantur, quem interdum monachum Friſium, interdum Eremitam appellant. Ad quod quidem coniecturę loco afferunt, quod eadem omninò ætas, idemq; curriculum annorum fuiſſe videatur Dodonis cuius meminit Cantipr. & illius Eremitę. Is enim auctor ſcribit Dodonem noſtrum, quando nimirum illum ipſe vidit, fuiſſe valde longæua ætate prouectum: Conſtat autem Eremitam grandæuum obijſſe anno 1231. qui Cantipratano erat circiter vigefimus nonus. Cùm ergo ætate Cantipratani vixerit Eremita ille, ſi diuerſus eſſet a noſtro Dodone, illius proſecto (aiūt) meminifſet in opere de apibus, in quod præclara ſui ſæculi geſta, ſanctorum virorum mulierumq; exempla reſque memorabiles ad communem utilitatem congeſſit. Cùm enim externa etiam exempla ex alijs mundi partibus petita, magno ſtudio ad eum finem conquiſierit, quis (inquiunt) credet ſua ætate atque in ſuo Belgio viuentem Dodonem illum, virum miraculis editis raraq; abſtinentię & ſeuerioris vitę gloria clariffimum, ſub ſilentio præterijſſe? Addunt inſuper, non referre, quod Monachus & Eremita dicatur: tum quia potuit eſſe, antequam Dominicanum inſtitutũ arriperet, & inde nomen Eremitę retinere,

cum

tuin quia Dodo ille Dominicanus, versatus est in Frisia, quando nullum iis in partibus erat cœnobium sui ordinis: vnde & monachus communi scilicet nomine, & Eremita, ob vitam austeram & solitariam, dici potuit. Verùm in re obscura penes alios iudicium esto, nihil definire nobis licet. Quæ tamen de Dodone Eremita ab Amplissimo viro Georgio Coluenerio habere potuimus, sub-
jicere lubet, vt & quibusdam fiat satis, & videre possit quisque, quid ex ijs de re proposita coniectari licet. Anonymi ergo scriptoris verba sunt. *Dodo cum adhuc secularis in domo paterna ageret, præter eximiam erga proximos, & maximè pauperes charitatem, etiam bonam semper studuit habere conscientiam. Parentum nunquam non monitis obtemperans. Ante omnia verò infrequentandis Ecclesijs, ieiunijsq; obeundis sedulus. Patre vita functo, amicorum importunitate ad matrimonium vi quasi pertractus est. Sed post annos paucos secularis vitæ pertasus, ad Religionem animû applicuit. Vnde cum uxore & matre, fratribus de horto S. Mariæ sese addixit, seruiens ibidem Deo die ac nocte in timore & reuerentia. Postmodum verò secretiorem expetens locum, ubi solus soli Deo melius perfectiusq; famularetur; Rogauit Abbatem vt ad talem aliquem transmitteretur locum, ubi sequestratus à turba commodius Deo seruiret: Vnde missus est Baccafeen, locum sic denominatum, ubi constructa cellula annis multis vitam egit solitariam,*

riam, varijs interim demonum impetitus insidijs, spectrisq; die ac nocte infestatus. Quadam enim vice cellula sua per exiguum egressus ostiolum, ut in Ecclesia oraret, completa oratione dum rediret, ostium ita obstructum reperit, ut ingredi non quiverit, unde forti robore in ostium insiliens, vi patefecit aditum, demonibus saccinnantibus, ac fuga sibi consulentibus. Matrona quadam obfessa à damone, Dodonem ut malignum spiritum à se depelleret supplex adiit, sed demon hospitio cedere nolens respondit; nec Dodonem, nec mortaliū quemquam effecturum ut feminam deferat, quin triduo ante obitum, quod & factum citius est. Insuper & multa quæ postmodum ei euenerunt, ab hac demoniaca percepit, nimirum quod relicto pristina habitationis domicilio, ad locum qui Hasca nominatur esset peruenturus. Nec mora. Nam eò se conferens vitam ibidem asperam, in victu, vestituq; traduxit, carnem ieiunijs, vigilijsq; iugiter edomando; necnon & assiduo fletu, gemituq; orando pro se, ac pro uniuerſa sancta Ecclesia Dei. Singulis diebus uno contentus cibo, alternis piscibus & cereuisia, alternis verò solo pane & aqua contentus, sextam autem feriam sine ullo semper tranſegit cibo. Vestitus eius primo ad carnem septem ferrei circuli circa latera sua fuerunt, duo circa brachia, contentus insuper cilicio. Postmodum lorica indutus est ferrea. Ad ultimum verò laneas habuit tunicas duas, & desuper scapulare, sicq; die ac nocte sine ullis mutatorijs incessit. Lectus durus

durus fuit sine usu pulvinaris: nam natta prostrato usus est, pro cervicali verò ligno concauo, cuius concauitas veste erat operta, idq; exemplo Christi Saluatoris, qui pannis inuolutus positus est in praesepio. Media nocte semper consuevit surgere ad Matutinas: quibus finitis orando pertraxit noctem usque ad tempus missarum, disciplinando interim corpus, & genus sapius flectendo. Quinque centenas genus flexionum singulis diebus & noctibus, & sapius plures faciebat. Genua eius ad instar cameli, assiduo precum usu indurata fuere.

Et quia diuini Numinis cultor fuit integerrimus, idcirco plurima per eum Dominus operatus est miracula. Veniens enim diuina reuelatione Hascam: reperit ibidem locum incultum, in quo nihil erat praeter structuram modici sanctuarij duas continentis imagines, quarum una Crucis, altera Deipara Virginis fuit. Stans autem quodam tempore coram Crucis effigie, cum vocatus à socijs discedere vellet, audiuit vocem quasi de imagine Crucis sonantem. Quare sic accelleras? diutius enim hoc in loco permansurus es. Cum adhuc ageret in Baccafeen, edito sanctae Crucis signaculo, aqua prandij tempore immutata est ei in saporem vini dulcissimi; idq; accidit in praevigilio Dominica Natiuitatis & Sanctorum omnium.

Ceterum expletis aliquot annis in Baccafeen, cum à famoso atque insigni quodam clerico Wibrando de Hasca

de Hasca inuitatus esset ut Hascam migraret, idq̃ circa S. Andrea festum, pedes transiit multorum cum admiratione omnia fossata, unius tantum noctis frigore inaurata. Vnde fama per circum vicinam regionem longè lateq̃ divulgata mox ingens ad eum factus est concursus, maximè verò egrotorum, ac varijs languoribus oppressorum; è quorum numero curauit non paucos. Insuper & puellam quandā morbo laborantem caduco solis sanauit precibus. Clericus quoque tumenti cute ad instar leprosi horridus, cum aliunde eò esset adductus, per Dodonem pristina est redditus integritati. Filia cuiusdam Rippridi sacerdotis de Kerslote paralytica precibus eius sanitatem recuperauit. Quidam egrotus de Mestermeer oblatusest Dodoni ligatis manibus ac pedibus, nimia enim oppressus infirmitate quasi ad insaniam redactus videbatur, qui tamen per imaginem B. Virginis ac S. viri preces adeò est curatus, ut cum ligatus in nauim adductus esset, in reditu nauim ipse incolumis regeret, unde collati in se beneficij memor domum reuersus, vaccam candidam ex ceterarum numero delectam, in honorem Dei & Beatae Virginis Dodoni transmisit.

Alius quidam eodem natus loco, consimili laborabat morbo, simili quoque cruciatus est modo, qui & ipse se gratum exhibuit. In nocte Dominica Resurrectionis dum frater Dodo pro veteris Ecclesiae recepta consuetudine tolleret crucem suam, eamq̃ deportaret circa Ecclesiam extrinsecus, cum venisset ad orientalem partem cimiterij, vidit crucem ascendentem

dentem de terra in alium nonnihil locum procedere, & paulo post ex oculis euanescere videntibus idem alijs qui presentes aderant.

Caterum Dodo probata vita atque optime conuersationis cum esset; ac toto quinquennio vitam solitariam in Hasca transegisset, seruierat uimirum Deo ac B. Virgini die ac nocte in magna affectione corporis sui; migravit ex hac vita mortali, anno Domini 1231. Dominica post annunciationem; oppressus nimirum ruina maceria veteris structurae, sicque quasi martir innocentem Deo tradidit spiritum. Erutus tamen ex ruderibus, repertus est in manibus pedibusque, necnon & dextro latere habere aperta stigmata vulnerum Christi, quod tamen toto vite tempore mortalium nemini indicauerat. Hęc accepta fuerunt ex Carthusia Colonienfi.

Hic inuiti finem facimus percensendis religiosi illis pijsque patribus, qui ex prædicatorum ordine, magna olim in Belgio sanctitate enituerunt; nunc verò, mercedem à Deo consecuti, iucundissima sempiternæ felicitatis gaudia ter & amplius beati possident. Confidimus futurum aliquando per Dei gratiam, ut alij plura & illustriora de hoc argumento (quod quidem nobis negatum est) in publicam lucem producant, & (quod vehementer optamus) integros rerum à Dominicanis in Belgio gestarum annales conscribant: ad maiorem Dei gloriam, quæ cum vniuersa admirabili prouidentia admi-

258 MEMORABILIA QUÆDAM
nistrat, singularia sanè in Dominicanam religionem, & rara prorsus beneficia contulit; Beatissima imprimis Virgine Maria assiduis precibus filium & per filium Patrem pro instituto à se ordine interpellante.

CAPVT VIGESIMVM SEPTIMVM.

*Memorabilia quedam ordinem Prædicatorum in
Belgio spectantia.*



Contigere Præterea olim in Belgio res quædam memorabiles quæ Dominicanorum sanctitatem, insignemque ab ijs præstitam patriæ operam commendant. Quocirca illas hoc loco reponere lubet vt Deus ante omnia laudetur, & ne si eas omiserimus, instituto nostro defuisse videamur.

§. I.

*B. Iordanus post mortem apparuit B. Lutgardi in
Brabantia.*

FLoruit in Belgio initio sæculi decimi tertij, primum quidem in Hasbania, in monasterio S. Catharinæ iuxta Trudionopolim

nopolim, postea vero in Aquiria Cisterciensis ordinis cœnobio, Sanctissima Virgo Lutgardis, omni virtutum genere excellens, admirandisque prodigijs clarissima, Illa singulari affectu ordinem Prædicatorum prosequabatur, tum ob eximiam virorum illius sanctitatem, tum quod Deiparæ monitu in illum ipsum finem assiduis precibus ieiuniisque incumberet, ob quem sanctissimus clarissimusque ille ordo, eiusdem Dei genitricis instinctu consilioque institutus erat. Etenim compertum est, Beatissimum Dominicum, cum Albigenium hæresim, Deiparæ inimicam, concionibus, scriptis, disputationibus tum publicis tum priuatis, incredibili vitæ austeritate, ingentibus etiam patratiss miraculis per annos plures, profligasset; excitatum diuinitus, sacram eruditorum piorumque virorum sodalitatem seu ordinem instituisse: qui impiam illam hæresim, cæterasque quæ deinceps quouis tempore Dei ecclesiam infestaturæ essent, verè Apostolico Euangelij prædicandi munere, conuellerent, fideique tuendæ causâ vitam ipsam profunderent. Quod (Deo gloria) hætenus egregiè ac summa cum laude à Dominicanis præstitum est.

Porro Lutgardi, anno 1207, eo scilicet tempore quo potissimum aduersus Albigenes certabat Dominicus, apparuit Deipara,

& multa de hæreticorum nequitijs conque-
 sta, iussit, vt precibus sanctisque exercitijs ac
 præsertim continuo septem annorum ieiunio,
 extinguendis illius temporis erroribus,
 omnem adhiberet operam. Referunt id Surius
 tom. 3. die 16. Iunij ex Cantipratano qui
 præfatę virginis vitam tribus libris conscrip-
 sit. Hinc igitur B. Lutgardi magna cum Do-
 minicanis fuit necessitudo; vtpote quę, Dei
 genitricis iussu, illis subsidio esset in seuissi-
 ma illa peste profliganda. Quocirca plures
 ex B. Dominici ordine illi familiares fuerunt.
 Ex his B. Iordanus Saxo, vir longè sanctissi-
 mus, totiusque ordinis proximè à B. Domi-
 nici obitu Generalis (cuius vitam vide apud
 Surium tomo 7.) non semel eam visit: atque
 ab illa obtinuit, vt cæteris precibus quas pro
 Prædicatorum ordine ad Deum fundebat,
 adijceret psalmum 66. cum oratione de spi-
 ritu S. Is vero fidei zelo postea in Syriã cum
 aliquot sui ordinis religiosi profectus, iuxta
 Ptolemaidem naufragium passus est; cuius
 obitum, cadauere, suauissimo odore perfuso,
 & sæpius demissa è cælo super eo in aquis
 luce, illustrem fecit Deus. Paulò autem post
 beati viri mortem, contigit, Lutgardem ani-
 mo grauiter affligi, ipso Natiuitatis Chri-
 sti priuigilio, quod inter orandum, solitam
 deuotionis flammam non persentiret, & cor
 eius consueta dulcedine nõ perfunderetur;
 sed

sed in Dei dilectione , clanguisse aut certè (quod sanctissimo cuique interdū accidit) non satis effectuescere videretur. In hac animianxietate, quâ, Dei misericordiam magnis suspirijs implorabat, vtque eam obtineret sanctorum omnium patrocinium ardentè postulabat; ex omnibus , affuit ei B. Iordanus (quem quidem obijisse Lutgardis ignorabat) solatium attulit, omnique mœrore depulso diuini amoris quos illa cupiebat igniculos ei impetrauit , illamque vltro citroque habito de rebus diuinis colloquio mirificè recreauit. Rem his verbis narrat Gérardus Lemouicensis lib. de vitissfratrum p. 3. cap. 40. *Eo tempore fuit in Brabantia partibus in Aquiria monasterio Cisterciensis ordinis, sanctimonialis quedam virgo grandaeva nomine Lutgardis, per quam Dominus multa miracula fecit in vita, & etiam post obitum eius. Hac B. Patri Iordano valde nota extitit, & deuota. Huic cum quadraginta annis in sanctimonialis habitu Domino deseruisset, iamque præsenio non videret & lacrymis; in ipsa vigilia natiuitatis Christi, B. Pater apparuit in hunc modum. Cùm enim ipsa ab hora diei prima vsque ad sextam orasset, nec solitam deuotionem sentiret, tedere cepit, & in hæc verba prorupit. Bone Domine quid hæc patior? certè si aliquem amicum, in cœlo vel in terra qui pro me nunc oraret haberẽ, talem cordis duritiam non sentirem. Hæc illa cum lacrymis dicente; subito ante mentis eius oculos frater qui-*

dam tam lucidus tam gloriosus apparuit, quod eum præclaritatis magnitudine, non agnouit. Vnde stupescens dixit. quis es Domine? & ille. ego sum frater Jordanus quondam magister ord. Predicatorum; ego de hoc seculo ad gloriam transiui, & inter Apostolorum & prophetarum choros sublimatus sum, & missus sum ad te, ut te in festo isto gratissimo consolarer. Tu ergo iam segura esto, quia in proximo est ut à Dno coroneris. Psalmum vero Deus misceatur nostri cum collecta de spiritu sancto, qua me rogante pro ordine nostro dicere promisisti, usq; in finem tuum, dicere non omittas, Post hæc disparuit, eam in tanta consolatione, quantum nunquam habuerat, derelinquens. Idem commemorat Surius in vita B. Lutgardis,

S. II.

Miracula Virtute Rosarij & sacrarum reliquiarum in Belgio edita.

CUM Deus gloriosus Rosarij precibus imploratus, immunera & admiranda prorsus vniuerso orbi contulerit beneficia; haud dubium est, pium illud precandi institutum per Dominicanos propagatum & illustratum, fuisse quoque Belgio, maximè salutare, pluraque per illud miracula in eo patrata fuisse. Pauca quidem nobis cognita referimus, sed longè maxima.

Primum est. Harlemi vbi olim ord. Præd, cœnobium viris sanctitate clarissimis celebre fuit, floruitque Rosarij amor & sodalitas; anno 1478. puer nouennis incaute in altum
flumen

flumen decidit, & sub aquis interijt. Parentes funesti euentus conficij, agere quod parentum fuit, filij exitium lamentari, domum, vicos, ripam, ipsam fluminis eiulatu comple-
re, lacrymari, & cetera maximi doloris argu-
menta proderere cœperūt. Et vero inter que-
stus & suspiria in mentem venit Rosarium,
Rosarium quod à Dominicanis mirificè lau-
datum, & pluribus miraculis illustre, illi non
tantum colebant, verum etiam cum affectu
sæpissimè recitabant: spem concipiunt nec
vanam; Dei genitricis opem implorant, per
Rosarij amorem eam obtestantur, vt in re-
pentino & funesto filij exitio afflictis suc-
currat, & ademptam carissimo puero vitam,
solita in sui Rosarij sodales bēnignitate re-
stituatur. Audiuit & adfuit virgo, & puer qui
ex aquis extractus, palam mortuus fuerat, ad
parentum vota palam reuixit.

2. In Gallica Brabantia (pagi aut loci
non meminit Iodocus Beysselius huius &
præcedentis miraculi scriptor) presbyter
fuit Rosarij cultor & sodalis. Is graui morbo
pressus; dolorum quibus miserè cruciabatur
impatiens, exitium sibi per insaniam ad ferro
voluit, & pessimo illo, Diaboli sanè, consilio
vsus, cultro sibi vitam ademit. Porro dum
cruor efflueret & prioribus malis extre-
mum illud vulnus accessisset, mentem
ad seriam de æterna saltem miseria auer-

auertenda cogitationem cōmutauit. Quid ageret rebus ita penè desperatis? Rosarium arripit, misericordiæ matrem inclamat, vitæ iam iam abituræ inducias fidenter rogat, donec commissum scelus lacrymis & sacra exomologesi expiaret. Illi quoque benigna fuit Deipara, & vitam, quousque aduocatus sacerdos alius aduenisset, & diuina sacramenta contulisset, insigni miraculo prorogauit.

3. Lugduni Barauorū adolescens annorū duodeuiginti, sæpissimè sacerdoti confessus, crimen vnū quod nefandi nominis esset, præ pudore nunquam aperuit miseroque illo in statu frequenter corporis & sanguinis Christi sacramentum suscepit, *iudicium sibi manducans & bibens, non diiudicans Corpus Domini.* Audiit vero is aliquando Contrardum quendam Dominicanum virum prædicandi laude celebrem, eam in vrbe de admiranda Rosarij Mariani virtute multa atque egregia pro concione differentem; illudque inter plurima affirmantem, Rosarij cultores, singulari Virginis Deiparæ patrocinio, in concipienda seria de admissis peccatis contritione, & recta de ijs exomologesi facienda maximè pere adiuuari. Audiit, credidit, Deiparæ clientem se vouit, Rosarij sodalis cōscriptus est: & ecce dum illud orat, aspirauit diuinæ gratiæ meridianus Auster, & fugato Aquilone quo hominum corda miserè obri-

gescunt;

gescunt, fluxerunt lacrymæ; & mirum dictu, tantus adolescentem inuasit ardor, sceleris quod eatenus siluerat, confitēdi: vt nulli negotio incumbere potuerit, imo nec somnum capere, donec latentem lepram, & omnem prioris vitæ impuritatem sacerdoti deuotè exponeret. Quo factò, cum deinceps in beatissimę virginis clientela, & recitandi psalterij studio illi maximè saluari, vixisse, narrat P. Albertus Venetus S. T. Professor lib. de miraculis Rosarij.

His illud annumerandum est, quod supra cap. 19. pag. 125. de muliere Antuerpiana retulimus. Vt enim funestissimum illi erat dæmoni se deuouisse, horrendumque illud pactum (quod illa fecerat) proprio sanguine firmasse; ita maximum beneficium fuit, Deigenitricis precibus, sacrique eius Rosarij virtute, à diaboli potestate, recuperato etiam chirographo, emancipatā fuisse. Sed prorsus illustre est, quod subnecto.

Anno Domini 1475. eo ipso die quo B. Alanus de Rupe in Hollandia obiit, scilicet festo natiuitatis B. Marię Virginis; Venerabilis Pater Iacobus Sprēgherus ord. Præd. S. T. professor, & Cœnobij Colonienſis Prior, Deiparę monitu, ea in vrbe Rosarij sodalitiū magna cum celebritate instituit, Officiarios cteauit & innumera promiscui sexus nomina albo clientelari Beatissimę Virginis inscri-

inſcripſit. Eam vero ſodalitatem, quæ ſcilicet
 Colonix tunc renouata fuit, adeo venerata
 eſt Germania tota, vt Cæſares, Archiduces,
 Principes tum eccleſiaſtici tū ſæculares, Reſ-
 publica, ciuitates, communitates, regiones,
 ſūno ardore in eā admitti expetierint. Qua
 in re, vt aliena omittamus, nō defuit Belgiū
 Dominicanorū ad id cōcionibus excitatum.
 Etenim ex M. S. Codice vnius dūtaxat præ-
 fatæ ſodalitatis Colonienſis, conſtat pluri-
 ma millia Belgarum ſua nomina Coloniam
 ad Prædicatores libro Roſarij inſcribenda,
 trāſmiſiſſe. Quæ ſpatio quadriēnij, videlicet
 ab anno ſupra cōmemorato vſque ad 79. ex
 Belgio miſſa fuere, ex obſeruatiōe prægrā-
 diſ illius M. S. codicis, breuiter reſero.

Ex Brabantia miſſa fuerunt nomina 1424.
 folio 306.

Ex Zelandia 402. fol. 401.

Ex Louanio ſupra 400. fol. 253.

Ex Brabantia ruſſum 1862. fol. 267.

Ex Hollandia ſupra 1200. fol. 279.

Ex Zutphania viciniſque locis. 4000. f. 278.

Ex Geldria circiter 4000. fol. 279.

2. Ex Zelandia 320. fol. 485. alias.

ſupra 200. fol. 488. alias. 1577. fol.

494. & iterum 1197. fol. 493.

3. Ex Brabantia, 3056. fol. 506.

Roterodano 2200. fol. 454.

Traiecto 1724. fol. 456.

Iterum

Iterum ex Hollandia & Zelandia. 830. f. 462.

Ex Brùxella 200. fol. 469.

Ex Friſiâ ſupra 2900. fol. 472.

Plura omittimus ; & omnia illa quidem de vnica Colonia reſtituta ſodalitate. Porro innumerabiles poſtmodũ ſacro Roſarij inſtituto ſeſe addixerunt, quando per Belgicã ipſam plurimæ illius ſodalitates erectæ fuerunt; & noſtra adhuc ætate, maximo optimorum Epiſcoporũ gaudio ac fauore, ſacra Roſarij deuotio, Dominicanorũ opera, propagatur. Quare planè confidimus, plura à Deo beneficia, ſalutari illo precandiritu, Belgio collata eſſe: & vt plura calamitoſo hoc ſæculo accedant, ex affectu precamur.

Celebre etiã in ſuburbio Attrebatenſi accidiſſe miraculum, per ſacras B. Petri martyris ordinis Præd. reliquias, commemorat P. Gerardus Lemouicenſis lib. de vitis fratrum p. 5. cap. 1. in hæc verba. *In ciuitate Attrebatenſi iuxta domũ fratrum Prædicatorũ, mercatores & venditores lignorum habuerunt locum ad conſeruati-
nem lignorum venalium deputatum. Vbi cum eſſet maxima cõgeries lignorum quæ valebat mille libras Pariſenſes, ignis dictis lignis appoſitus eſt: & ex ipſis flamma vehemens exiuit. Ventus etiam flammas in eccleſiam & domum fratrum impellebat intantum quod crucem quæ erat in capite Eccleſiæ accendebat, & iam fratres non ſperabant, quod domus eorum poſſet ab incendio modo aliquo liberari.*
frater

frater autem Bartholomæus quidam conuersus reli-
 quias B. Petri martyris ad quandam fenestram dor-
 mitorij, pro clypeo salutis opposuit flammis: & in
 ipsa appositione ventus contra flans, flammæ in la-
 eus aliud ita fortiter repulit, quod domus penitus il-
 lasa remansit; excepta illa accensione crucis, quæ an-
 te appositionem reliquiarum fuit facta. Hoc ipse fra-
 ter Bartholomæus mihi narrauit, sub multo testimo-
 nio fratrum qui hoc viderunt. Hactenus vetu-
 stus ille rerum Dominicani ordinis scriptor.

S. III.

*Inquisitio memorabilis facta in Hæreticos, Duaci,
 Attrebat & Cameraci per Robertum quæ-
 dam Dominicanum ante annos 380.*

INter illustria ordinis Prædi. munera &
 officia, illud nō postremum obtinet, quod
 cum ad Orthodoxam fidem propagandam,
 profligandas hæreses, communemque om-
 nium salutem sit institutus; insignem in com-
 futandis conuellendisque hæresibus, semper
 nauauit operā. Quo in munere verè aposto-
 lico, Dominicani sæpius Romanorum Pon-
 tificum auctoritate subnixi, impios errorum
 assertores non solum concionibus perstrin-
 xerunt, disputationibus & scriptis deuice-
 runt; Verum etiam brachium seculare indu-
 xerunt vt illi vel exilio mulctarent, vel morte
 dam-

damnarent, Florentem Christianæ segetis agrum per orbem indefessè lustrantes, ac solite curantes ne submissæ à diabolo vulpes funesto incendio cuncta absumerent; ne carissimas mystico Agno, animarum ac virtutum caulas, lupi inuaderent. Eorum profecto industriâ, peruigilique labore, plures extinctas hæreses, discissa schismata, regnis, prouincijsque eliminatos errores, loquuntur publicæ orbis tabulæ, & produnt sacri rerum ecclesiasticarum scriptores. Porro & in Belgio malum fuit, & ex Albigensum incendio, multæ hinc olim stricturæ. Non defuerunt quidem diligentes ex Ecclesiastico statu operarij qui in Belgica Christi vinea non segniter laborarunt: sed præclaram super alios ea in re præstitit operam F. Robertus, quidam ex Ordine Præd. qui postea à Gregorio 9. Pontifice Maximo per uniuersum Galliarum regnum aduersus hæreticos Generalis Inquisitor an. 1238. Pontificatus 9. 10. calendas Septembris renunciatus, omnes illius regni Prouincias peragrauit, atque pro commisso sibi munere, in sanctæ fidei proposito confirmauit, hæreticis plurimis supplicio affectis. Is in Gallicas Belgij partes prius eiusdem Pontificis iussu uenerat, à scelerata eas hæresi purgaturus. Ibi enim hæretici quidam Albigensum seu similibus apostatarum asseclæ fuerunt, quos

non

nōnulli Sodomiticos appellarūt, vt testatur Maierus in Annalibus Fland. anno 1236. F. Robertus, quorundā Episcoporum quos cum eo congregari iusserat Pontifex societate atque auctoritate instructus, Principum etiam præsentia & patrocínio munitus, eorum plures in Flandria, Attrebatensio & Cameracesio, flammis è medio sustulit, cuius rei quod ad Duacenses attinet hæc in insignis Ecclesię S. Amati libro, quę argenteum vulgo dicunt, scripta reperi. *Hac die combusti fuerunt apud Duacum, decem heretici extra portam Oliueti, in via leproforum, quæ via iter dirigit apud Lambres, (nomen portæ nunc exoletum est, apparet fuisse S. Eligij.) præsentibus venerabilibus Dei gratia Archiepiscopo Remensi, Assensue Episcopo Attrebatensi, Vvaltero Episcopo Tornacensi, & fratre Roberto Ordinis fratrum Præd. tunc temporis habente potestatem à Domino Papa capiendi hereticos de consensu Episcoporum prædictorum: & præsente Ioanna Comitissa Flandria, & Hannonia, ab incarnatione Domini 1235. 2. die mensis Martij quæ dies fuit Dominica Quinquagesima. Quod ad Cameracensium attinet, rem memorabilem accidisse, etsi nec Robertum nec annum nominet, sed cōmuni tantum nomine fratres Prædicatores, refert Cantipratanus lib. 2. de apibus c. 57. p. 68, his verbis. Audi & de alio obfesso mirum Dei iudicium. *Erat circa Cameracum ciuitatem quidam hereticus**

hereticus, astutus valde, qui metuens inquiri & cōburi à fratribus Predicatoribus, qui in diēla ciuitate eo tēpore plurimos cōburebāt, finxit se arreptū à demone; & ob hoc ad S. Aichadrū in Aspera, obsessos curare potentē, ligatus ab amicis deductus est; Vt in eo nō hæresim propalatā se à furia reputarent. Et, ut audivit quidam clericus obsessus a demone, & ligatus, quod Egidius Boogris (sic enim vocabatur) ligatus poneretur in loco, subsequenti nocte idē obsessus clericus, diuino watu solutus est. Et aggregans mattas & stramina, atque Ecclesiæ scāna, super ligatum hereticum cumlavit. Ludum autem & furiam credens ille, dissimulat quoadusque clericus ignem de lampade sumēs, cōburere cumulū capit, & tūc hereticus exclamavit. Ad cuius vocē expergescētī custodes, cū ignem extinguere niterentur; clericus arrepto gladio, quem casu iuxta lectum inuenit, omnes violēter abegit, & hereticum in igne combussit. Nec mora, Diuino exacto iudicio, clericus à demone liberatus & plenè sospes apparuit.

Porro præfatus P. Robertus dū postea in Tholosatiū partibus feliciter cum hæreticis depugnaret, magnāq; sanctitate & eruditione fidē adstrueret, anno 1242. quo Pōcius Hispanus Ord. item Præd. hereticorū quoque cēsor apud Vrgellā Chataloniæ urbē veneno est interēptus; cū alijs quinque eiusdē instituti religiosi, iussu Comit̃s Tholosani, capite plexus est, ut inter alios testatur Bzouius Annal. Eccles. to. 13. ad an. 1242. Eius aliorūq; martyrium

martyrium celeberrimè & admirando prodigio illustravit Deus . Etenim à supplicij loco Tholosæ suburbano, in ipsam urbem, atque in Dominicanorum ædem publico eos præeunte lumine, proprijs manibus resecta capita reportarunt: pari sane miraculo, quo maximus ille Arcopagita Galliarum Apostolus Dionysius iuxta Lutetiam, & sanctissimus Proculus Bononiæ, quas pro Christo securi submiserant ceruices, in partem triumphi, ad destinatum diuinitus locum, detulerunt. Hic cogita Belgiū quo Robertus ille zelo sanctoque pietatis ardore per mille pericula tibi consulturus venit, Sanctissimo Martyri gratias age, & ut omnes à te erroris nebulas, suis apud Deum meritis discutiat, assidue roga.

§. IIII.

Decanus in Flandria ad ordinem Predicatorum celesti reuelatione adductus.

PAUCIS hîc quod de Decano quodam in Flandria tradit Gerardus Lemouicensis lib. vitasfr. p.4. c. 13. Eius verba adferre lubet. *Decanus quidam de flandria monebatur sape à quodam antiquo Predicatore Fratre, quod secularibus pompis renunciâns, nostrum Ordinem intraret. Sed ille timens quod cibus aridis uti non posset:*

CUM

cum diu delicate vixisset; item quod pedes ire non posset, quia corpulentus erat, nec sine equo dimidium miliare ire valebat; ab Ordinis retrahebatur ingressu. Cum igitur super ijs fluctuans frequenter ad Dominum clamaret: vidit in somnis mensam cum albis panibus ante se positam, & dicebatur sibi quod bene talibus uti posset. Videbatur item sibi quod fratrum chorum intrabat. Vbi omnes erant in albis: & quilibet dabat ei unam pixidem cum aromaticis speciebus. Videbatur ei etiam alia nocte quod iter quoddam erat factururus per maximas nives, & cum timeret multum, videbat in medio illius magnæ niuis semitam quandam rectam & rubetam, & pulcherrimè stratam: quibus à Domino commonitus intrauit Ordinem; & ut ego audiui à fratribus sui Conuentus; valde potens à Domino factus est ad ieiunia & labores itineris, & ad cetera graua toleranda pro Christo. Ipse autem F. & confessor eius qui ipsum ad Ordinem induxerat: secreto mihi prædicta omnia narrauerunt.

S. V.

Dua Henrici 7. Augusti sorores in virginali Bellemontano Vallecenis ordinem Prædicatorum professe.

Valencenis præclarum est virginum instituti Dominici cœnobium, à situ loci Bellemontanum quidem vulgo dictum;
S nobis

nobis verò, melius profecto, à virtutum pulchritudine, à religiosi status raræque pudicitiae & summæ paupertatis celsitudine, eo nomine appellandum, Quamquam enim nullas ex eo Virgines aut editis miraculis claras, aut diuinis reuelationibus illustres, aut eximijs religiosæ vitæ exemplis admirabiles. nobis commendarit antiquitas; adeo vt præter Mariam quandam Auxtruis, quæ diuturno morbo hac in vita exerceri à Deo postulauit, vtriusque compos quatuordecim continuos annos graui ægitudine, sanguineoque vomitu exhausta, obiit; & Iacobam Bertoul, quæ carnem assiduis verberibus; ad annum etiam suæ ætatis quintum supra centesimum, afflixit; antea nulla ægregiæ sanctitatis monumenta, viderimus: magnam tamen atque excellentem plurium eo in loco Christi sponсарum virtutem fuisse, non ambigimus, dum principum ac regum seu filias, seu agnatas plures, contemptis mundi illecebris, illibatam virginitatem ibi coluisse; luxui, auro, honoribus cæterisque malorum irritamentis, pauperem vitam (siquidem non in opulento monasterio, sed paupere & ad religiosam mendicitatem condito) prætulisse, magna sane animi iocunditate meminimus, E pluribus duæ Hentici septimi Augusti germanæ, Sancti Dominici institutum in eo cœnobio complexæ sunt.

Vna quidem, Fælicitas Luxemburgësis, quæ prius Ioanni Louanienfi matrimonio iuncta, sed ætatis anno vigesimo secundo vidua, faceri Ordinis habitum suscepit, anno 1328. Altera, Margarera Luxemburgensis, quæ iunior monasticam vitam professa, illius postea loci præfecta (priorissam vocant) fuit, vtraque singulare virtutis specimen exhibuit, Deique ope, cuius amore cætera respuerant, fælici cursu, iustorum ac pauperum præmia, vt credimus, adierunt. Harum mater Beatrix, filia Ioannis primi Comitiss Hannoniæ, Virginalis in quo vixerunt filiæ, prima author fuit, ac fundi illius donatrix; qui priusquam ob patriæ calamitates & bellorum rabiem in angustias contraheretur, merito à sitis amænitate Bellemontanus dictus est. Ita scilicet illustrissimæ Comitum Luxemburgensium stirpi cœnobium illud, duas in eo Henrici Augusti sorores, aliaque plurima beneficia debet. ab illustrissimo quoque ac sanctissimo Dominico Cusmano fundatus Prædicatorum Ordo.

Quis hic impiam, & auctore Diabolo cusam calumniam silere potest, qua Dominicanis æterno opprobrio dignum flagitium, mortem scilicet Henrici Cæsaris obiecerunt olim nefarii quidam? Summa criminis est, Bernardum quendam Politianum ex ord. Præd. à Florentinis Cæsari offensis subor-

natum pactis quadraginta millibus florenorum, Henrico cui à confessionibus erat exitium attulisse, cum ipso assumptæ Virginis Deiparæ festo, pijsimo Principi atque ex religione diuinis mysterijs communicanti hostiam veneno delibutam porrexisset. Quin Ioannes quidam Beca alijque nonnulli historici, Galliarũ & Siciliæ reges imo & Romanum Pontificem Clemētem quintum in partem criminis adducunt, tanquam miserimi illius consilij auctores. Calumniam dixi, quæ scilicet toto orbe apud bonos æquosque arbitros iam pridem laruam posuit, vt hoc loco, nullis Dominicanæ innocentiae vindicijs opus sit; Mornæus quidem impius nostri temporis hæreticus ordinem Præd. Denuo illius falsi criminis obiectu accusauit in lib. quem mysterium iniquitatis inscripsit: sed accusandi iure caret, qui iniquitatis mysteria cudit, Aduersus repentinum illum ex Calvinischola Theologum, ex omnium temporum mendacijs historicum; Dominicanorũ causæ in publico Lutetiæ atque orbis theatro patrocinatus est, Nicolaus Coeffeteau tunc quidem ord. Præd. S. T. professor, regiusque Ecclesiastes, nunc vero Dardaniæ Episcopus, in lib. responsionum ad mendacia Mornæi. Scripserunt pro eiusdem reueritate, Trithemius in chronico ad annum 1313. Villanus historiæ suæ lib. 9. cap. 5.

& P. Fronto Duceus ex societ. Iesu vir eruditissimus, in suo Inuentario. Nos quoque ante annos tres in Academia Duacensi in Quodlibeticis vt vocant, labem illam publica oratione deterfimus.

V O T V M,

*Mementote Fratres quomodo salui facti sunt
Parres nostri. Imitatores illorum simus, sicut &
illi Christi. Præiuerunt, & præluxerunt; quis-
quis eiusdem instituti es,*

Tu longè sequere & vestigia semper adora.

Ita vouco: ita donet Deus: ita adiuuent
atque auxilientur sancti illi, communisq; eo-
rum ac noster parens DOMINICVS; & im-
primis quæ Dominicae Religionis prima
author extitit, ac deinceps promotrix atque
mater benignissima, asylum, tutela, gloria,
corona, honor: MARIA DEIPARA. *Fiat.
Amen.*

F I N I S.











